

# *TŠENOLO, KHAOLO 'NE*

## *KAROLO III*

 Ke a leboha Moena Neville. Morena a u hlohonolofatse le uena. 'Me malume hoseng hona, lona seholpha sa Bibele. 'Me e mong le e mong o ikutloa joang hoseng hona? Hantle, ke a tšepa. Amen. Re batla re... e batlile eba tsebiso e khutšoane e boletseng hobane re tla ba mona hoseng hona, hoba ke ne ke se na... lenane la maeto a ka le eso etsoe hore ke tla eta neng feela. 'Me erekaha joale le etselitsoe likhoeli tse tšeletseng tse lhahlamang, be, ka hona, ka hopola molemo e ka ba ho tšoara tšebeletso hoseng hona hobane ke tla nka nako pele nka khutla hape, kamoo ke tsebang; mohlomong sehla sena.

<sup>2</sup> 'Me ke tla... Re tla tloha veke ena e tlang ho ea koana Beaumont, Texas, re qala tlase mono veke e tlang re ntoo tsoella ka kopano ea matsatsi a robeli kapa a leshome mono 'moho le mokhatlo oa—oa baikemeli le likereke tse fapaneng. Ehlide e tšeheletsue ke likereke tsa *Jesus Name* tlase Beaumont, Texas, teng re kile ra tšoara kopano e kholo nakoana e fetileng, hantle feela hoba ho katlatsoe setšoants̄o *sena*. 'Me ba... ke a tseba hore mono ba mathisa makouchu ka, ke a kholoa, makouchu a mashome a mabeli a metso e supileng... kapa terene ea matoroko a mashome a mabeli a metso e supileng, e tla tla koana kopanong ea Beaumont. Ke hona moo ramotse a ileng a hlophisa mokoloko 'me a haola literateng, le bao bohle. Re bile le nako e monate Beaumont, 'me re khutlela teng veke ena e tlang. 'Me hape re ne re shebeletse San Antonio, feela re ke ke fumana nako e lekaneng bakeng sa eona, haese mohla re khutlileng.

<sup>3</sup> 'Me tloha mono re ea Phoenix, Los Angeles, ho theohela Long Beach. 'Me re ntoo khutla, ha Morena a ratile, ho khutlela Lebopong la Bochabela, morao koana ho kena Virginia le South Carolina. Le ho khutlela Bloomington, Illinois nakong eo. 'Me ho tloha moo ho ea Sekolong se Phahameng sa Lane Tech, veke e fetileng ka 'Mesa, Borakhoebo ba Bakreste. 'Me ke tloha mono ho ea British Columbia e ka leboea, holimo nqa Alaska, ho hlola mono hofihlela Phuptjane. 'Me, hape, re tšepile ho tšoara nako e monate.

<sup>4</sup> Ho rapela joale haeba lipatlisiso tsa... hobane esale ke le tla tsona nakoana le lekhetho la lekeno, mabapi le kereke mona, etlabe e felile nakong eo. 'Me re ntoo... Ke tla khona ho ea mose ho maoatle haeba ho le joalo, hantle ka Phuptjane, lekhatheng leo e tla be e loketse Afrika feela; bakeng sa

Phuptjane, Phupu, le Phato, koana—koana Afrika. ka hona ruri ke hloka lithapelo tsa lona.

<sup>5</sup> 'Me re shebeletse ho khutla ha Morena. Lintho tsena tsohle ke "haeba e le thato ea Morena," le a bona. Ha re tsebe, A ka... Ka tšoanelo tsena ha se litataiso, re mpa re phutha limemo tsohle le ho e rapella, ho botsa Morena, "Re tlameha ho ea nqa efe?" 'Me —'me ho bonahetse lekhatheng leo, ke hona, ha ke tlohelle lintho tsohle ho 'na, ke tlohela ba bang ho e nahana, ho e rapella. 'Me bohole ea ka re tataisoa ho ea nqa bophirima, boroa le bophirima nakong ena. Eaba re phuthile limemo tsa hohle, ra tloseletsa hantle ra theoha. 'Me sebaka sa pele se lutseng pelong ea ka e ne e le Beaumont kapa San Antonio. Eaba re batlana le eona, 'me ra fihlela limemo tsa libaka tseo ka bobeli. 'Me e...

<sup>6</sup> Eaba re letsetsa ea Beaumont. 'Me e re ka ha likereke tse mashome a mane a metso e 'meli li sebetsa 'moho, tsa Mapentekosta a Kopaneng le tse joalo, ra hopola odotoriamo e ka ba molemo ho bona ho ba hlophisetsa matsatsi a ka bang leshome sebakeng sa ho fa e mong le e mong a mahlano le a mahlano. Ke hopola ho le molemo ho e beha mahareng joalo. Ka hona, ho na le bongata bo-bo hlokang tikolohong ea Beaumont le tlase bophareng ba karolo eo ea oli ea Texas mono, 'me ka hona re lebelletse nako e monate Beaumont.

<sup>7</sup> 'Me, joale, le ka mohla ha re leke ho ea litsing tse kholo le libakeng tse kholo. Empa re leka ho sala tataiso ea Morena morao ho ea, ho sa tsottelehe bonyenyane kapa boholo, ha feela Morena a mpa a tataisa. Joale, nako efe, A ka re biletsha *Masedonia* 'me re tla tloha tšimong nako efe ho etsa sefe seo A re biletshang ho se etsa, nqa efe feela.

<sup>8</sup> 'Me re hlile ra natefeloa ke nako ena ea botsoalle ho potoloha Lentsoe la Molimo le lona batho ba khabane. Ke tšepa hore le tla tšepahala joale 'me le tle kerekeng le ikobele lithuto tsa Bibebe ka moena oa rona oa senatla mona, Moena Neville, ke hlile ke mo babatsa haholo joaloka mosebeletsi oa Morena Molimo, le ho tsoelapele ho teba le ho teba 'moho le Molimo, 'me ke hlile ke thabetse hoo.

<sup>9</sup> 'Me uena kerekana, ke u khothaletsa ka Lebitso la Morena Jesu ho hola mohaung oa Molimo, lula u tiile 'me u shebile Kalvari ka linako tsohle, fothola metso eohle ea bokhopo pelong ea hau le moeeng oa hau, Molimo o tle o khone ho u sebelisa nako efe. Haeba u ikutloa ho etsa lethoana, kapa tšenolo kapa ntho e u fihlela ka moholo, ntho e u lemosa kapa ho hong, hlokomela! Satane o mano 'me ke thellanyane a tiile. Le a bona? E bapise le Lentsoe la Molimo 'me u botse moruti wa hau. Le a bona?

<sup>10</sup> 'Me u fumana lineo li khasetsa ka har'a kerekene, le tšebetso ea lineo tsena. Pele u e lesa ho sebetsa, pele... U mpe u e utloe e hatella pelo ea hau... Joale, sera se hlile se masene. Le a bona? 'Me ke sona feela se tabolang likereke likoto nako le nako, ke

neo ea 'nete e sebelisitsoeng hampe. Le a bona? Ntho eo Molimo o lekang ho e etsa, athe e sebetsoa ka phoso, e mpa feela e tla—e mpa feela habonolo... Ha e senye uena feela, empa e tla tabola kereke eohle. Le a bona? E hlahlobe, e fetise 'me u e fetise Bibeleng, u nt oo e hlahloba le ho bona haeba e le Molimo kapa che. Lula u e hlahloba le ho e leka, ho bona haeba e phethahetse hantle ho theoha ka mola le ho bapa hantle le Lentsoe. U tla be u itoketse, le a bona.

<sup>11</sup> Ha feela Lentsoe le e boletse e tla ba teng mona, e ne e tla sebetsa ka tsela ena, lula le eona hantle. Le ka mohla le se khelohe, ho sa tsotellehe motho mang o etsang, e bonahala e le ea sebele ha kae. Haeba e sa halime ka har'a Mangolo ho qala ho Genese ho isa ho Tšenolo, e tlohele. U se ke oa nka monyetla, re matsatsing a ho qetela mohla Satane a thetsang ka bokhoni ba hae.

<sup>12</sup> Le ntšoarele haeba ke leka ho ikhapela maemo a mookameli; ha ke mookameli. Empa ho lona ke ikutloa joaloka Pauluse ha a boletse morao koana ka phutheho ea hae khetlo le leng, "Ke lona le leng linaleli moqhakeng oa ka." Mohla ke tšeelang naheng mose oane, ke kopana le lona boemong bo tlotsitsioeng, Ke le batla le eme mono le phatsima joaloka linaleli moqhakeng oa ka. Le a bona? 'Me ke—ke le batla le mono, ke batla ho ba teng mono.

<sup>13</sup> 'Me ke sa hopola pono ea ka mohla ke ne ke boha Boteng ba Morena, kapa batho ba Oona Lefatšeng le khanyang lela, Ka qamaka, ka ba bolella... 'Me ba re ho 'na O tla nkahlola pele ka Evangeli eo ke e rerang. Ka re, "Hantle feela kamoo Pauluse a E rerileng."

<sup>14</sup> 'Me dimilione tseo tsa batho tsa hooeletsa, "Re phomotse holim'a seo!" Le a bona? Le a bona. Joale, ke batla hore ho be joalo. 'Me re tla kopana teng ka letsatsi le leng.

<sup>15</sup> 'Me Molimo ha o a romela 'na le Moena Neville ho ba balaodi, ho hang. Re mpa re le baena ba lona feela, le a bona, barupeli ba Evangeli. Ha re sebetseng bohle 'moho ke hona.

<sup>16</sup> 'Me ka linako tse ling haeba—haeba ntho e sebetsang e tlameha ho lekoloa kapa—kapa ntho e boleloa ka eona, ho hlahljoja kapa ntho ea mokhaloo oo, 'me motho ea ottiloeng ka neo a e hanelo, le hopole feela... a e hanelo, hopolang, neo eo e ne e sa loka. E ne e se Molimo le ho qaleng. Kamehla Moea oa Molimo o ikokobeletsa khalemelo, o mosa o a hlabosa, o ikemiselitse. Le a bona. Ha o ema o re, "Ke tla e etsa leha ho le joalo," le tseba kamoo ka linako tse ling... Hopolang feela, meeaa e khohlahetseng ha se ea Molimo. Le a bona? Hobaneng u amohela moshaqane athe ntho eohle, lefatše lohle, le tletse Khanya ea Molimo, le a bona, matla a 'nete a Molimo. Hobaneng ha re ka amohela moshaqane? Re phirimetsoe ke letsatsi haholo joale; empa, hopolang, Bibebe e itse o tla kena joalo ka... ka

mano a bokhoni ba hae feela, ho thetsa le bona Bakhethoa hola ke ntho e ka etsoang. Le a bona?

<sup>17</sup> 'Me, joale, ka nako tse ling re itemoha re le Bakhethoa, 'me ke a tšepa re bona, empa ha re luleng re tible hantle feela le Bibebe. 'Me ha tsohle li bapile le Lengolo hantle, le ho lumellana le Lengolo, ho tlisa Khanya ho Modimo le hlompho ea kereke, le joalo, re tla e tseba e le taba ea Molimo hobane Bibebe e a e tšehtsas. Empa mohopolo oa rona feela o ka sitoa ho e tšehtsas, o ke ke oa thusa letho, o a hohlomela.

<sup>18</sup> Joale haeba ntho e re fihletse, ho sa tsottelehe e ka e lokile ha kae, haeba e sa loka, e sa kheme le Mangolo, le e falatse hona joale; hobane ho na le—ho na le Ea 'nete e leng teng, le a bona.

<sup>19</sup> Ka hona, le rapele joale. 'Me kamehla, le ha e ka ba eng eo le e etsang, le nthapelle. Nthapelleng hoba joale re hlasela masimo makhetlo a ho qetela, ho latela mohopolo oa ka. Joale re a tsamaea . . .

<sup>20</sup> 'Me, le hopole, lintho tse kholo li a etsahala, lefatše ha le li tsebe. Jesu o tlife, a phela, a shoa, a etsoa sehlabelo, ho khutlela Khanyeng, athe dimillione ha li a tseba letho ka eona. Le a bona? Ha e a khaba, ha e ntle, ha e kholo; ke ho re "O tlife ho ba Habo ka Sebele," le a bona. 'Me e . . . "Ea nang le tsebe a utloe seo Moea o se bolellang likereke." Ha e a lebisoa ho ba kantle, "ho Kereke." Kereke ke eona e sisinngoang.

<sup>21</sup> Ke ne ke sa nahane joalo ho fihlela A buile le 'na tsatsi le leng; ka tlameha ho khutlisetsoa Lentsoeng le ho nahana ka baprofeta bohole ba buileng ka ho fihla ha Johanne, ha thoe, "Linqalo tse liphahameng li tla latsoa, le linqalo tse tlase li phahamisoe." Le kamoo matla a Molimo a neng a tla sebetsa! Le e—e . . . "Lithaba tsohle li tla thala joaloka lipheleu tse ncha, 'me mahlaku a tla opa liatla." Be, ea ka ho tla hle ho etsahale ntho ea tonana. Le a bona? 'Me qetellong hoba e etsahale, ha etsahalang? Mothaka oa khale o tsoile lefeelleng, litelu li batla li leketlile hohle 'me a itlamile ka letlaloana la khale la nku. Lintho li se bonolo kantle mane lefeelleng. A hlotse teng ho tloha a le lilemo li robong, mohlang oo a le mashome a mararo. Ho tla a tsoa lefeelleng, a hatakela ka maoto, a rera pako, seretse se mo khamatse ho fihla mangoleng, ho ka thualo, holim'a mabopo a Jordane. 'Me ke mohla libaka tse liphahameng li neng li latsoa le libaka tse tlase li neng li phahamisoa. Le a bona? Ke . . .

<sup>22</sup> U tlameha ho fupa kutloisiso ea moe. Le hopole, le ka mohla Molimo ha o eso khone 'me ha o sa tla hlola, lefatšeng lena, ho aha ka bokhabane. O khahlano le eona. Ha ho mohla O tla . . . Melaetsa e meholo e ke ke ea eba "etsang moholo sekete-kete le sekete-ke . . ." Ha e sebetse joalo. Bahlanka ba Oona ha ba sebetse joalo. Bokhabane ba Oona le khanya ke tsa holimo.

<sup>23</sup> Maobane, kapa matsatsi a mabeli a fetileng, ha ke tsoa ke ea Kentucky, holimo koana Kentucky le motsoalle oa ka e moholo,

Moena Banks Wood, kantle mono ke ha ho eme letseka la mosali, 'me a re, "Moshanyana, re mpe re fokotse lebelo," ho re, "o khohlahetse."

<sup>24</sup> 'Me ka re, "Yaa, ke hantle." Ka re, "Ha sechaba se fihla moo ho thapuoang dimilione 'me ba tlamehe ho nka basali, ho ba etsa matseka le ho ba romela kantle mono, e le baqhobi ba makoloi a baeti le lintho tse kang tseo, ke se seng sa likoli tse kholo holim'a sechaba sa rona." Tšoanelo ea hae kantle mono e lekana le ea—le ea 'mutlanyana kahar'a ktelele ea mafura. Le a bona? E mpa feela—e mpa feela—ha se sebaka sa hae feela. 'Me ka re, "Taba eo e kile ea ntuba habohloko, empa joale ke qala ke hopola, 'Khele, ha ho makatse, ona ke—ona ha se 'muso oa rona, ha re ba lefatše lena.'" Ba se ba . . . lona . . .

<sup>25</sup> Hobaneng ha basali (basali ba rona) meriri ea bona—ea bona e se mekhutšoane, le meikapo, le rock-and-roll, le linyee tseo tshole? Khele, batho ba kena likereke tse tlolaelehileng le lintho, ho nahana, "Ho itoketse." Hobane'ng? Eona . . . bao—bao ke Maamerika; ke Maamerika, ba fupile moea oa Amerika. Rona ha re Maamerika, re Bakreste. Re a phela . . . moea oa rona ke oa 'Muso o mong. Holane moea oa rona e ne e le oa 'muso ona re ne re tla khumama le lintho tsena 'moho, re ka be re rapela lipina tsena tshole tse litšila re rapela rock-and-roll ena eohle. "Moo pelo ea hau e leng teng, ke moo matlotlo a hau a leng teng." 'Me matlotlo a rona a holimo. Ka baka leo re ea 'Musong.

<sup>26</sup> Lena ha se lehae la rona, mona re mpa re jakile feela re leka ho ntša baahi ba bang lefifing. Le ho kena motseng nka tšoara letšolo le pharaletseng la motse, ke phethole lekote veke feela kapa matsatsi a leshome, molemong oa moea o le mong o theko e thata kantle mono; o le mong, a le mong feela ea lutseng kantle mono.

<sup>27</sup> U ka re, "Kopano e ne e atlehile haholo, likete tse hlano li arabetse aletare"; ho ka tšoha ho se le a mong oa bona ea bolokehileng, ho se le a mong oa bona. Le a bona? 'Me ho ka ba joalo . . . U ka nahana mono, "Ke batho ba babeli feela ba arabetseng aletare"; empa e mong oa bona e ka ba ke lehakoe. Re ntse re tšoasa molatsoaneng. Molimo khetha hlapi, O tseba le e seng hlapi e seo e seng eona.

<sup>28</sup> Ka hona, le a bona, re mpa re rera feela. 'Me le hopole hobane le etsa joalo tabernakeleng ena. Empa ka mehla le hopole sena, "Linku tsa Ka li tseba Puo ea Ka." 'Me Puo ea Molimo ke Lentsoe la Oona.

<sup>29</sup> Ke ne ke nahanne tsatsi le leng kamoo batho bana ba reng ha ho eso be le letho la . . . Mokhatlo o itseng oa bolumeli ba likereke o reng, "Pholiso e Halalelang ha e a loka. Ha ho motho ea fuoeng neo ea pholiso e Halalelang ka ntle ho Santa Pauluse kapa baapostola, ba leshome le metso e 'medi phaposing e ka holimo.

Ba fuoe neo ea pholiso e Halalelang, eaba ho feletse. Eaba ke phetho."

<sup>30</sup> Empa, le a bona, ho latela chate e khabane ena eo Moena Willie, mona, a re hlophiselitseng eona ka bokhabane, kholenyana eo e haotse le likereke tsela eohle. Ke a ipotsa na mokhatlo oo oa bolumeli o ka reng ka nalane ea kereke, ka Irenease, ka Santa Martin? Le bashoela-tumelo bao bohle ho theosa le mongoaha, makholo a lilemo ka mora lefu la baapostola, ba buile lipuo ba folisa bakuli ba tsosa bafu ba etsa mehlolo, kereke eohle. Le reng ka bona, haeba e ne e le baapostola feela?

<sup>31</sup> Na le bona kamoo e patisaneng kateng? Ba tinngoe kutloisiso ea moea, ke phetho. Bona, "Ba foufetse! Ba shoele sebeng le melatong!" *Sebe* se bolela "ho se lumele." Ntho efe ea ho se lumele ke sebe. Ekare ha motho a qhoaetse e—e tlota e telele ha *kaalo* (ea D.D., habeli L., Ph.D., L.L.D.) le ho re "ha ho ntho e kang pholiso e Halalelang kapa kolobetso ea Moea o Halalelang," motho eo o ichoeletse sebeng. A ka ba bokhoni ho hhalosa liphiri tsa mefuta eohle ka har'a Bibele, empa bona bophelo ba hae ka sebele (bopaki ba hae) bo a paka hore o shoele. O ichoeletse sebeng le litšitong hobane ke moetsalibe.

<sup>32</sup> Sebe ke ho se lumele. Mang le mang o lokela... Sebe, ha se ho feba le ho tsuba lisakerete le ho tantsa le—le ho itšoara joalo. Seo ha se sebe, tseo ke litšobotsi tsa ho se lumele. Empa e—e molumedi... Leha motho a sa noe, a sa tsube, a sa etse lintho tsena, a eso bue lentsoe le lebe le ka mohla, a boloka Melao e Leshome kaofela, e sa ntse e ka ba moetsalibe e motšo, le a bona, oa maemo a holimo ka ho fetisisa. Haeba a latola letho la matla a Molimo, ke moetsalibe! Lentsoe *sebe* ke "ho se lumele." Joale, le fumane feela, le bone haeba e lokile kapa che. Motho ea sa lumeleng Lentsoe la Molimo, ke moetsalibe 'me a ke ke a kena 'Musong oa Leholimo.

<sup>33</sup> Joale, oh, ke ile ka nahana hoseng hona, ho ipelesa eona ka thato ea Morena, ka taelo ea Moea o Halalelang, ho theohela tabernakeleng hape ho le tšoarella bohle lihora tse peli kapa tse tharo mohlomong. Empa ke batla ho phethela buka ea khaolo ea 4 ea Tšenolo pele ke tloha. 'Me joale ke a tšepa ha e le khathatse, ke tšepa e le—e le khanya ho lona. Ke tšepa e le ntho e tla le tsoela molemo le ho le thusa matsatsing a tlang.

<sup>34</sup> 'Me joale koana... Ke laetse Billy ho theohela mona hoseng hona ho aba litlankana tsa thapelo ho moeti ea har'a rona, hobane re tla tloha, 'me... joale, 'me ha ke tsebe mohla re re tla khutla. Ke Molimo feela o tsebang seo. 'Me ke ne ke batlile... ka nahana haeba seboka sa ho qetela haeba... eitseha ha a ntetsetsa ha e batla—e batla e le hora ea borobong le ho re "Ntate, ho na le batho ba tla rapelloa mono. Ke ba botsitse, empa" ho re, "ke batho ba—ke batho ba tlang kerekeng ka linako tsohle."

<sup>35</sup> Ka re, "Ha ho le joalo u se ke oa aba litlankana tsa thapelo, u a bona." Ka re, "Hobane ke batho... Haeba re rapella bakuli hoseng hona, re tla bitsa batho re ba rapelle." Empa ka re, "Haeba e le—e le batho ba tlang tabernakeleng bao re ba tsebang... Che, ke batla motho osele."

<sup>36</sup> 'Me a bua ke hona, o fihlile mono metsotsong e 'maloa e fetileng a kopana le 'na ke eme ka ntle mono, ho re, "Be, ke abile litlankana tse 'maloa tsa thapelo." Ho re, "Ba 'maloa feela ka mono, ke abile litlankana tsa thapelo." Ho re, "U ka etsa seo u se batlang."

<sup>37</sup> Ka re, "Be, re tla bona ka moo molaetsa o khathang tema, ho bona moo re leng teng, 'me re tla ea. Ke..."

<sup>38</sup> A re, "Be, batho ba bangata ba batlide litlankana tsa thapelo, ehlide, empa" ho re "e ne e le batho ba kahar'a kereke mono." Le a bona?

<sup>39</sup> Be, re a tseba hoba Molimo ke Molimo. 'Me, khele, lintho tseo O li etsang feela! Khele, e—e mohala o lla ka linako tsohle, oa batho ka lintho tse fapaneng, oa linthoana tse nyenyane ka nako tse ling, le kamoo Molimo o arabang thapelo!

<sup>40</sup> Ke a ipotsa na leleiti leo kapa monna oa lona o teng ho tsoa tlase mona New Albany, ba ne ba tlisitse lesea leo le khanngoeng bosiung bo bong, ke pneumonia, tlung ea ka nako e ka ba leshome le metso e 'meli, hora ea pele? Mono, ho lokile. Lesea le joang? [Monna ka phuthehong o re, "Le itoketse!"—Mong.] Ke botle, ho hotle, ho lokile.

<sup>41</sup> E reng feela ke le bontše, le a bona, hore ke ntho eo le ke keng la e tseba, e sa tsoeleng pele ha Moea o Halalelang o bua. Fred Sothmann, moena oa rona ea ratehang, Fred; Ke mo utloile a re "Amen" nakoana e fetileng, empa ha ke a khona ho mo qoholla. O ho kae? Na o teng mona? Mona, hantle mona, Moena Fred Sothmann. Le ho bontša kamoo e leng bonolo kateng... O ne a tlie le metsoalle e meng e lokileng, eona e le Moena Welch Evans, ke a kholoa, ha ke tsebe. Ba ne ba hula k'harafane moo; ba ntoo notlela mamati eaba Fred o lahleheloa ke linotlolo, ba batlide hohle ba sa li fumane nqa efe. 'Me Moena Welch a tla nyoloha hantle feela. Ka hona mohla a tla fihla le lintho, ke ha ba sa thole senotlolo nqa efe, eaba o letsetsa lapeng feela, ho re, "Moena Branham, linotlolo li kae? Re ka li fumana kae?"

<sup>42</sup> Joale, taba eo e ka khopa bang ba lona, ho motho ho botsa potso e joalo. Empa beang butle motsotso feela, ana le sa hopola bara ba Jese ba batlileng limoulo? "Holane ke tšoere mpho letsohong la ka, nka theoha ka bontša... botsa, ho e neha moporofeta, 'me a ka re joela moo limoulu li leng teng." Le sa e hopola na?

<sup>43</sup> 'Me ea re a sa tsamaea seterateng ba kopana le moporofeta. A re, "U ntse u batla limoulu tseo." Ho re, "Mono, u ka khutlela hae," ho re, "li se li khutlile." Na ho joalo?

<sup>44</sup> Ka rapela. Fred o ile a tloha a thonaka linotlolo. Ke eona. Le a bona?

<sup>45</sup> Moena Ed Daulton, u ho kae? Ed Daulton o ho kae? Ke a tseba o teng mona kae-kae, ke 'mone nakoana e fetileng. Oh, ka morao ho . . . ke eo. O nkutloile ka inthak'homo kapa ka morero o holisang mantsoe. Mohala o kene bosiu bo bong 'me Moena Ed a kene khathatsong e kholo. Ke ne ke batlile ho mo thusa. "Che," ho re, "ke batlile feela hoba u botse Molimo." Ke ile ka kopa Morena ho mo thusa. 'Me tsatsi le hlahlamang mohatsae a letsas, motho a ile a tla thusa. Ho lokile. Ke hantle, Moena Ed?

<sup>46</sup> Le a bona, empa E le Molimo feela. Ke phetho, Ke Molimo feela. Le a bona, Ô mpa feela . . . Ke taba ea khafetsa feela ho tloha tulong se seng ho ea ho se seng, tulong se seng ho ea ho se seng. Ho sa tsotellehe bothata, Ke Molimo. Ha re likolohe, re ithorisa ka lintho tseo, ha re a lokela. Se lumelle letsoho le letona kapa le letshali ho tseba se tsoang ke letsoho le letona. Ree bua har'a rona feela ha re e phatlohe kantle nqa 'ngoe. Hobane boo ke boikakaso ba motho, ntho e kang, "Molimo o khonne ho e etsetsa motho a le mong feela." O tla e etsetsa mang ea tla—ea tla Mo lumela. Ke ho lumela, tumelo! Sohle—sohle seo le batlang ho se etsa, leha mehopolo ea lona e ka ba efe, le se tsebise Molimo. O—O—O—O fana ka tsohle. Na ha ho joalo? O araba thapelo. Ke e . . . Molimo ke Ntate ea arabang thapelo.

<sup>47</sup> Joale, ka hona ho . . . Ka nahana, ho koaloeng ha likopano tsena tsa qetelo le joalo-joalo, kamoo re neng re . . . joaloka ha re etsa, re ka rata—re ka hlakisa temoho tsa moea tse 'maloa kopanong ea ho qetela, ha Morena a ratile, 'me koana khabareng ea kopano. Ha re tsebe feela seo O tla se etsa. Ke e rata joalo. Le se ke la rala letho le ikhethang, le Mo tlohele ho etsa seo O se batlang.

<sup>48</sup> Joale, phetlang khaolo ea 4 ea Buka ea Tšenolo, 'me le emise tšupanako.

<sup>49</sup> [Motho o kopa ho bua—Mong.] E. E, moena. [Moena o a qala o a paka. Sekheo lebanteng.] Ehlile, ke lumela seo. Ruri bo, ho lumela seo.

<sup>50</sup> Mona, Moena Welch Evans, ke kholoa e le eena ea lutseng morao mane. E reng ke . . . Ha re ntse re phetla Tšenolo 4.

<sup>51</sup> Ha se khale mona, bohole le utloile la bala lipampiring ka lemuloana lena la Louisville le utsoang makoloi ana, ho a theolela Kentucky nqa e 'ngoe, ka potlako ruri. 'Me Kentucky ha u a tlameha le ho thola thaetlele, ba tla u etsetsa eona Kentucky. Ka hona u mpa feela . . . seo u tlamehang ho se etsa ho e isa mono le ho e rekisa. Ka hona ba tla nka likoloi tsena ba li khannele kahare le ho li ferefa bocha, ebe ba ntša likoloi tseo ba li rekise. Sohle seo u hlokang ho ba le sona ke nomoro ea boloko ba hau 'me ba—ba tla u etsetsa thaetlele. Ba nka koloi seterateng ba e tlosa ka potlako ba e potlakisetsa shopong ea mofuta nqa e 'ngoe,

ho fetola ntho eohle ka botlalo feela, le a bona, le—le ho e ferefā bocha le ntho eohle, ho e ntša le ho e rekisa. Ba lohile leano, haholo-holo ho phatlalla le United States, 'me le leholo—le leholo le Kentucky. Ha se khale mona ha ke bala sengoloa se mabapi le eona pampiring.

<sup>52</sup> Be, Moena Evans ea pelo e tonana, ea pelonolo, ea theko e thata le lelapa la hae, ba qhoba ho tsoa hole koana Macon, Georgia, o nyolohela koano Sontaha ka seng ho utloa Evangelī. Oh, botšepehi bo bokakang, le metsoale e mekakang ea sebele! A ntoo fetela Miller's Cafeteria mono . . .

<sup>53</sup> Ha ke emele ba ha Miller, empa ruri ke hopola ba tšoere lijo tse babatsehang ka ho fetisisa Kentucky; Louisville, Kentucky, le hona. Ho latela . . . Ha ke buē ka malapa a lona batho bao nkileng ka ja teng, joale, ke bolela lona (le a tseba) ba kantle. 'Me le 'na, ke jela mono. Mono nka fepa balelapa ka theko e tlase ho feta kamoo nka ba fepang lapeng. Ke hantle.

<sup>54</sup> Ka baka leo ke nyolohela mono, 'me ka hona Moena Evans o a kena 'me o itholla lethoana ho ja a ntoo emisa koloi ea hae kantle mono. Eitse ha a tsoa (liaparo tsohle tsa hae) le tsa lelapa le bao bohole, ke ha a sa fumane koloi kapa letho. Ntho eohle e ne e nyametse. Be, monna oa batho, Moena Evans ke motho joaloka rona bohole, o na le khoebonyana tlase mono, o tea makoloi, o reka makoloi a shoahlamaneng o a lokisa. Ke monna oa mofutsana, 'me o sebelisa chelete ea hae ho tla koano hobane o lumela Evangelī ea mofuta ona. Ke rapela Molimo ho ba romella moromuoa tlase mono kae-kae, ho ba thusa tlase naheng eo.

<sup>55</sup> Joale, Moena Evans o a nyoloha, a sa tsebe seo a ka se etsang. O ne a tsebisitse mapolesa 'me ba sa e fumana. Ka hona a tla lapeng, eena le Moena Fred le bao, ra lula ka phaposing ra bua ka eona. Ka re, "Joale . . ." Re sebetsa joalo, ra lula ka phaposing, ho fumana se etsahalang, re ntoo ea ho Molimo. Eitseha ha re kopa Morena, "Ho sokolla monna ea nkileng koloi, ho mo khutlisa le ho mo busetsa morao, hohle moo a neng a le teng."

<sup>56</sup> Ka tloaelo ba li potlakisetra nqa Bowling Green kapa nqa e 'ngoe, ba li tlose moo li batloang mona, le a bona, ba tle ba khone . . . ho fihlela ba li ferefā bocha ba li tea. Ena e ne e le koloi e ntle, ke a kholoa seteishenewekono. Na ho ne ho le joalo, Moena Evans? E ne e le e—e seteishenewekono.

<sup>57</sup> Kahoo, 'me eaba ho etsahala'ng, ra khumama ra rapela. 'Me e—e Morena a re pakela, hore ho lokile, tsohle li lokile. Eaba matla a Morena a re fihlela. Moena Evans a tsoa 'me a ikela, a tataisoa ho nka tsela e itseng.

<sup>58</sup> O ne a khutletse hantle mona Jeffersonville. Koloi e ne e utsoitsoe Louisville; koloi ea hae keha e emisitsoe mono ka mafura a lekaneng feela ho e isa . . . oh, ho eona, ho e isa tlase haufi le Bowling Green le ho khutla. Ba ile ba tsoa koloing, ba emisa koloi, ba siea senotlolo ho eona, ba ikela 'me ba e siea e eme

mono, hantle mona Jeffersonville moo a neng a ka e fumana; e seng Louisville, mona Jeff., ho e khutlisetsa morao hantle.

<sup>59</sup> Le a tseba, Morena a ka etsa hore linonyana di Mo utloe, A ka etsa hore batho ba Mo utloe, A ka etsa hore sera sa Hae se Mo utloe. Eena . . . E, monghali, Ke Molimo. Koloi ea hae ea emisoa mona ho se letho le nyametseng, mafura e ka ba halofo ea tanka hobane o batlile a fihla Bowling Green, 'me Moea o Halalelang o tlameha a be a itse, "Sokoloha! Khuttlela morao mono u ise koloi eo Jeffersonville. E emise hantle mona seterateng, 'me u e pake hona *mona*, (hobane Ke tla mo sokolla hantle ka tsela *ena* le ho nyoloha ka tsela *ena* ho e fumana)." Na ho joalo, Moena Welch? Ke hantle. Le a bona.

<sup>60</sup> Ke Molimo! O araba thapelo, Moena Roy. O mpa feela . . . Hoo, Moena Slaughter, ho itšoanelia feela, O folisitse ntjanyana ea hau. 'Me ke a tseba hore O a folisa, O araba thapelo, O sa ntse a etsa mehlolo, E sa ntse e le Molimo, haesale E le Molimo kamehla, O tla lula e le Molimo le mehla!

Ke—Ke Modimo hlorong ea ntlu, (Ke'ng, eo  
moena a e binang mona kerekeng?)  
Molimo ka kokoising, Molimo kantle polasing,  
Molimo ka koloing, Ke Molimo hohle,  
Ke Molimo hohle—hohle le hohle, Molimo.

<sup>61</sup> Oh, ho babatseha hakakang! Re tla tloha re rera kamora nakoana re sa kene thutong ena le ka mohla.

Ho lokile, ha re inamiseng lihlooho tsa rona motsotso feela thapelang.

<sup>62</sup> Ntate ea mosa oa Leholidi, re rata Lentsoe la Hau le Halalelang hoo lipelo tsa rona li tukang feela kahare ho rona, ha re tseba hoba Moea oa Hau o theohela mahareng a rona 'me teng o bua le rona, 'me lipelo tsa rona li nanabela li itšoarella ka Lona. 'Me re bonahala re ikutloa re Le thabela haholo, Morena.

<sup>63</sup> Le ho tseba hobane horenq ena e lefifi moo pherekano e leng kana . . . Joaloka ha moporofeta a boletse, "Matsatsing a ho qetela tlala e tla ba teng," ntho e kang ena, "e se ea bohobe le metsi, empa ea ho utloa Lentsoe la 'nete la Molimo; 'me batho ba tla tsoa bochabela ho ea bophirimela, leboea le boroa, ba batla Lentsoe la 'nete la Molimo." Lentsoe! Lentsoe ke'ng? Jesu ke Lentsoe, "Lentsoe le ne le etsoe nama la aha hara rona." Ho bona ponahatso ea Lentsoe la 'nete la Molimo le bonahatsoang ho latela Mangolo 'me le etsahatsoa, hore, kamoo batho ba tla tloha ba tsoma 'me ba ke ke ba Le fumana. Oho Molimo, re thabile haholo, re thabile haholo ha e le moo re Mo fumane lilemong tse fetileng, a le bohlokoa lipelong tsa rona, le ho bona re sa ferekana ho hang.

<sup>64</sup> Oho Molimo, u itse, "Ba tsebang Molimo oa bona ba tla hapa likhapo tse kholo ka letsatsi leo." 'Me ke rona bana matsatsing a ho qetela, re bona lintho tsohle tseo Jesu a boletseng li tla

etsahala, li bonahatsoa hantle hara rona. Tsona lipontšo tseo, meeka, mehlolo e etsoang, ho e etsa hantle feela kamoo A e entseng. Joalokaha A boletse, "Joaloka mehleng ea Sodoma, ho tla ba joalo ho tleng ha Mora motho."

<sup>65</sup> 'Me, Morena, U re lumella, ka Moea o Halalelang, ho nanabela Lentsoe leo ho fumana lintho tseo tsa 'nete le ho li tlamella Kalvari, ka Lentsoe, le ho bona hore ka ho Eena re ruile botlalo. 'Me maruo le mahlohonolo le khanya le tsohle li lebisoa ho Eena Ea nang le tokelo, ea tlileng a nka Buka letsohong le letona la Ea lutseng Teroneng, le ho lula holim'a Eona ka Sebele, hobane O ne a hlabjoe esale ho theoa lefatše.

<sup>66</sup> Re bua ka Eena hoseng hona, Ntate. Re U rapela ho hlohonolofatsa lipelo tsa rona. Lumella Moea oa Hae ho tsamaea har'a rona le ho re hlohonolofatsa, le ho matlafatsa boiphihlelo ba rona, le ho folisa maloetse mahareng a rona, le ho re abela mohau o hlolang.

<sup>67</sup> Me, Molimo, e re ke sa tsoela koana masimong ho tobana le sera, ke elelloe hobane ke haelelitsoe hora ka 'ngoe ka thapelo. Oh, ke itsepisitse hakakang ka lerako leo, sera se a atamela, empa ho tseba hobane lerako le tiile ka baka la bo-mme le bo-nate, le bashanyana le banana, Bakreste, ba tsoetsoeng la bobeli ka boiphihlelo, batho ba habileng Leholimong ba khumame ka mangole a bona ba rapela, "Oho Molimo, aba topollo!" 'Me, Ntate, re U rapela ho re lumella ho tsoa le ho kena lithekong tsa sera koana le ho hapa moea o mong le o mong o letileng. Etsa, Morena, le ho ba ntša lefifing ho kena Leseling. Hoba re e kopa ka Lebitso la Jesu. Amen.

<sup>68</sup> Joale, khaolong ea 4 ea Buka ea Tšenolo. Re qeteletse khaolo ea 3, 'me re mpe re apare hlompho 'me ke tla leka ho se le tšoarelle halelele. Empa khaolong ena ea 3, Kereke e nyolohile e le papiro, mohla Johanne a neng a nyolloa. Kereke e nyolohile, 'me ho tloha mohlang oo ho sebetsanoa le Israele, ho fihlela ho Khutla hape. Na ha le bone hore ho joang? Batho kajeno, ka mokhoa oa bona, "Ho tla hlaha ntho ea tonana e tlang ho sisinya lefatše lohle le ntho eohle." Taba eo ha e khemisane le mangolo! Che, monghali. Ntho e latelang ke ho falla ha Kereke. Balang mengoaha ea likereke, ana le bona seo . . .

<sup>69</sup> Joale, lintho tse ling tsena tse tlang ho etsahala, ke mehleng ea Mokete oa Bohali mohla Kereke e leng Khanyeng. Molimo o khutla ka mehlolo e meholo, mehlolo e eang machabeng le lintho, ka Bajuda, ha e habe ho Kereke ho hang.

<sup>70</sup> Khaolo ea 3 e phethela mongoaha oa Kereke. Ke hantle. 'Me mongoaha oa Kereke o tsoa ka paloana e nyenyane ebile re fihlela . . . Mamelang mona feela. Ke—ke balile taba ena hoseng hona, e batlile e nkhabelo likotoana, malulo le boitšaro ba Kreste qetellong ea mongoaha oa Kereke, li fumanoe ho tloha ho temana ea 20 ho isa ho temana ea 22 ea Tšenolo 3. E naheneng

feela Kreste, qetellong, moo A leng teng! Qetellong ea mongoaha oa Kereke O ho kae? Kantle ho kereke ea Hae, a kharamelitsoe kantle ke malumeli le litumeloana. Boitšoaro ba Hae ke bofe? Ho leka ho khutlela kahare. Ao ke maemo a haulang!

<sup>71</sup> Re ntoo fumana mona, “kamora tsena,” o utloile Lentsoe le buang le eena le . . . Oh, e ne e le eng? Moea o faletse lefatšeng. “Kamora tsena,” e qala khaolo ea 1, kapa—kapa temana ea 1:

*Kamora tsena ka talima, 'me ka bona, monyako o butsoe leholimong: . . .*

<sup>72</sup> Tšenolo 4:1, kamora ho falla ha Kereke, joale e—e Monyako oa buloa. ‘Me re haotse hohle mono ra fumana eo e ne e le Kreste, e ne e le Monyako. ’Me lona Lentsoe leo le neng le tsamaea har’ā dikandelara tse supileng tsa gauta e ne e le lona hape Lentsoe leo a le utloileng Leholimong, le re, “Nyolohela koano.” Johanne o ile a nyoloha. E ne e bapisa Kereke e kenang Hloibilong.

<sup>73</sup> Johanne o ile a haptjoa ke Moea, a nkao a kena Leholimong ‘me o bonetse lintho tsohle pele ke hore Molimo o tšepisitse o bile o boleletse barutua, “E ka ba eng ho lona ha a ka lieha Ka ba ka fihla?” O bone ho khutla ha Morena le se tlang ho etsahala. O bone holim’ā lefatše se tlang ho etsahala lefatšeng ho fihlisa Hloibilong ea Kereke, ‘me a hapeloa holimo ‘me a bontšoa tlase koana esita le ka nqane ho Lilemo tse Sekete. Oh, na ha e babatsehe?

<sup>74</sup> Joale, re mo siile Sontaha se fetileng khaolong ea 4 le temana ea 4.

*Terone hape e ne e likiloe ke literone tse mashome a mabeli a metso e mene: 'me literoneng tseo ka bona baholo ba mashome a mabeli a metso e mene ba lutse, ba apere liaparo tse tšoeu; 'me ba roetse meqhaka ea gauta lhloohong tsa bona.*

<sup>75</sup> Joale, re fumane bana e ne e le baholo. *Moholo* ha a amane le Lengeloi leha e le Boleng bofe. Ke motho ea lopolotsoeng, baholo! Hobane ba . . . Literone, meqhaka, le borena le ka mohla ha li amane, le Mangeloi. Empa meqhaka le literone, joalo—joalo, li lebahane le bana ba batho. ‘Me baholo bana ba ne ba roesitsoe meqhaka ba apesitsoe ‘me ba lutse literoneng. ‘Me re ba fumane likarlong tse ling tsa Lengolo hore e ne e le baapostola ba leshome le metso e ‘meli ‘me e ne e le bapatriareka ba leshome le metso e ‘meli. *Mashome a mabeli le 'ne ea bona, e bolelang “mashome a mabeli le metso e mene”*: baapostola ba leshome le metso e ‘meli, bapatriareka ba leshome le metso e ‘meli.

<sup>76</sup> ‘Me, re fumane, esita le motse o theohang ho Molimo Leholimong . . . Kamora hoba lefatše le phatloloe ‘me tsohle e le litkotoana ‘me ho sa sala letho lefatšeng haese molora oa seretse se chesang (ke phetho ho tla beng ho setse), leoatle ha le sa tla ba teng. Leoatle le tla oma khure.

<sup>77</sup> Joalokaha ke qoqile le motho maobane bosiu, kapa maobane, nqa e 'ngoe, lefatše le kile la ema tsepa ka tsela *ena*, tsoe, le potile letsatsi, mocheso o lekana holimo le tlase. Holimo mabatooeng a leqhoa a Borithane, o ka phatlola fatše maoto a makholo a mahlano oa fumana lifate tsa lipalema. E tlie ka tšohanyetso, ea hoama joaloka sehatsetsi joale. Joaloka ha metsi a 'mele oa hau a *omella*, joalo-joalo, le *forichi* ea hau le dipoforichi e kenyang setorobeyi le lintho lilemo le lilemo tse tleng ho tla. Le a bona? Ho kile ha ba joalo mehleng eo. Tšenyeho ea moroallo e tlie ka potlako 'me ea pupetsa polokoe eohle ea lefatše. 'Me hoba e etse joalo, matla a athomo a le kolokotehisa a le faposa litselana tsa lona, eaba le a hoama la ntoo robala mono. Le a bona? Ha u cheka u teba u ka li fumana, holimo haufi le dizounu tsa artiki le lintho, lifate tsa lipalema le lintho tse joalo. Ho supa le kile la ahuoa ka bokhabane, la hlophisoa. Empa joale le khohlopehile le qethohile.

<sup>78</sup> Joale, moo ke hopolang Molimo o fumane metsi ao, Genese ha e qala, Genese 1, "Lefatše le ne le hloka sebopaho le le feela, 'me metsi a ne a le holim'a boliba. Moea oa Molimo o ne o tsamaea holim'a metsi, 'me oa wa re, 'Leseli a le be teng.'" Molimo oa arola lefatše ho metsi, ha etsoa lefatše. Empa lefatše lohle le ne le koahetsoe. Joale, seo O se entseng, O mpa feela... ka lipakapaka, O mpa feela... sepakapaka ke... Lipakapaka li tletse haedrojene le oksejene, le joalo-joalo. Eaba O e phahamisa feela holim'a lefatše oa e arola. Leoatle le ne le le sieo lefatšeng lekhatheng leo. Molimo o ne o nosetsa lefatše, lipula li ne li sa ne. O ne o le nosetsa ka libila le lintho tse ling, morero oa nosetsa. Joale eitseha O... Ntho feela O e entseng mohlang oo...

<sup>79</sup> Mohla motho a neng a le phatlola a le faposa tselana ea lona, ho khelohela lephakong le leng, ho etsahetse'ng? Hoo ho le lahletse hape ho... mocheso tlase *mona*, le mohatsela holimo *mane*. 'Me ho chesa le ho bata, ho bokellana eng? Ak'o phopholetse difensetere tseo hona joale, kahare ka mona ho a chesa 'me kantle ho a bata. Na le bona mofufutso? 'Me pula ha se letho haese mofufutso, ho fufuleloa. 'Me metsi ke melora. 'Me joale eitseha ha e...

<sup>80</sup> Ke rata sefela seo:

O beile letsoho la Hau, Morena ea ratehang,  
holim'a lithota,  
Oa bea letsoho la Hau le letle holima mokoloko;  
Morena, U tšolotse seliba,  
Oa hlahisa thaba,  
Oh! Morena, bea letsoho la Hau le bohlokaoa  
holim'a ka.  
U entse maru, oa thea maru a theileng pula,  
Ho tsoa ho pula oa etsa leoatle, ho leoatle oa  
hlahisa maru

Ho re fa bophelo bo khaphatsehang;  
 O kakatletse lefatše le maholimo ka taelo ea  
 Hau, Morena,  
 Oh! Bea letsoho la Hau le boholokoa holim'a ka  
 hle. (Oh, boholo bo bo kaakang! E, Molimo oa  
 Leholimo.)

<sup>81</sup> Joale eaba nakong kholo ena, le sekametse morao *tjena*, 'me O re etselitse tsepiso, "Ha e sa tla ba metsi, empa mollo lekhetlong lena!" Sebakeng sa ho le lahlela . . . Ba lahletse lefatše hole le letsatsi, ehlile, le ile la hatsela. Ha u ka le lahlela kahar'a letsatsi, le tla cha. 'Me joaloka ha O le senya ka metsi 'me oa ralla sepakapaka ka mookoli, ha O "sa tla hlola o e etsa," joale, O entse tsepiso ho re O tla "le chesa!" Mono u fihla moo sebe le phatsimo eohle le tšila eohle . . .

<sup>82</sup> 'Me ha se khale mona ha ke theosa ka thota. Mehleng ea boshanyana ke ne ke nahana, ke nke libuka tsa histori le lithutafatše ke nahane ka masabasaba a maholo a bophirima. "Ka letsatsi le leng," ka re, "ke tla lula teng ka khotso le ka khutso sebe se le sieo, 'me ke tla solla lithoteng 'me ke tsome joaloka Moindia. 'Me ke tla—ke tla phela mono, bophelo ba khotso, matsatsi 'ohle a bophelo ba ka." Empa joale ke . . . lekhooa le sa tsoa fihla. Moo lekhooa le eang, sebe mo teetse hare. Ke 'molai le mofenethi ea fetisisang har'a batho bohole lefatše, ke motho e mosoeu. Ke mokoenehi har'a mebala eohle!

<sup>83</sup> Ha se khale mona pampiring (Moena Thom mona, ho tsoa Afrika), Ke bone seratsoana sa pampiri liveke tse peli tse fetileng, ke a kholoa, 'me o itse . . . ba itse, "Ha feela Maamerika a ntse a lumelloa ho ea Afrika, lilemong tse leshome ho tloha joale tau e kholo ea Afrika e tla ee falalitsoe, litlou." Bakonehni ba thunyakang hohle feela. Keha ho hlahile setšoantšo sa litona tse kholo tse peli li leka ho tšehetsta e tona e lemetsgeng. Meokho e ka e kolla mahlong a tsona. Li ne li sa . . . tse tona li sa batle ha e tšehalie shoa. Li e tšeheilitse lephakong ka leng, *tjena*, ho e thibela ho oela . . . fatše. E ne e thuntsoe makhasa feela. Motho ea thunyakang ntho efe joalo ha a na tokelo ea ho kokosa sethunya letsohong la hae. Ke hantle. Ha u na hlahanyo e lekaneng ho se sebelisa.

<sup>84</sup> Joale, lilemong tse 'maloa tse fetileng, ke ne ke leka ho tšosetsa mohlape, oa li-eleke, ho motsoalle oa ka e moholo, Moena Roy Roberson a le morao mono le bona, mohlang oo ke le lesupatsela holimo Colorado; ra tseba mohlape o motle o le teng. 'Na le Jeff esale re li bolokile holimo mono lilemo le lilemo, lihlooho tsa eleke tse ka bang mashome a robeli mohlapeng. Eaba ba bulela mathaka a mang ana a ofisi a tsoang Denver ho tsoela mono ba apere marikhoe ana a bolousu, meomo e tlamiloe. Tseo ke litsomi. Hmm! Ke bana ba nyolohela mono, mphi ea bona, ka li-jipi le linyee, ba fihla morao lebatooeng la rona mono.

<sup>85</sup> Eaba ke qhoba dieleke tsena ho parola thaba kamora bona, maele kapa tse peli, 'me ba ntse ba latetse. U tlameha ho li sesefa, lipoho tse kholo tse tsofetseng le lintho; ha u sa etse joalo, u senya mohlape oa hau. Ho itšoanelia le ho rua makhomma kapa eng. Ho rona liphoofofolo tse hlaha li loketse joalo. Ha se tekele. Ha u batla ho thunya tekele ba hlophositse setša kantle mona ho li thunya. Ke hantle. Ke lihlong ho hlabaka lintho joalo. Ke sebe, ke bokhopo!

<sup>86</sup> 'Me ka bala likulo tsa machinikane tse lekholo le mashome a mabeli a metso e meraro, ntho e joalo, ba li thunya ho tsoa mahetleng a bona. 'Me hoseng ho hlahlamang, 'na le Moena Banks Wood mona, ra nyolohela holim'a thaba, ka bala dibethe tse mali tse leshome le metso e robong. Ba ne ba sa tsebe letho ka ho tsoma; u ka thunya phoofofolo e kholo joalo, oa e thunya botebo bo lekaneng ho e bolaea. 'Me ba khoeephetsa feela, "bang, bang, bang," ho thunya e 'ngoe le e 'ngoe hape. Khele, li tla shoa. 'Me ho tla... Hoba feberu e li tšoare, ha u ka li fumana ha li a loka, li senyeha hang-hang; 'me bomofielammila, liphokojo le lintho tse joalo, li a li ja. Libethe tse leshome le metso e robong tse mali, lipoho tse kholo, litlhakohali tsa tsona li *kaalo*, 'me mali a tsaraletsatso bohole ba maoto a mabeli a tsoa moo li phuntsoeng ka lithunya tseo. Ha ba tlameha ho lumella molotsana ea joalo ho kokosa sethunya letsohong la hae. Ke hantle. Ha a hlaphoheloa ho lekana ho kokosa sethunya. Oh, e a tšabeha, ke sebe ho etsa joalo.

<sup>87</sup> Ho a nyarosa, empa eo ke Moamerika. Canada, lona batho ba bohlakoa ho tsoa Canada! Ha Amerika e ka tsoela pele, Canada e tla nyehla joaloka Amerika, kamora nakoana. Ha u fihla pel'a meeli ea Canada nqa efe, u utloa atemosefere eo ea Amerika. Amerika ena ke seotsoa sa lichaba. Ke sona hantle seo a leng sona, 'me e tla mpefala ho feta pele. E habile pheletso ea eona! Bibebe e bua ka pheletso ea eona, e bolela kamoo e tla ba kateng. Amerika: e nyehlileng-tlase, e pherehlaneng, e litšila, e sa lokang. Ke hantle haholo. Ebile sechaba se seholo. E ile ea jara molaetsa oa Evangelii. E etsoa ke'ng seo e leng sona? Hobane e hanetse Molaetsa oa Evangelii, 'me e latotse Linnete. E a tšabeha. E mo tobile, le se tšoenyehe. Ke e bone ka pono e le HO RIALO MORENA! E a tla. E tlil'o phetetsoa sebe sa eona.

<sup>88</sup> Morao koana mohla Amerika e ne e le Amerika, e ne e le sechaba se seholo. Se seholo ka ho fetisisa se kileng sa tsebjoa ke lefatše haesale le Israele, e ne e le Amerika, empa o fela a itšilafalitse hona joale. O hanne Molaetsa. Ha a nka letho haese feelsa... Joale o se a ikentse... Le ka bona moo a leng teng joale. Bohle ba tseba, likhetho tsa morao li supile maemo a hae a moea. Uh-huh. Ha a tsebe.

<sup>89</sup> Joale, baholo bana ba lutseng teroneng ka moqhaka oa hae. Joale, temana ea 5, re tla qala:

*'Me teroneng ho ne ho etsoa mahalima . . . liaduma . . . mantsoe: 'me pel'a terone ho ne ho tuka lilampi tse supileng, tseo e leng Meea e supileng ea Molimo.*

<sup>90</sup> Oh, ke rata sena! Ha le joalo na? Oh, ke utloa jase ea ka entekana, le a tseba. Ke mpa feela . . . mohla . . . Oh, ke bolela jase ea moea, ehlile, le a tseba. Ho lokile.

<sup>91</sup> “Ho tsoa Teroneng.” Ha re bueng ka Terone ena joale metsotsso e ‘maloa. Ena e ne e se Terone ea mohau. Terone ea mohau e fetile; mohau ha o sa le teng, ha e na mohau. Ebe re tla khona joang . . . Setulo sa kahlolo e tla ba setulo sa kahlolo sa Kreste joang, setulo sa kahlolo, Kahlolo ea Terone e Tšoeu? Na mohau o tla ba teng lekhatheng leo? Ha ho mohau o le mong o tla otollooa. Teroneng ea kahlolo u ka hoeletsa “mohau” ho fihlela u sa khone ho hoeletsa hape, ‘me eona, u ka mpa ua hoeletsa moeeng kae-kae, hobane mohau ha o sa fumanoa.

<sup>92</sup> *Joale* ke letsatsi la mohau! Joale, ha re khutleleng ho Testamente ea Khale mona nakoana re fumane seo mohau o leng sona. Ho khutlela morao le ho bona se etsahetseng ka Terone ena. Terone ena, ehlile, ke e—e ke setulo sa kahlolo. ‘Me ho ba . . . lebaka leo kajeno mohau o leng teng, ke hobane setulo sa mohau sefafalitsoe ka pheko. Mali! ‘Me ha feela Mali a lutse setulong sa kahlolo ha e sa le kahlolo, ke mohau, hobane Ntho e shoele ho thibela kahlolo. Haeba u e bona, e re “Amen.” [Phutheho e re, “Amen!”—Mong.] Ha Mali a lutse setulong sa mohau, a supile Ntho e shoeleng ho thibela kahlolo. Empa ha Kereke e hloibiloa, setulo sa mohau se fetoha setulo sa kahlolo!

<sup>93</sup> Koana, le a tseba, kahar’ a Testamente e Ncha mona, hape, “Le serapelo.” Ke hona moo e—e lekhotla . . . kahar’ a serapelo, moahloli o holim’ a setulo kahar’ a serapelo. Joale, setulo seo sa kahlolo kahar’ a serapelo se tlala mosi. E ne e le eng? Joaloka Thaba Sinai, kahlolo! Mohau o ne a tlohile e—e Teroneng ea Molimo. Molimo o tla ahlola lefatše ho se mohau. Ba ba kae ba tsebang seo?

<sup>94</sup> Ka letsatsi leo O tla hlompha ho le hong feela, ke’ng? Mali. Ke eona feela ntho e khahlisitseng Molimo o halefileng.

<sup>95</sup> Adama le Eva ba rokahantse aporone e khabane joaloka Methodise efe, Baptise, Presbeteriene, kapa Pentekosta e ka etsa, ea khurumetsa bofeela ba bona. Empa Molimo oa e bonaletsa, ebole O hlaba ho hong a nka matlalo a shoeleng a—matlalo a phoofolo e shoeleng a bo khurumetsa. Mali a ne a loketse ho nka sebaka sa eona. Hoo ho thibile khalefo ea Oona, Oa bona mali ‘me oa ikhula, hoba ntho e ne e tšolotse bophelo ba eona. Oho Molimo!

<sup>96</sup> Nahana ka sena! Ntho feela e tlang ho honyetsa Molimo ke Mali. ‘Me a mang feela Mali O tlang ho honyetsoa ke ona, ‘me ke Mora oa Oona ka Sebele. Ha O bona e le Mali a Mora oa Oona ka Sebele, O tla honyela. Hobane eo ke neo e . . . Molimo o e neile

Mora oa Oona, ho lopolla bao O ba tsebileng pele, 'me a khutlisa Molimo kahlolong ea Oona. Empa Mali ha a tlosoa, 'me tsohle tse tsebiloeng pele li se li bilelitsoe kahar'a 'Mele o theko e bohlokoa, Kereke ea Oona e se e hlophisisitsoe e nyolotsoe, joale khalefo ea Molimo e holim'a batho.

<sup>97</sup> Oh, moena, u se ke oa batla ho ema mono le ka mohla! E reng ke eme ka pel'a sethunya, e reng ke khaoloe likoto, nka sehloa inchi ka inchi, ho mpe ho etsahale eng (joaloka kano ea Masole a Columbase), nka petsoloa mpa ka chesoa ka sebabole le sohle ka ho 'na, 'me ka sagoa matsoho le maoto shoqo leha e ka ba eng, empa le ka *mohla* ke se emisoe mono Teroneng e Tšoeu ea Kahlolo pel'a Molimo.

<sup>98</sup> Oh, nke ke amohele teronenyana *ena* ka pel'a setulo sa Kreste le ho amohela Mali a Hae. Ke tla ke le feela matsohong a ka, Morena.

Che—che ha ke tsebe seliba se sele,  
Ke Mali a Jesu feela; (Ke phetho seo ke se  
tsebang.)  
Ena ke tšepo ea ka eohle le tšiea,  
Ke Mali a Jesu feela.

<sup>99</sup> Ha ho makatse ha Eddie Perronet . . . lifela tsa hae li kile tsa haneloa. E ne e le Mokreste, Mokreste oa makoma, ba ne baa batle ho reka lifela tsa hae. Ka tsatsi le leng a re, "Ke tla ngola se seng, 'me ka letsatsi le leng . . . ba tla amohela." ('Me batho keha ba batlide rejoale-joale kahar'a lifela tsa bolumeli.) Ka tsatsi le leng mono Moea o Halalelang oa tšoara, 'me a qhautsa pene a ngola a re:

Bohle le boke matla a Lebitso la Jesu!  
Mangeloi a nammalle a itihe;  
Tlisang mofapa-hlooho oa borena,  
Le Mo roese moqhaka ke Morena oa marena.  
  
Hoba ke ema, holima Kreste, Lefika le thata;  
Litša tsohle ke mahlabathe a tebang,  
Litša tsohle ke lehlabathe le tebang.

<sup>100</sup> E ka ba kereke, kapa motsoalle, kapa sera, kapa sechaba, e ka ba maruo, e ka ba bofuma, e ka ba bottle, kapa eng, litša tsohle ke lehlabathe le tebang! Ke eona feela ntho, qetellong e tla nyamela. Empa:

. . . Kreste, Lefika leo le tiileng, ke a ema;  
Litša tsohle ke lehlabathe le tebang. (Hopolang  
ke hona.)

<sup>101</sup> Lemohang! Ha re phetleng Levitike 16, re bale morao, morao koana motseo ho Bibele joale, melaong ea Balevi, le ho bona mona ho Levitike—Levitike khaolo ea 16. Le ho qala temana ea 14 ea khaolo ea 16. Oh, ke—ke rata ho nka nako ea ka linthong tsena, ho li khoaolla. Levitike oa 'ne- . . . kapa Levitike 16:14.

*A nke le mali a pohoana ka monoana oa hae, 'me a foke ka monoana holim'a sekoaheloka ona* (Holim'a setulo sa mohau! Hlokomenang, re tla kena ho eona kamora nakoana.) . . . *nqa bochabela; . . .*

<sup>102</sup> Le se lebale lentsoe leo “Nqa bochabela”! Jesu o tsoa kae? Bochabela, ka lerus la Khanya. L-e-t-s-a-t-s-i le chaba ho kae? Bochabela. M-o-r-a o tla hlaha kae? Bochabela. Setulo sa mohau se ne se lutse kae? Ka nqa bochabela. Hobaneng ke le lulisitse ka mokhoa *ona* nqa bochabela? Hobane'ng? Aletare e ka bochabela. Re tla e bona kamora nakoana, e ntle hakakang, ke tla e taka. Ke kopile bongata bo ka khonang ho tla le lipampiri le lintho tseo, ho fumana limmapa tsena metsotsong e 'maloa. Ho lokile:

*... e foke . . . ka nqa bochabela; o tla foka . . . mali hasupa ka monoana oa hae pel'a sekoahelo.*

<sup>103</sup> Oh, na ha e babatsehe? “Hasupa ka nqa bochabela.” Ke eng? Mengoaha e Supileng ea Kereke e tla khurumetsoa ka Mali. Alleluia! Mali a Jesu Kreste a bokhoni-bohle, maobane, kajeno, le ka mehla, le ho mongoaha ka mong, ho pholosa moetsalibe ka mong, ho folisa motho ka mong ea kulang, ho hlahisaa mohlolo ka mong, ho etsahatsa pontšo ka 'ngoe. “Hasupa,” morao koana kahar'a Testamente ea Khale, lilemo tse sekete le makholo a mane le mashome a robong pele ho Kreste. Nahanang ka sena! Papiso, “hasupa a tla . . .”

*O tla hlaba phooko . . . nyehelo ea sebe, ea sechaba, 'me a tlise mali le . . . ka ho lesira, ho tla etsa ka mali ao joalokaha a entse ka mali a pohoana, . . . o tla foka ka oona holim'a sekoahelo, le pel'a sekoahelo:*

*O tla etsetsa sehalalelo pheko, ka baka la . . . ona . . . ka baka la litšila tsa bana ba Iseraele, le la littolo tsohle tseo ba sitiloeng ka tsona: o tla etsa joalo le bakeng sa tente ya pokano, e beiloeng ho bona e leng le har'a tse sa hloekang tsa—tsa bona.*

<sup>104</sup> E ne e le eng? “Setulo sa mohau.” Li ho kae hona joale? 'Me mono kahar'a areka ho ne ho ena le eng? Molao. 'Me molao, ho tlola taelo e 'ngoe ke ho shoa mohau o le sieo. Empa erekaha o ne o ka hauheloa, mali a lokela ho robala aletareng. Ba ne ba foka setulo sa mohau. 'Me setulo sa mohau ke aletare moo u khumamang le ho kopa mohau. Molimo u re thibetse ho e tlosa likerekeng tsa rona le ka mohla, aletare ea mehla-ea-khale moo batho ba ka khumameng ba kopa Molimo mohau. 'Me mohau o enne, 'me o phalla feela ka bolokolohi ho tsoa Maling a Morena Jesu. Joale, hape, oo ke mohau. Seo ke setulo sa mohau.

<sup>105</sup> Empa le a hlokomenang ka mona, e ne e se setulo sa mohau, hobane ho be ho le “mahalima le sealuma le mantsoe.” Ha ho lehalima le lialuma mohaung. Eo ke kahlolo.

<sup>106</sup> Ha re phetleng ho Exoda, khaolo ea 19 ea Exoda le temana ea 16. Exoda, khaolo ea 19 ea Exoda, 'me re qale ka temana ea 16:

*Eitse ka . . .*

Mamelang eng . . . mohla Molimo o ne o nyolohela holim'a Thaba Sinai:

*Ka letsatsi la boraro ha bo esa, lialuma tsa eba teng . . . lehalima, 'me leru le letenya la eba holim'a thaba, le molomo oa eona terompeta o matlahali ka ho fetisisa; (Ebe molomo oa terompeta ke'ng? Ke arekangeloi.) 'me sechaba kaofela . . . (Mamelang!) . . . sechaba kaofela . . . se leng liahelong sa thothomela.*

<sup>107</sup> “Kahlolo!” Shuu! Ba kile ba hoanta kantle mono ‘me Molimo oa ba bontša mohau leetong, empa bona ba batlile molao. Ba . . . Molimo o ne o batlile hore ba se ipope mokhatlo; bona ba batla ho iketsetsa mokhoa oa bolumeli ka eona, ntho eo ba ka ngangisanang ka eona, sebakeng sa ho sala feela Molimo morao le ho phela tlas'a bolaoli ba Oona, tlas'a matla a Oona. Mohau o ba babaletse ka moprofeta, mohau o ba babaletse ka pheko (konyana), mohau o ba babaletse ka lintho tsena tsohle, feela ba batlile kahlolo. Ba batla seo ba ka iketsetsang sona.

<sup>108</sup> Molimo oa re, “Ba phuthe ‘moho, Ke tla ba tsebisa seo o leng sona. Ke tla ba bontša seo o leng sona.” Balang! Mamelang! ‘Me molomo oa terompeta oa eketseha le ho eketseha oa ba oa sisinya lefatše. Na le bona seo kahlolo e leng sona. Ha ke batle seo. Mphe mohau!

<sup>109</sup> [Moena Fred o re, “Moena Branham?—Mong.] ‘Me . . . [Moena Branham?”] Eng? [“E ne le lefe—lefe Lengolo leo u le balileng la ho qetela?”] E ne e le Exoda, e—e—e khaolo ea 19 le temana ea 16, Moena Fred. Exoda 19:16.

<sup>110</sup> Jwale, hlokamelang temana ea 17:

*Eaba Moshe o ntša sechaba liahelong ho tla khahlanyetsa . . . Molimo; (Oh, khele! Ke batla ho kopana le Oona ka khotsa, e seng joalo.) 'me ba ema tlas'a thaba fatše. (Morao koana.)*

<sup>111</sup> Le hopole, thaba e ne e thalehuoe mela ka mathoko. Enereha leha khomo e ka ama thaba, e tlameha ho shoella hona mono, e ke ke ea kena pel'a Sefahleho sa Molimo. ‘Me Molimo . . . “Eaba Moshe o fanyeaha sechaba.”

<sup>112</sup> Joale, temana ea 18, temana e latelang:

*Thaba ea Sinai e ne e kubella . . . kahohle, hobane MORENA o ne a theohetse ho eona a le mollong: . . . (Ho kubella feela ho tuka joaloka sebopi.)*

<sup>113</sup> Ebe O theohile ka'ng? E seng ka Khanya ea Oona ea Shekina, empa ka khalefo ea likahlolo tsa Oona.

*. . . mosi oa eona oa lopallela holimo joaloka mosi oa sebōpi, 'me thaba kaofela ea reketla haholo. (Moena, ha ke batle ho ba teng mono!)*

*Eitseha molomo oa terompeta o ntse o kokomoha halelele, ka ho fetisisa, Moshe a bua, 'me Molimo oa mo arabela ka lentsoe le matla.* (Moshe a bua; e seng batho, ba ne ba reketla sehloho.)

*'Me e—'me MORENA a theohela holim'a thaba ea Sinai, qhooeng ea thaba: MORENA a biletsha Moshe qhooeng ea thaba; 'me Moshe a nyoloha.*

*Eaba MORENA o re ho Moshe: Theoha, u laele sechaba, ba se tsohe ba phunyelletsa ka ho MORENA, 'me ha eshoa ba bangata ho bona.*

<sup>114</sup> [Sekheo lebanteng—Mong.] Batho ba lula motšeо ho kereke ba iqabola ka motho ea buang ka maleme, kapa a hobela ka Moea; ho felile, o nyefotse Moea o Halalelang, o tsoauoe ka mehla! “Ea buang lentsoe khahlano le Moea o Halalelang a ke ke a tsoareloa hona lefatšeng lena, kapa lefatšeng le tlang ho tla.” U se ke oa Le nyarela! Suthela hole le Lona kapa u Le amohele!

<sup>115</sup> Re mpe re tlohele Lengolo leo. Le baleng ho ea pele, kaofela ha lona, le bone seo Molimo o se boletseng. Batho ba itse, “Oh, Moshe, ho bue uena. Ho se hhole ho bua Molimo hape! Ekare re ka be re sa kōpa sena.” Le a bona? “U mpe u bue le rona, Moshe. Ha Molimo o ka bua, re tla shoa bohle.” Le a bona, Molimo o ne o entse pheko.

<sup>116</sup> Joale, “Lentsoe la Terone.” Lemohang Teroneng ena, “linaleli tse supileng li ne li le ka pel’ a Terone,” Lentsoe la linaleli. “Mantsoe,” le a bona. A ne a fetisa ka bongata ho Tšenolo 4 mona, kapa 5, re a fumana, “Teroneng ho ne ho etsoa lehalima, lialuma, le mantsoe.” Ha se lentsoe le le *leng*; “mantsoe,” bongateng. E ne e le eng? Molimo o buang le kereke, ho Ikhalmisa ka Meea e supileng. Ha motlotsua oa mannete oa Molimo a bua, ke Lentsoe la Molimo! Ho Le hana ke ho tlosa kandelare. Le a bona? “Mantsoe,” Lentsoe la Mengoaha e Supileng ea Kereke (ka mona ka sekhutlong), mantsoe a buang ka sealuma le lehalima.

<sup>117</sup> Mehleng ena ba tjena, “Be, ha re lumele ho bitsa ‘lihele’ sefaleng.” Oh, mohau! Ho blah tjena! Hmm! Re hloka banna ba Molimo, banna ba sa tl’o honyetsa mantsoe!

<sup>118</sup> Joale, mang le mang e ke ke ea eba moreri, empa u na le lentsoe. ‘Me ha u sa khone ho rerela batho ther... Ha u le moreri, u bilelitsoe sefaleng ho rera. Haeba u se joalo, u sa ntse u le moreri, empa *phelela* batho ther. Ther eo hau e *pheloe*, ‘me ke Lentsoe la Molimo le tlang ho lihela sekhobo ho ba Le latolang. Ba re, “Ha ho mang ea ka supang bophelo ba ton eo kapa tšali eo. Ba mosa, ba phela... Ba... Haeba monna oa Molimo a kile a ba teng, ke monna eo kapa mosali eo.” Le a bona, phela lithero tsa hau. U se ke oa leka ho li rera ha u sa biletsoa ho ba moreri; u lubakana kahohle, le hona, le ho hlekemana, ‘me u tla rarahanya batho, ‘me u ke ke oa tseba... Be, u tla—u tla ba senya le uena ‘moho, hape. Ak’o phele ther eo hau feela!

<sup>119</sup> Moreri o bilelitsoe ho rera ea hae, le ho e phela hape. Ha u sa khone ho E phela, khaotsa ho E rera. Empa u tlameha ho phela lithero tsa hau.

<sup>120</sup> Ho lokile, mona ho ne ho le “mantsoe.” Oh, kamoo re hlokang kahar'a Jeffersonville likete tsa mantsoe a pheloang, sealuma sa Molimo se lumang ka mosa le khalalelo, bohloeki, maphele a sa silafalang, ho tsamaea ka lefatšeng lohle kajeno, a se nang letheba. E, monghali, Bakreste ba sebele, ke sona sealuma khahlano le sera. Diabolosi ha a tsotelle letomotomo la lerata la hau; diabolosi ha a tsotelle sekhhala seo u ka qhomang ka sona kapa u ka etsa *sena* hakae kapa oa hloliea. Empa se lematsang diabolosi ke ho bona bophelo boo bo hloekileng, bo halalelitsoeng bo khakoletsoeng Molimo; ha u bua letho ho eena, ho mo bitsa nyee efe, ka mosa o mokaalo le ho tsoela pele feela hantle. Oh, khili! Hoo ho a mo hlohlora, ke sona sealuma se reketlisang diabolosi.

<sup>121</sup> Joalo feels ka, “Be,” u re, “holane a ka rera se sa Billy Graham kapa Oral Roberts, kapa sekete, sebuihali se nang le khahlamelo, e ka ba . . .” Oh, che! Ka linako tse ling diabolosi o iqabola feels ka eona. Ha a e tsotelle le ho feta letho. U ka topela thutamolimo eohle—thutamolimo eo u e batlileng le thupello eohle ea seminare, ’me diabolosi o qethohile ’me o iqabola ka eona. Empa ha a bona Bophelo boo!

<sup>122</sup> Shebang barutua bao tlase mane, lehlanya leo la ngoana le jeoang ke sethoathoa mohlang oo, ha thoe, “Tsoa ho eena, diabolosi! Tsoa ho eena, diabolosi! Tsoa ho eena, diabolosi!”

<sup>123</sup> Diabolosi a itulela mono, ho re, “Joale, na ha le itlotlolle? Joale, na le bona seo le se etsang? Jesu u le boleletse, O le laetse, ho ntelekela. Ha ho le a mong oa lona ea khonang.”

<sup>124</sup> Empa, moena, eitseha ba ’Mona a etla, ho tlie e Mong ea tsameang ka khutso. Uh-huh. Oh, khele! Keha A sa tlameha ho bua letho. Keha Diabolosi eo a se a thothomela hantle hona hoo. O tsebile hoba o tlameha ho tsoa, hantle, hoba mono ho tlie Bophelo; e seng theron feels, empa Bophelo. Ho re, “Tsoa ho eena.” Oh, khili! Eaba ke phetho! Ka khutso; O tsebile seo A neng a bua ka sona, O tsebile seo A neng a se etsa.

<sup>125</sup> Joale, “Mantsoe,” mantsoe a literompeta tse supileng, e ne e le mantsoe a linaleli tse supileng, baromuo ba supileng. Empa joale shebang mona:

. . . *le . . . lilampi tse supileng . . . pel'a terone, eona ke Meea e supileng ea Molimo.*

<sup>126</sup> “Lilampi tse supileng.” Ha re takeng nakoana mona, Terone, nqalo e halalelang, phutheho. ’Me hantle *mona* ho be le (’ngoe, peli, tharo, ’ne, hlano, tšeleta, supa) linaleli tse supileng, lilampi tse supileng, baromuo ba supileng, Meea e supileng; ha se ho bolela Molimo o eme ka Meea e supileng, empa “liponahatso tse supileng tsa Moea o Halalelang o le mong.”

<sup>127</sup> Moea o Halalelang o kae? Mona Teroneng, o chabelang kantle kahar'a mongoaha kereke o mong le o mong. Mongoaha kereke *ona* o halimisa morao nqa *ena*, mantsoe a Molimo, Jesu Kreste oa maobane, kajeno, le ka mehla. Le a bona, supa, ho be ho le "mantsoe." "Le lilampi tse tukang tse supileng," Meea e supileng, "e leng Meea e supileng ea Molimo."

<sup>128</sup> Le hopola Lisontaha tse 'maloa tse fetileng re ile ra fihla ho eona, daemane e kholo? Empa e sehiloe ka litsela tse ngata tse fapaneng ho halimisa mollo le maseli a tsoang ho eona. Ho joalo, "Jesu Kreste ke qalo ea popo ea Molimo," Tšenolo 1. Na ho joalo? Joale ebe Molimo o bōpiloe neng? Ke qalo ea popo ea Molimo. 'Me Molimo ke Mohlolehi. Na ho joalo? Empa mohla Molimo o ne o boptjoa... mohla leseanyana le emotsoeng popelong ea mme, moroetsana. 'Me a qala a holisa disele tsena kahare ho eena ho hlahisa lesea lena, eo e ne e le qalo ea popo ea Molimo, "Hoba Molimo o ne o etsoe nama oa aha har'a rōna, le ho fetoha *Emmanuele*, 'Molimo o na le rona,' qalo ea popo ea Molimo."

<sup>129</sup> Eaba kahar'a lehakoe leo le leholo le tsoang lerōleng... hobane O ne a etsoe ka lerole. Na ho joalo? O ja lijo joaloka 'na, O ja lijo joaloka uena. Etsoe, lerole la 'mele, O ile a fetoha k'halsiamo, potashe, petroleamo, leseli la k'hosmiki, empa ka ho Eena ho ne ho ahile Leseli la Bosafeleng. Ha ho makatse banna ba bohlale ba itse ho Naleli, "Re ise Leseling la hau le phethahetseng."

<sup>130</sup> Ba ne ba halimisa feela Leseli la Leseli le le Leng le phethehileng. 'Me ke eo moo A neng a le teng, Leseli le phethahetseng la Molimo, qalo ea popo ea Molimo. Joale, kahare ka mono O ne a... .

<sup>131</sup> O tsebile joang ho Ikhalmisetsa hape morao ho linaleli tsa Hae tsa lefatše, kamora hoba banna ba bohlale ba 'Mone Leholidong, 'me ba fetoha meea e sebeletsang mona lefatšeng? "A tetekoa (taemane e kholo, ea sehoa) ka lebaka la litlōlo tsa rona, a tetetsoa ka lebaka la bokhopo ba rona, kotlo e re tlisetsang khotso e Mo oetse holimo, re folisitsoe ka maqeba a Hae." E ne e etsa'ng? Ho halimisa!

<sup>132</sup> Monna e mong le e mong ea ipolelang hoba ke mohlanka oa Molimo, a mpa a latola pholiso e Halalelang le matla a Hae, ha a okhe leseli la hae Taemaneng eo, ha a okhe leseli la hae Teroneng eo. Hobane Le Mo halimisa e le oa maobane, kajeno, le ka mehla ka linaleli tse supileng le Mengoaha e Supileng ea Kereke.

<sup>133</sup> Oh, ho bokoe Molimo! Ke hopola moreri a loketse ho rapela Molimo ho tsoa sefaleng, ka teboho le thoriso le hlompho le borena. Oh, e tīle hakakang, e thabisa moea oa ka ebile ekare nka hooeletsa, ka matha ka tlolela holimo ka bokhoni ba ka, hobane Ntho e leng ka ho 'na e mphetotse ho tsoa ho seo nkileng ka ba sona. Ha ke seo ke lōkelang ho ba sona, 'me ha ke se seo ke

batlang ho ba sona, empa ke a tseba hoba ke fetotsoe ho tloha ho seo ke nkileng ka ba sona. Ntho e etsahetse, ntho e hlahile!

<sup>134</sup> Le ho ema mona le ho bona Lentsoe lena la Bohloleho le phutlileng sefefo ka seng! Mohla ba ne ba leka ho chesa Dibibele le ntho eohle, E ile ea phutla hantle feela ka ho tšoana, hoba E itse, "Maholimo le lefatše li tla feta, empa Lentsoe la Ka le ke ke la feta."

<sup>135</sup> Holimo mona pel'a Chicago joale, 'me e—e Bibebe e robetse sefaleng sa kereke. Khale koana pele ho Ntoa ea Pele ea Lefatše, moromuo o ne a e tšoere eaba ho sokoloha mothaka e mong, 'me o ne a batlile ho fa morumuoa Bibebe ea hae, a re, "Nke ke ka u fa ena, ena ke e fuoe ke mme oa ka." A re, "Na, ha ke fihla hae, ke tla u romella e 'ngoe."

<sup>136</sup> A khutla a parola leoatle eaba safomarini ea Jeremane e phatlola e—e sekepe. Ha ho a fumanoa le lethoana la sona. 'Me lilemo tse peli hamorao, tlase koana lebopong, ba bona lebokose le phaphamalang. Ba bang ba hopola e ka ba ntho e noetseng metsing, ba ntša lebokose ke hona ba le bula, mathaka a mabeli a ntseng a itsamaela joalo. 'Me ka mono, ntho e le 'ngoe e phonyohileng, e le Bibebe eo a neng a tla e romella morumuoa. E robetse sefaleng mona pel'a Chicago kajeno, kerekeng ea Methodise. "Maholimo le lefatše li feta, empa Lentsoe la Ka le ke ke la feta le ka mohla."

<sup>137</sup> Mehleng ea moroallo mona, ka 1937, kerekana ena ea khale, fatše e litsoe ka seretse le lintho tse kahar'a eona, re ne re khona ho sesisa holim'a eona mona ka—ka mokoroana o sokoang. Meroallo e ile ea kokomoha. 'Me, be, bosius boo hoba ke rere Evangelie 'me ke siile Bibebe ea ka e butsoe sefaleng ka tloha ka ea lapeng; ho bolela esale pele hore moroallo o a tla, Ka re, "Ke 'mone a lekanya maoto a mashome a mabeli le metso e 'meli holim'a Spring Street tlase mona."

<sup>138</sup> Motsofe Moena Jim Wiseheart le bao ba iqabola ka 'na. Na u sa e hopola, Moena George? Ka re... A—a re "Oh, Billy, ka '84 o ne o batle o etsa feela li-inchi tse tšeletseng holim'a Spring Street."

<sup>139</sup> Ka re, "Ke bone monna a theoha lipakapakeng, a nka thupa e lekanyang a e beha holim'a Seterata sa Spring, ho re maoto a mashome a mabeli a metso e 'meli."

A re, "U mpa u roalehile feela."

Ka re, "Ha ke a roaleha! Ke HO RIALO MORENA!"

<sup>140</sup> Ba botseng hoba e ne e le maoto a makae holim'a Seterata sa Spring. Maoto a mashome a mabeli a metso e 'meli ho isa—ho isa ho li-inchi! Hantle feela.

<sup>141</sup> 'Me Bibebe eo ea khale entse e phetliloe ho tsoa therong ea bosius boo... Pula ea qala ea na, likhohola tsa phunyeletsa joalo-joalo, 'me kereke ena ea khale... Litulo li ile tsa nyolohela

marulelong, Bibele ea nyolohela hantle marulelong, ea sesa le metsi ao kaofela mona a e phahamisa. Sefala sa phahamela holimo hantle. Eaba li kokobela hantle; 'me setulo ka seng se lutse hantle malulong a sona, 'me Bibele ea robala hantle malulong a eona, ka metsi ao kaofela, 'me e ntse e phetliloe, hona khaolong le eo tulong eona eo.

<sup>142</sup> "Maholimo le lefatše li tla feta, empa Lentsoe la Ka le ke ke la feta."

<sup>143</sup> Kamoo Bibele eo e ileng ea phaphamala metsing ao a letsoai lilemo tse peli mantsoe a Eona a sa lukoa le ke mobu! Mantsoe a Molimo ke a 'nete. Amen.

<sup>144</sup> Ke a sa hopola kamora moo, motsofe Moena Jim Wiseheart keha a khotsofaletse seo hakana, nako le nako ha a hlabjoa ke lehlaba sephakeng... Enereha a hlacheloa ke bothata mohla a leng lilemo tse mashome a supileng a metso e mehlano, a tšoaroa ke ramatiki. Enereha lehlaba le hlabo *mona*, a mathe a late Bibele, a e phetle, a e behe mono, le lehlaba le leng tlase *mona*. Eaba ke fihla mono tsatsi le leng ka mo fihlela a koahetsoe ke Libibele tse ngata hakaale ke se ke sa bone Moena Jim; Libibele li tletse feela holim'a hae! A re, "Ke tšepiso ea Molimo!" Ke phetho.

<sup>145</sup> "Maholimo le lefatše li tla feta, empa Lentsoe la Ka le ke ke la feta."

<sup>146</sup> Le hopole hoba thaka leo la khale le ne le tloaetse ho feta ho tla mpona. 'Me ha ke kholoe mang oa batho bahabo a le teng mona. 'Me ke mo thusen nakoana, le a tseba, ho tla joalo, hobane o ne a tsofetse 'me a hloka chelete ebe o a theoha. O itse... Tsatsi le leng ha ke ea Canada, ka khutla, ke sa tsoa tsoa ka heke, 'me a re, "Billy, mora oa ka, le leng la matsatsi ana u tla khutla 'me motsofe Malome Jim ha a sa tla hlola a hulana holimo le tlase tseleng ena mona." E ne e le lekhetlo la ho qetela. Mohla ke ne ke le Canada, ka fumana thelekramo; o ne a shoetse hantle mono liphakeng tsa Khaitseli Morgan. O ile a hlaseloa ke pelo, ba mo potlakisetsa kokelong, o ile a lelala a mo sheba 'me a hlokahala.

<sup>147</sup> Khaitseli Margie, na o teng hoseng hona? Ka tloaelo o a kena. Bohle le a tseba. E 'ngoe ea linyeo tse kholo tsa mofetše koana kokelong ea Baptist o se a shoele lilemo tse leshome le metso e supileng, Tleliniking ea Bongaka lirekotong, tsa "ho bolaoa ke mofetše," lilemo tse leshome le metso e supileng tse fetileng. O lula 412 Knobloch Avenue, ke mooki kantle mona kokelong. Oh, mohau o makatsang, mololi o monate-nate!

<sup>148</sup> Jim Tom Robertson, 'muelli oa molao Louisville, 'me bohle re tseba Jim Tom. Ke sona se mo tlisitseng ho lumela Molaetsa ona, o ile a nyolohela mono. 'Me ntate oa hae ke e mong oa lihlooho tseo tsa basebetsi holimo kokelong. O ile a nyoloha a e phahla, ho fumana haeba e le 'nete hore o ne a bolaoa ke mofetše, 'me a teletsoe a se a khutlisetsoa lapeng, le ho nahana ho ea ka tsebo

ea bona o se a shoele. Ntata'e o ile a e batlisisa, 'me ke 'neta. 'Me Jim Tom o itse, "Ke leshano; o lutse hantle mona joale, nka u isa ho eena."

<sup>149</sup> Oh, oh, Ke—Ke Molimo oa sebele, hase Eena na? Ke thabile haele moo A ka khona ho tlolisa liphoso tsa rona mahlo, lona ha le joalo? E etsa hore re Mo rate ka pelo tsohle tsa rona.

<sup>150</sup> Literone, mahalima . . . Eng? "Lilampi tse supileng," kapa lilampi, kapa linaleli tse supileng, tse bitsoang "Meea e supileng," e bolelang pona- . . . liponahatso tse supileng tsa Moea o Halalelang tsa Mengoaha e Supileng ea Kereke litulong tse supileng tsa mohau ho batho. Ke tsena: litulo tse supileng tsa mohau, litulo tse supileng, likereke tse supileng, linaleli tse supileng, liponahatso tse supileng, Meea e supileng, lilampi tse supileng. Oh, khili, Molimo o phethahetse hakakang! Sohle . . .

<sup>151</sup> E robetse mono ka lipalo tsa Bibele; lipalo tsa Bibele ke ntho e phethahetseng ka ho fetisisa e leng teng lefatšeng. Le ke ke la fumana sepha se le seng ho qala ka Genese ho isa ho Tšenolo, lipalong tsa Bibele. Ha ho seratsoana sa sengoloa moo le sa tl'o fumana sepha pele u bala litemana tse tharo; empa ha ho joalo kahar'a Bi- . . .

<sup>152</sup> Ba lekile ka lilemo tse fetang makholo a mabeli ho ekeletsa poleloana ho Thapelo ea Morena, kapa ho tlosa lethoana ho Eona. E phethahetse! Ho ke ke ha eketsoa kapa ha fokotsoa letho ho Eona. Esale ba hopotse ho ntlafatsa thapelo. Ba tla leka ho phophotha *sena* Eona, le ho sotetsa *sane* ho Eona, kapa ho ntša *sena* ho Lona; ha e a loka hantle feela. Le a bona, E phethahetse! Litsela tsohle tsa Molimo li phethahetse.

<sup>153</sup> Ka hona ha rea phethahala, empa O itse "Phethehang joalokaha Ntat'a lona ea Leholimong a phethehile." Ebe re ka khona joang? Ka Mali a Jesu Kreste a theko e bohlokoka, ka ho itebala le ho phela ho Eena feela. Ke moo. E theko e thata hakakang!

<sup>154</sup> Ho lokile, temana ea 6 haeba re kena ho eona. "Lilampi tse supileng."

*Hape pel'a terone . . . ho le leoatle la seipone se kang kristale: bohareng ba terone, le ka nqa tsohle ho terone, libata tse 'ne li ne li le teng tse tletseng mahlo kapele le kamorao. (Oh, khili! Shebang sena!) . . . libata tse tletseng mahlo—tse tletse mahlo kapele le ka- . . . (Joale, emang.) . . . pel'a terone . . . ho le leoatle la seipone se kang kristale: bohareng ba terone, ho le tse 'ne . . . le ka nqa tsohle . . . terone, libata tse 'ne tse tletseng mahlo kapele le kamorao.*

<sup>155</sup> Joale, lona "leoatle la seipone." Lona ba tlang . . . Ke a . . . Papiso ena ha e kaalo mona, empa ke batla ho hlakola sena motsotsso. Joale, joale re batla ho lekolisia mona nakoana feela. Leoatle la seipone le bapisitsoe kahar'a tempele ea khale, hoba

Moshe o ne a laetsoe ke Molimo ho aha tempele lefatšeng kamoo a E boneng maholimong. E mong le e mong o tseba seo. Ho lokile.

<sup>156</sup> Ha nke ke take lethoana mona, joale, areka e ne e le *ena* kahar'a Testamente ea Khale, ho lokile, ntho e latelang, e ne e bitsoa "Sehalalelisiso." 'Me nqalo e latelang mona e le aletare, e neng e bitsoa "nqalo e halalelang." 'Me hantle kapele *mona* e ne e le "leoatla borase," le bitsoa joalo. Ka mantsoe a mang, e ne e le nqalo moo sehlabelo... mahlabelo a neng a hlatsuo—a ne a hlatsua mona pele a amohelo holim'a... aletareng; aletareng ea borase, kapa aletare ea borase moo sehlabelo se neng se chesetsoa.

<sup>157</sup> Joale, re batla ho sheba sena joale moo e... moo e neng e le teng. 'Me, joale—joale, leoatleng lena la seipone... le ne le le pel'a Terone le pel'a nqalo e halalelang. Feela... Joale hopolang, likandelare tse supileng tsa gauta li ne li hlonnge *mona* ka tsela ena, le ho kena ho morifi. Le a bona? Joale, ke oona o halimisang leseli le tsoang nqalong e halalelang kantle *mona*. Joale, haeba u... che, ha le a tlameha ho e ngola haese ha le batla feela, empa hoo... Ke tabana eo ke e takileng mona ka seqo, ke neng ke batlile ho le tlisetla eona. Empa joale, le a bona, *sena* se ne se bitsoa leoatla borase; le ne le se leholo hakaalo, le ne le beiloe bonnyane maemong kahar'a tempele. Le ne le behiloe joaloka *mona*, e ne e le leoatla borase, e ne e le morifi o entsoeng ka borase teng ba hlatsoetsa mahlabelo. Pele mahlabelo a chesoa kapa a amohelo, a ne a lokela ho hlatsuo.

<sup>158</sup> Oh, na taba eo e ke ke ea rala theron hona joale, Ngaka. Oh, khili! Na hoo—na hoo ho ke ke feela... Empa e a nchabela, "a ne a hlatsuo." Pele sehlabelo sefe se amohelo ho Molimo, se tlameha pele ho hlatsuo. Joang? E seng ka maikutlo, empa ho hlatsuo ka Lentsoe. Joale, re ka khutlela morao 'me ra fihla moo rabbi enoa oa Mojude... mohla ke ne ke rera theron eo ea metsi a karohano, sethole se sekhuona, metsi a neng a bolokoa, a ne a etsoa metsi a karohano. 'Me le pele re ka tla ho Molimo le ka mohla ka tumelo ea 'nete, re lokela ho tla ka metsi a karohano. E, monghali. U tlameha ho tla ka eng? Lentsoe!

<sup>159</sup> Oh, e re ke re bone haeba nka bua feela hoo le tla... e mong le e mong o tla e fumana. Joale, aparang monahano oa lona oa moea. Rolang kokoro ea lona ea ntoa le apare monahano oa lona oa moea joale, hobane ntho ke ena e latela. "Ho hlatsuo pele se ka amohelo aletareng," se tlameha pele ho hlatsuo ka metsi a karohano.

<sup>160</sup> Joale, phetlang le 'na kapele ho Baefese 5, tšoarang sebaka sa lona feela le khutlela morao, maegephe a 'maloa feela morao, ho Baefese khaolo ea 5 le temana ea 26:

*E le hore a tle a e halaletse a e hlatsoe... (Ke Kereke, eo a buang ka eona.)*

<sup>161</sup> Le a bona, joale, e reng ke khutlele morao ho se hokae. Khutlelang morao nkare temana ea 21, le sa ntse le sheba:

*Ikokobetseng e mong ho e mong ka tšabo ea Molimo.*

<sup>162</sup> “Ikokobetseng.” Phutheho, ikokobeletse molisa oa lona. Molisa, ikokobeletse phutheho ea hau. Ha qabang e tsoha, se nke lehlakore, ikokobeletse phutheho eohle. Phutheho, haeba u qala lemuloana, ikokobeletse molisa oa hau ka tšabo ea Molimo. Le a bona? Oh, moena! Hmm!

*Basali, ikokobeletseng monna ba lona, joaloka ho Morena, (Hobane ke morena oa hau.)*

<sup>163</sup> Ba e tsebang ba bakae, lona basali? Ke hantle hahlo. Bibele e boletse joalo qalong. E sa ntse e tšoana.

*Basali, ikokobeletseng monna ba lona, joalokaha le ikokobetsa ho Morena;*

*Hobane monna ke hlooho ya mosali, joalekaha Kreste le eena e le hlooho ea kereke: 'me ke eena 'moloki oa 'mele.*

<sup>164</sup> Monna le eena joalo. Bohle le a tseba, lona ba nyetseng le batho ba baholo, kapa bana ba holileng ho lekana ho tseba tsela ea bophelo. Ho lokile.

... *joaloka ho Morena.*

*Hobane monna ke hlooho ea mosali, joalekaha Kreste le eena e le hlooho ea kereke: mme ke 'moloki oa 'mele.*

*Jwalokaha kereke e ikokobetsa katlasa Kreste, basadi le bona ba ikokobetse ho banna ba bona joalo nthong tsohle.*

*Lona banna, ratang basali ba lona, joalokaha Kreste le eena a ratile kereke, 'me a iteletse lefu ka baka la eona; (U se ke oa mo tlola holimo! Haeba u etsa joalo, ha u a tšoanelea ho ba monna. Ke hantle!)*

*E le hore a ...*

Mamelang, ke ena! E fumane joale:

*E le hore a tle a e halaletse a e hlatsoe ka hlatsuo ea metsi ka ... [Phutheho e re, “Lentsoe!”—Mong.] Hmm!*

<sup>165</sup> Joale, morapeli e mong le e mong ea kenang ho Sena o tlameha ho tla ka Lentsoe. Bongata bo tla ka tsela ese. Ke lumela lipalenyan le lintho, tse mabapi le “'mme oa ka o hlokhetsa khale koana 'me o u emetse Lehelimong,” hoo ho sebetsa hantle kamora hoba Lentsoe le sebelisoe. Bongata bo tla aletareng hobane ba batla ho kopana le 'mme oa bona Lehelimong. Ho lokile, u lokela ho etsa joalo, empa hase lona lebaka la hau ho tla aletareng. U tla aletareng ho ipolela libe hobane Kreste o u shoetse, ka Lentsoe!

<sup>166</sup> Ka hona, mahlabelo afe a sa tlang ka Lentsoe ha a amoheloe ke hona. Na ho joalo? (Oh, moena, ha ke batle ho bua sena. Oh, ha ke batle ho se bua. Le ntšoarele ho se bua.) Ke ka baka leo Liketso 19 e emeng kahare ho Bibele, “Na le amohetse Moea o Halalelang esale le lumetse?”

Ba itse, “Rona . . . ha re tsebe hoba ho na le . . .”

A re, “Athe, le kolobelitsoe joang? Hobaneng le eso kene ka Mona?”

<sup>167</sup> Ba tla ka tsela esele le Lentsoe! Ho re, “Oh, re ttile ka moralo, ra kolobetsoa . . . John.”

A re, “E ke ke ea sebetsa. Johanne o kolobelelitse pakong feela, e seng tšoareleng ea libe.”

<sup>168</sup> ’Me ha ba utloa Sena, ba kolobetsoa hape. Hobane’ng? Ka Lentsoe! “Ho hlatsuoa ka metsi a Lentsoe.” Lentsoe le itse, “Lebitso la Jesu Kreste!” Ntho efe e qhoaelang letho ho Seo ke leshano!

<sup>169</sup> Joale, moena oa ka ea ratehang, ke a tseba ena ke teipi hape. Joale, u se ke ua roaleha. E reng ke bue sena ka lerato la bomolimo, hora e atametse ha ke sa khona ho ikhutsetsa linthong tsena hape, e haufi haholo le ho Khutla hoo. Le a bona? “Boraro-bo-bong ke ba diabolose!” Ke rialo HO RIALO MORENA! Sheba moo bo tsoang teng. Bo tsoa Lekhotleng la Nicene mohla kereke e Katolike e qalang ho busa. Lentsoe “boraro-bo-bong” ha le boleloe Bukeng eohle ea Bibele. ’Me ho latela Melimo e meraro, e tsoa liheleng. Ho na le Molimo o le mong. Ho joalo hantle.

<sup>170</sup> Joale, u ka re ke hona, “Na u lumela batho bana bohole ba—ba boraro-bo-bong ke ba lihele?” Che, monghali. Ke lumela hore ke Bakreste. Empa hora e ntse e atamela, moena, ba ntse ba fosa athe ba tšepehile.

<sup>171</sup> Monna ofe, kae kapa kae, nako efe, ea batlang ho bua ka temana eo, tloo ho ’na; moruti ofe, mobishopo, moarekabishopo, u ka bang eng. ’Me taba ena e hatisitsoe, e tla potoloha le lefatše. Ke kopa ka lerato la boena, motho ofe ea utloang teipi ena lefatše ka bophara, ho tla ho ’na ho mpontša mongolo o le mong oa Lengolo kapa seratsoana se le seng nalaneng efe (nalane nepahalitsoeng) moo motho mang a kileng a kolobetsoa ka lebitso la “Ntate, Mora, le Moea o Halalelang” ho fihlela ba hlophisa ‘moho le kereke e Katolike, ke tla fetola thuto ea ka. Motha e mong le e mong o kolobelitsoe ka Lebitso la Jesu Kreste! ’Me baena ba ka ba ratehang, mahlo a lona a foufalitsoe nqa lintho tseo. Rapela Molimo ho u fa Leseli!

<sup>172</sup> Joale, haeba Lengolo le le teng ho e tšehtesa, ke tla u emela kapa ke tla mamela mohala oa hau. U a . . . uena . . . Mose ho teipi ena, ha u sa nqholotse ka eona u tsamaea ka boomo ka ho hloka temoho moeeng. Haeba u batla ho tseba hore na Leseli le lefifi ke eng, ha re botseng Molimo. Hopolang, ke re HO RIALO

MORENA! Haeba u lumela hore ke mosebeletsi oa Hae... 'Me haeba seo se ne se sa kheme le Lentsoe, e ka ba phoso. Haeba e sa kheme le Lentsoe, ke tšoanelo ea hau ho tla ntokisa, uh-huh, ho bona se etsahalang. Uh-huh. Ke phoso!

<sup>173</sup> Ke lumela hore likete tsa batho ba lumelang boraro-bo-bong tse lumelang ho Melimo e meraro ba bolokehile, hobane ha ba tsebe phapang. Re tla kena ho eona tlase molaetseng.

<sup>174</sup> Joale, le se ke la koala teipi tsa lona la tsoela kantle ho ntlu, lona baena ba boraro-bo-bong; mame lang Sena. Empa u lule u khutsitse metsotso e 'maloa. U tlamehile ho uena. U tlamehile phuthehong ea heno. Le a bona? U se ke oa khaotsa ho fumana liteipi, lula le Eona feela. E batlisise ka Lentsoe 'me u bone haeba E nepahetse. Bibebe e itse, "Lekang lintho tsohle."

<sup>175</sup> Ke a tseba hore ha E ratehe, le Jesu o ne a le joalo, le Molaetsa o ne o le joalo, kamehla. Le ne le nthata ha ke fihla ho folisa bakuli le ba mahlomoleng har'a lona, la e hopola e le ntho e kholo, matsoele a maholo 'me la aha kereke. Joale, Jesu o e entse hofihlela ka letsatsi le leng A lokela ho theohela 'Neteng. 'Me hoba A etse, esita le ba mashome a supileng ba Mo furalla. Eaba O retolehela ho ba bang, ba leshome le metso e 'meli, le ho re, "Ana le lona le rata ho ikela?"

'Me Petrose a bua mantsoe ao a bohloko, "Morena, re ka ea ho mang, hoba Mantsoe a Hau ke ona feela a Bosafeleng?"

<sup>176</sup> 'Me ke Lentsoe la Molimo feela e leng Bosafeleng! 'Me u mphumanele le ka mohla moo Molimo o lumeletseng mang ho kolobetsoa ka lebitso la "Ntate, Mora, Moea o Halalelang."

<sup>177</sup> E-ea ho Mattheu 28:19, "Ntate, Mora, le Moea o Halalelang," moo Mattheu a boletseng, "E-eang ke hona, le rute lichaba tsohle, le ba kolobetse ka Lebitso la Ntate, Mora, Moea o Halalelang"? 'Me mang ea hopolang hore "Ntate, Mora, Moea o Halalelang" ke lebitso, hoo ho supa phoso ea thuto ea bona. (Joale, ho moithuti oa sehlopha sa bosupa ho bolella babishopo ba mametseng Sena.) Ntate ha se lebitso, Mora ha se lebitso, le Moea o Halalelang ha se lebitso. Ke maemeli a lebisoang Lebitsong (la Ntate, Mora, Moea o Halalelang), e leng Jesu Kreste.

<sup>178</sup> Hopolang, ha se ka khalefo, se boletsoe ka lerato le ka hlompho ea bomolimo, ka lerato le ka ho nahanelia 'Mele oa Kreste ohle moo ke mengoang ke baena beso ba boraro-bo-bong (le lefatše ka bophara) ho tla tla rera liphuthehong tsa bona. Empa ha nke ke e bua ha ke le har'a lona. Ke batla ho ba... Haese ha u nkopa ka bouena, nka ea tlung ea hau ea boruti ka rerisana le uena ka eona. Empa ka pel'a phutheho ea hau, e ka ba fuluha. Ho ho uena ho fumana Tšenolo le ho ea ruta mohlape, ke uena molisa oa mohlape. Ke bua le bareri. Ha u sa utloisise, tloo, re lule re rerisane 'moho. Bibebe e itse, "Lekang tsohle, le tiisetse tse molemo."

<sup>179</sup> “Leoatle la seipone,” moo sehlabelo se neng se hlatsuo...’Me re hlatsuo...Oh, le se ke la e lebala, re tla khutlela ho eona kamora nakoana, “Ho hlatsuo ka metsi a Lentsoe.” Ka hona u tlameha ho utloa Lentsoe pele u ka kena mono, hobane tsela e le ’ngoe u ka atamelang Molimo, ke ka tumelo. Na ho joalo? “Tumelo e tla ka kutlo, ho utloa Lentsoe,” ho hlatsoa letsoalo la rona. Ha se ho teana le motho, ha se ho teana le ntate, ha se ho teana le ’me, ha se ho teana le lesea (tseo tsohle ke ’nete, re tla etsa joalo), empa pele re tlameha ho kena mocheng oa katamelo ea Molimo; re tla hlatsuo ha re utloa Lentsoe la Molimo.

<sup>180</sup> Re tsamaea ka tumelo. *Mohau*, “seo Molimo a u etselitseng sona.” Ke hantle. U lumela Molimo, u lumela ho Molimo; ’me hang ha u le masoabi, u se u tšoaretsoe.

<sup>181</sup> Joalokaha ke buile le moena maobane, e ne e batla e mo ferekantse, ’me ka re, “Sheba, moena, haeba u buile taba e khopisang mohatsao, u tla mo utloela bohloko hang, u masoabi ho e etsa, u se u bakile pelong ea hau. Ke hantle. Empa u tlameha ho ea ’molella ka eona. U tlameha ho ea le ho re, ‘Ratu, ke—ke masoabi ha ke itsalo.’ Ke mohla u bakileng ka botlalo.” Joale, le ho Molimo ho joalo.

<sup>182</sup> Monna ea ka tlohang a re, “Ke mo hlabejisitse, ha e etse phapang, ke tla ’molella masoabi a ka, feela ke hlile ha ke joalo,” u moikaketsi. Le a bona? Ke hantle. Hoo ho ke ke ha amoheloa ke Molimo le ka mohla.

<sup>183</sup> U tlameha ho soabela libe tsa hau ka botlalo. Ha u itseba u soabetse libe tsa hau, e ntoo ba “Pako, le ho kolobeletsoa ka Lebitso la Jesu Kreste tšoarelong ea libe tsa hau, ’me u tla tšoareloa, ho amohela Moea o Halalelang.” Le a bona, habonolo feela, Molimo o e nolofalitse hakana feela.

<sup>184</sup> Mona e . . . re lemotha mona ho “leoatle la seipone,” le ne le le joaloka kristale. Joale, leoatle la seipone le a bapisoa, le bapisoa le leoatle la borase. Lena ke leoatle la seipone, le Lehelimong. Moshe o le bone e le leoatle la seipone eba o etsa ho bitsitsoeng “leoatle la borase,” aletare ea borase, sehlabelo sa borase. . . . aletare ea borase, ke rialo.

<sup>185</sup> Le tseba seo borase bo se bolelang ka Bibeleng? Kahlolo. O ne a etse noha ea borase. *Noha* e bolelang? Pontšo ea *noha* e ne e bolela “sebe se ahlotsoeng,” tšimong ea Edene, mohla, “Serethe sa Hau se tla e khoba hlooho; hlooho ea hae e tla khoba serethe.”

<sup>186</sup> ’Me *borase* bo lekanya “Kahlolo e Khethehileng,” aletare ea borase, moo sehlabelo se neng se chesoa; morifi oa borase, teng se ne se hlatsuo ka metsi a Lentsoe. Le a bona? Mo—... Elia, matsatsing a hae, o kile a tsoa, ho re, “Maholimo a joaloka borase.” (Kahlolo e Khethehileng holim’ a sechaba se latotseng.) Oh, khili! Borase, ea borase!

<sup>187</sup> Joale re ho “morifi.” ’Me u lemohe hobane morifi ona o ne o le feela o bonaletsza joaloka kristale. Hobaneng? Kereke e se e lopolotsoe!

<sup>188</sup> Joale, joale, re lemoha hamorao, le hona, mohla bahalaleli ba Tlokotsi ba neng ba nyoloha, re e bona e boela e tletse mollo. Na le tsebile . . . Le ka rata ho e bala? Ha re phetleng ho Tšenolo joale, khaolo ea 15, temana ea 2, le ho bala moo re bonang mollo ona oa borase hape. Ho lokile:

*Eaba ke bona lengeloi . . . ka bona mohlolo o mong, (Hantle.) o moholo o makatsang, e leng mangeloi a supileng a tšoereng . . . likotsi tse supileng tsa qetello; hobane bohale ba Molimo bo ea phetheha ka tsona.*

Joale “bohale” ba Molimo. Shebang:

*Ka bona ho kang leoatle la seipone le kopaneng le mollo: (Joale, shebang.) ba neng bao ba hlotse sebata, le setšontšo sa sona, le letšoao la sona, le palo ea lebitso la sona, ba ne ba eme holim'a leoatle la seipone, ba tšoere . . . liharepa tsa Molimo.*

*'Me ba bina sefela sa Moshe mohlanka oa Molimo, . . .*

<sup>189</sup> Oh, na le a e bona? “Lekhathe la Tlokotsi.” Oh! Na le potlakile? [Phutheho e arabela, “Che!”—Mong.] Ke hantle, mamelang, ha re eleng taba hloko mona.

<sup>190</sup> Ebe re tla joang? Re tlameha ho tla (Kereke ena ea Molichaba) Lentsoeng lena, leoatle la seipone, metsi, metsi a Lentsoe (Na ho joalo?), ho elella Lentsoe kamoo Le ngoliloeng. Ebe moo sehlabelo se amoheloang se tlatsoa ka Moea o Halalelang ho tsoa kahare, ho bonesa ka Leseli la mongoaha oo. Ho tsoa ho sena . . . Ke lena Le etsoa nqalong e halalelang ho kena ka *mona*, ho tsoa ho naleli ho kena ka *mona*. Le a e tšoara?

<sup>191</sup> Lemohang, joale, qetellong ea mongoaha ona, Johanne, eitseha a bona leoatle la seipone mono, le ne le “bonaletsza joaloka kristale.” E ne e le eng? Lentsoe le ne le tlositsoe lefatšeng, ho hloibiloa kahara Kereke, ’me le ne le bonaletsza “joaloka kristale,” Mali ha a sa le teng, mongoaha oa Kereke o ne o phethehile.

<sup>192</sup> Joale, ho Tšenolo 15, mesaletsza ea Peo ea mosali, eona e beng e le bahalaleli ba nako ea Tlokotsi ba fetileng nakong ea Tlokotsi, ba fihletsoe (Shabang!) ba eme holim'a leoatle lena. ’Me le tletse mollo, mali, malakabe a lakomang, mollo oa Molimo. Ba ne ba hlotse sebata (Roma), holim'a palo ea sona, holima palo ea lebitso la sona, le holim'a setšontšo sa sona (Konfederasi ea Likereke), ’me ba ne ba tsoile. ’Me ka therò ea Moshe le Elia, baporofeta ba babeli bao ba tlang ho hlahela Israele ho ntša . . . seholpha sena sa batho, bahalaleli bao ba Lekhathe la Tlokotsi, morao mohla nako e tla kenngoa, ho ne ho . . .

<sup>193</sup> Le a bona, Kereke e se e hloibitsoe joale, empa le hopole hobane Mosali o Teroneng. Lekhathe la Tlokotsi... Ho phetsoe mebusong, ho tsoa, le ho tlisa likhosi tsohle tsa bona le hlompho ea tsona le khanya kahar'a Motse. Etlare ha re theohela ho Tšenolo 22, le tla e bona. Haeba le ntse le ngola le e tšoere, le tla bona seo re se bolelang ha re fihla ho eona. Ha re na nako feela ea ho ama nthoana ka 'ngoe le ho haola morao le pele, haese ho e hlaba lihlooho feela. 'Me ka letsatsi le leng, koana, ha Morena a ratile, re tla fumana nako e ngata ho bua ka eona.

<sup>194</sup> Joale, bahalaleli ba bana ba Lekhathe la Tlokotsi ba nyolohile, ba fetile littlokotsi tse kholo. (Kereke e ke ke ea feta Tlokotsing! Na le a ba bona hoba ba ne ba se ba le Khanyeng?) 'Me bahalaleli ba Tlokotsi ke bana, ba halalelitsoeng ba ne ba... ka lebaka la phoso ea ka le ea lona ha ba ka ba utloa Lentsoe. Haeba ba fela ba Le utloile 'me ba Le hanne, ba ile liheleng; ba lahletsoe lefifing le kantle hobane ba hanne Lentsoe. Empa haeba ba eso Le utloe, Molimo ke oa toka, Lekhathe la Tlokotsi le ba oela holimo.

<sup>195</sup> Joale, lemohang motsotso feela. Bahalaleli ba hlatsoitsoe ka Lentsoe le lona leo, hoba esale aletare eo, ke lona leoatle la seipone le lona Lentsoe leo. Tšenolo 2:5, Tšenolo 15: (kapa ke rialo) :2 ho isa ho :5. Lemohang, motsotso feela. Joale ha rea ka ra ba isetsa Lentsoe, lebaka leo ba bileng—ba bileng joalo. Ha re a ba isetsa Lentsoe, re tlil'o jarisoa boikarabelo. Ka hona re ke ke ra khona ho finyella batho bohole; Kereke e ke ke ea khona (mongoaheng ona) e tšoereng 'Nete. Hobane ba tlil'o feta mehleng ea Tlokotsi, hase Bahalaleli ba shoeleng morao koana mongoaheng eo ea kereke, hobane o itse "Ba tsoile Tlokotsing e kholo," 'me Tlokotsi e kholo e nakong e tlang, hoba Kereke e tlohe ho ea Khanyeng.

<sup>196</sup> Oh, ke moo! Oh, ke a e rata! Mamelang! Ha re khatheng tema nakoana, ke batla ho bona mofuta oa Lentsoe leo ba le utloileng. Joale, ha re qaleng hape ka temana ea 2 ea khaolo ea 15.

*Ka bona e le ho kang leoatle la seipone le kopaneng  
le mollo: ba neng ba hlotse sebata, . . . setšoants̄o sa  
sona, . . . letšoao la sona, . . . palo ea lebitso la sona, ba ne  
ba ema holim'a leoatle la seipone, ba tšoere . . . liharepa  
tsa Molimo.*

<sup>197</sup> Joale, le a bona, ba ne ba sa kena le ka mohla, empa ba ne ba utloile Lentsoe. Ba ne ba utloile Lentsoe. Joale, mame lang, le ka bona Thuto eo ba neng ba e utloile, le ka bona haeba e bapa le ea Kereke joale.

*'Me ba binne sefela sa Moshe mohlanka oa Molimo,  
(Hoo, hoba Moshe a tšelete.) le sefela sa Konyana, ba re, E  
meholo e a babatseha mesebetsi ea hau, Morena Molimo  
o Matlaohle; (Konyana eo ke Mang?) Morena Molimo o*

*Matlaohle; oho Morena oa bahalaleli, litsela tsa hau li lokile 'me ke tsa 'nete.*

<sup>198</sup> Na le a bona hore ba Mo lemohile e le eng? Ha se moperesone oa letho oa boraro ho botriniti, empa ke “Morena Molimo o Matlaohle, Khosi ea Bahalaleli!” Mamelang! Na le itokisitse? Temana ea 4:

*Ea sa tl'o u tšaba ke mang, oho Morena, (tlhaku e kholo M-o-r-e-n-a, Elohim) le ho tlotsila... Ke mang ea setseng ea sa tl'o tšaba,... le ho tlotsila lebitso la hau?...*

<sup>199</sup> Ba hlatsoitsoe ka ona metsi ao le hlatsoitsoeng ka ona joale, ho utloa Lentsoe, le tumelo le matla a Jesu Kreste e le Eamatlaohle. Ke Tšenolo eohle qalong. Ntho eohle a thatetsoe Tšenolong ea hore Jesu Kreste ke Mang, “Molimo o entsoeng nama har'a rona!”

. . . *Meholo e a babatseha Lebitso,...*

*Ea sa tl'o tšaba...ea sa tl'o tlotsila lebitso la hau? uena...ea...hobane ea halalelang ke uena u inotši: 'me lichaba tsohle li tla tla li khumame maotong a hau; kahobane likahlolo tsa hau li beiloe pepeneneng.*

<sup>200</sup> Ka mantsoe a mang: Re bona sephetho sa ho se Le amohele, likahlolo ka tsa Hau li beiloe pepeneneng. Re eme mona ke hona, re hlatsoitsoe joale, re ntse re hlatsuoa ka metsi kamora ho feta Lekhathe la Tlokotsi. Re kile ra U emela 'me ra lumela ho Uena, 'me joale re eme holim'a leoatle la seipone, 'me re hlompha re tlotsila Uena joaloka khalimiso ea Moea o Halalelang oa Hau. 'Me likandelare tsa Hau ke tsa 'nete le likahlolo tsa Hau li lokile.

<sup>201</sup> Oho, khili! Re ka qeta veke ho eona. “Kolobetso ea Moea o Halalelang,” ha re takeng lethoana mona joale, motsotsotso feela, ke tšoere lethoana leo ke batlang ho le taka. Joale, ha re... hobaneng re sa nke feela hona moo moo re leng teng.

<sup>202</sup> Joale, ha re ka elelloa, setšoantšo se seholo ke sena. Joale, *sena* ke Sehalalelisiso. Ho lokile. *Ena* ke nqalo e halalelang. 'Me *ena* ke ntho ea pele, pele ho kenoa mona, ke e—e leoatle.

<sup>203</sup> Ho lokile, joale lemohang. Ebe re atamela Molimo joang? “Tumelo e tla ka kutlo, ho utloa Lentsoe la Molimo,” le halimisoang ho tsoa Sehalalelisisong ho kena ho moromuooa oa mongoaha.

<sup>204</sup> Morao mono, 'me seo... Kahar'a tempele ea Solomone, le a halimisa, likandelare tseo li ne li halimisetsa maseli a tsona morifing oo oa borase. Ka hona, *mona*, lengeloi la mongoaha oa kereke le halimisetsa kahar'a metsi hore na Mothaka enoa ea leng ka *mona* ke mang, ho halimisa mohau oa Hae, Mantsoe a Hae, kahlolo ea Hae, Lebitso la Hae. Sohle se halimisoa ka mona moo u arabantsoeng ka ho Le lumela. Na le a e tšoara?

<sup>205</sup> Lemohang kamoo sena se babatsehang mona, re se buile tsatsi le leng. Shebang mona, *mona*, “Ka baka leo ho beoa ba lokileng, ho beoa ba lokileng ka tumelo.” Ho lokile, *sebaka sa bobeli*, kamora ho hlatsuoa, “khalaletso.” ‘Me, *e ntoo ba*, “ho tlatsoa ka Moea o Halalelang.” Tokafatso, khalaletso, kolobetso ea Moea o Halalelang! Le a e bona? Ebe Molaetsa oa hae o ne o le joang? Tokafatso ka ho utloa; khalaletso ke seo u se etsang; seo u se entseng kananelong ea seo, Molimo o ile oa u tiisa ka Moea o Halalelang.

<sup>206</sup> Joale, uena, moena oa ka oa Baptise, ke batla ho u botsa taba. U re, “Abrahama o ne a ka etsa’ng ho fetisang haese ho lumela Molimo? Eaba Molimo o ’malla hoba hoo ke ho loka.”

<sup>207</sup> Ke phetho seo a beng a ka se etsa, hantle *mona*, O lumetse Molimo. Empa Molimo, ho amohela tumelo ea hae, oa mo nea tiiso ea lebollo oa mo tiisa, ho supa hobane Molimo o ne a tlameha ho re... amohetse tumelo ea hae. ‘Me haeba u ipolela tumelo ho Molimo, le joale u eso tiisoe ka Moea o Halalelang... Baefese 4:30, haeba le batla ho le ngola, Baefese 4:30, “Le se ke la soabisa Moea o Halalelang oa Molimo oo le tsoailoeng ke oona!” ‘Me ha u a tiisoa hofihlela u amohetse Moea o Halalelang.

<sup>208</sup> E nka nako e kae? Hofihlela tsoseletso e latelang? “Hofihlela topollo ea rona, lona Letsatsi la topollo.” Ha ho mokhoa oa ho E balehela. U ke ke oa E balehela, hobane le Eona e ke ke ea u balehela. Le a bona? “Hobane le tiisitsoe hofihlela Letsatsi la topollo ea lona.” “Ha ho lintho tse tlang, ha ho lintho tsa joale, litsietsi, tlala, lenyora, lefu, leha e le letho, tse ka re arohanyanang le lerato la Molimo le leng ho Kreste.” Pauluse o itse, “Ke khotsoe ruri ke hoo!” Ke moo! Ke moo, u tiisitsoe hofihlela Letsatsi la topollo ea hau.

<sup>209</sup> Lemohang, hoo ho tla khutlisa Sontaha sa ho qetela—sa ho qetela hape. Na ke na le nako? Ke mpa feela... Shebang, shebang sena, seperete... seperete, soule, le ’mele. Ho lokile, bona: ’mele, soule, seperete.

<sup>210</sup> Joale, e reng ke hlakole ke ntoo le hlophisetsa lethoana mona. Joale, ke tlil’o le takela lethoana mona, ha kea fumana monyetla ho se takha Sontaha se fetileng ka hona ke ‘me ke ne ke e takile mona pampitšaneng e tšebla. Ke batla ha le ka tsoaea ‘me le ka bona seo ke se bolelang, joale, lona ba nkileng lipensele tsa lona. Joale, *ona* ke ’mele; ‘me *ena* ke soule; ‘me *sena* ke (tlhaku e kholo S-e-p-e-r-e-t-e) Seperete, Moea o Halalelang. Ho lokile. Joale, ke seo re entsoeng ka sona.

<sup>211</sup> Ha u ka eleloa *mona*, nqalo e halelang, Sehalalelisiso; *mona* ke aletare, nqalo e halalelang; ‘me *mona* ke leoatle—leoatle, ke hona moo u utloang Lentsoe, “Tumelo e tla ka kutlo, ho utloa Lentsoe,” karohano, leoatle la karohano, karohano ea leoatle. Joale, lemohang sena. Joale, khoro e kenang *mona* e ’ngoe feela, ‘me eona ke hore u tlameha ho fihla *mona* pele. Na ho joalo?

<sup>212</sup> Joale, ekare nka fumana sebaka, ka *mona* ke ne ke tla ngola, “e—e baroetsana.” Mohla e . . . Sona “Sellalo sa Bohali,” e mong. Na le bona kamoo monna enoa a keneng ka *mona* Selallong sa Bohali, ‘me a kene ka tsela esele? Mona e ne e le Monyako. Jesu o itse, “Ke ‘Na Monyako.” ’Me tafole ena ea bohali e ne e emisitsoe *mona* ‘me batho ba e teetse hare, ‘me monna e mong e le enoa holimo mona a sa apara Kobo ea Bohali. ’Me Khosi ha a kena, O itse, “U fihlile joang mona, mokana ka? Ebe u kene joang mona le ka mohla?” Hoo mo supile a sa kena ka Monyako ona. O kene ka lehlabaphefо kapa o kene kamorao, kapa o tlile ka tumeloana kapa ka mokhoa oa bolumeli. Ha a kena ka Monyako!

<sup>213</sup> Hoba ba sa ntse ba sebetsa joalo bochabatsatsi, monyali ea nyalang, o aba limemo o bile o abela momemuoa e mong le e mong kobo.

<sup>214</sup> Oh, pelo ea ka e phethoha le ho phethoha e tlolaka ha ke e nahana! “Ha ho ea ka tlang ho ‘Na a sa ka a mengoa ke Ntate oa Ka pele, ‘me bohle bao Ntate a ‘Neileng bona ba tla tla ho ‘Na.” Ebe re bitsitsoe joang? Pele ho theoa lefatše mabitso a rona a ngotsoe Bukeng ea Bophelo ea Konyana, ho bona Leseli, ho amohela Moea o Halalelang, ho tsamaea ho Lona. Mabitso a rona (mohla Konyana e neng e hlabjoa) a ne a ngoloe Bukeng ka eona nako eo Lebitso la Konyana le ngoloang mono. Bibele, re tla e finyella nakoaneng, ho itsoe, “o ile a thetsa bohle lefatšeng bao mabitso a bona a sa ngoloang Bukeng ea Bophelo ea Konyana esale ho theoa lefatše.”

<sup>215</sup> Lemohang, ka hona haeba a . . . monyali ka seqo, mohla a neng a eme monyako. ’Me mothaka o nyoloha a tlisa memo, ho re, “Ke ena.”

<sup>216</sup> “Ke a u leboha.” A nke memo, ho e bea mona, a mo apese kobo hore bohle ba tšoane. Ke rata seo! Le a bona? Ka matla a Molimo, Kerekeng ea Molimo o phelang, barui, bafutsana, ba tlamiloeng, ba sa tlangoang, e motšo, e mosoeu, e mosootho, e mosehla, bohle ba tšoana hoba ba apesitsoe ka Matla a le mang a Moea o Halalelang. Le a bona?

Joale, e mo supile a sa kena ka Monyako.

<sup>217</sup> Joale, lemohang mona. Oh, motho ea lekang ho kena Sehalalelisong (motho ea itseng, moruti ea itseng oa Bibele o a mpolella), ekareha motho a kena Sehalalelisong sena a sa ka a kena le *mona*, o ne a eshoa. Mora oa Aarone o ne a nke mollo osele letsatsi le leng, mollo oa bolumeli ba mofuta (athe E ne se mollo oa mokha oa bolumeli), eaba ba shoela monyako. Na ho joalo? Kapa e ne e le bara ba Eli, ke a kholoa. Ke bara ba Eli ba keneng ka ona, athe o ne o bapisa bara ba Aarone e beng e le moprista.

<sup>218</sup> Joale, joale, tsela ea ho kena ‘meleng e ‘ngoe. Ebe ‘mele ona o laoloa joang? Joale, elang hloko ruri joale ‘me le hlophise lipensele tsa lona. Ke *ena* khoro e kenang ‘meleng ka lehlakoreng

lena: 'ngoe, peli, tharo, 'ne, hlano. Joale, na le e takile? Joale, khoro ea pele ka *mona* ke: bona, fofonela, utloa, le tatso, le ho phopholetsa kapa kutlo (e ka bang efe ea tsona, ha se lebaka). Joale, tseo ke lithusakutlo tse 'meleng. Na ho joalo? Ba tsebang seo ba bakae? Lithusakutlo tse tšeletseng li laola 'mele. Joale, re fumana soule hoba u phunyeletse *sena*. Lithusakutlo li kantle, eo ke tsamaiso e kantle.

<sup>219</sup> Joale, ka *mona* ho fumanoa 'ngoe, peli, tharo, 'ne, hlano, lihlomo tse hlano ho soule. Joale, na le batla ho li ngola fatše? Ea pele ke mehopolo, mehopolo. Ea bobeli ke letsoalo. 'Me ea boraro ke likhopotso. 'Me ea bone ke lebaka. 'Me ea bohlano ke lithato.

<sup>220</sup> Joale, na le li fumane kaofela? Ha le sa khona, le ka ntsebisa joale. Na le li ngotse tsohle? Bona, latsoa, phopholetsa, fofonela, le kutlo; 'mele, tseo li buletsoe 'mele.

<sup>221</sup> Soule ke mehopolo, letsoalo, khopolo, lebaka, le thato, ke lithusakutlo kapa lihlomo, joaloka lithusakutlo tsa soule. 'Me soule ke tlhaho ea seperete se leng kahare, hoba soule empa e hlahisa atemosefere e leng kahare ho uena. E tlatsa sebaka sa khalaletso, soule e joalo, e lutse malulong ona ao mono. Ho lokile, joale, sohle... bohole ba e ngotse eohle? Ho lokile.

<sup>222</sup> Joale, nqa khoro *ena* e 'ngoe feela, khoro e 'ngoe, eona e bitsoa "boithatelo." Ke uena mpoli ea se kenang ka mono. 'Me ebe e etsang? Sena ke eng? 'Mele o tlameha ho hlatsuo, morifi; khalaletso, tulong *ena*; ho tlatsoa ka Moea o Halalelang, *mona*, 'me hona ho fetoha setulo sa Molimo sa kahlolo hape, moo Molimo o lulang pelong ea hau, 'me ha u sitoa ka letho, ho re, "Ooh, khili, ke sitiloe."

<sup>223</sup> Batho ba bang ba re, "Ha ke ikutloe hampe ho—ho kuta moriri hakhutšoane," lona basali. "Ha ke tsuoe ke ho tlola pilo kapa dimeikapo, kapa e ka bang eng. Ha ke ahloloe ke ho ea metjekong. Ha ke ahloloe ke ho bua leshano le lesooana. Ha ke ahloloe ke ho bapala boriji moketjaneng oa ka oa boriji." Le a tseba hobaneng? Ha u na letho ho u ahlola. "Letsoalo la ka ha le hlabehisoe ke letho." U hloka letsoalo se sa noha e se nang linoka. Ka hona u mpa feela... Ha u na letsoalo la letho, ha ho letho mono ho u ahlola. U oa lefatše!

<sup>224</sup> Empa ke u phephetsa ho lumella Jesu Kreste ho kena ka *mona* le ho leka ho e etsa hang! Moena, u tla tsuoaa hakaale u tla checha u tsokotse hlooho ea hau nthong eo ruri joalokaha ke eme mona, hoba O a halalela. Mamelang, ke ntse ke qotsa Lengolo, "Ekare ha u rata lintho tseo e leng lefatše, lintho tsa lefatše, ke hobane lerato la Molimo le sa aha ho uena."

<sup>225</sup> Ebe e sebelitse joang? Boithatelo. Hobaneng u ka e bitsa 'boithatelo,' Moena Branham?" Hobane e boela e beha monna le mosali morao hape joaloka Adama le Eva tšimong ea Edene. Holim'a eng? Lifate tse peli! Boithatelo, se seng *sena* ke lefu. *Sena* ke Bophelo, boithatelo. Mekhoa e sa hloekang... Khetho

e lokolohileng! Molimo o behile motho oa pele, Adama le Eva, hantle mona holim'a khetho e lokolohileng. O u behile tulong ka ho tšoana. 'Me tsela e le 'ngoe eo u ka lokisang ntho ena ka *mona* ke boithatelo ba hau. Allelu! Boithatelo ba hau! U tlamehile ho rata ho etsa Thato ea Molimo. U tlameha ho falatsa thato ea hau ho lumella Thato ea Molimo ho kena, hoba ona ke ona feela mochoporo o eang pelong.

<sup>226</sup> Oh, le ka ingolisa le kereke, lona Mabaptise le Mapresbeteriene. Le lona Mamethodise le Pilgrim Holiness le ka fihla khalaletsong. Empa u tlameha ho rata ho etsa Thato ea Molimo, boithatelo, ho lumella Moea o Halalelang ho kena ka *mona*, ho hlahisa. "Mehlolo e tla tsamaea le ba lumelang ke eona ena. Ka Lebitso la Ka ba tla leleka batemona. Ba *tla* bua lipuo tse ncha. Ba tla beha bakuli matsoho leha ba noele lintho tse bolaeang, le joalo-joalo. Mehlolo e tla teela ba lumeletseng thato ea bona ho fetoha Thato ea Ka ke eona ena, 'me mesebetsi eo ke e etsang le bona ba tla e etsa." Ke khlooa le sa E fose. E teng thato ea ho etsa Thato ea Molimo. Na le bona seo ke se bolelang?

<sup>227</sup> Shebang mona, ho bua ka nqalo e halalelang, morifi. *Ana* ke maseli, dikandelare ('ngoe, peli, tharo, 'ne, hlano, tšeleta, supa), e 'ngoe le e 'ngoe ea tsona e na le leseli. Ebe li okha leseli la tsona kae? Leseli la tsona le halimisa kae, ebe Le halimisa ho eng? Ha Le halimise mona sekhutlong holim'a mokha o itseng oa bolumeli. Le halimisa morao mona ho Lentsoe! Ke metsi a hlatsuo. Shuu!

<sup>228</sup> "Hoba pako le tšoarello ea libe" (Luka 24:49) "eka khona e bolelloe lichaba tsohle ka Lebitso la Hae, ho qala Jerusalema." Ebe pako le tšoarello ea libe li ne li rutoe joang Jerusalema? Hofihlela kae? E tlameha ho ea ka lefatše lohle. "Bakang ke hona," ho itsalo Petrose, ho Liketso 2:38, "le kolobeletsoe ka Lebitso la Jesu Kreste tšoarello ea sebe sa lona." Molaetsa oo o tlameha ho ea lefatšeng lohle, e ntoo ba bofelo. Ho ntoo ba bofelo, hoba Molaetsa *ona* o isoe lefatšeng lohle.

<sup>229</sup> Joang, dikandelare tsena mona li halimisetsa leseli ka mona holim'a Methodise ea mofuta, Presbeteriene, kapa bolumeli ba Pentekosta? Be, ruri lekhale!

<sup>230</sup> Le halimela ka *mona* joaloka "KE TENG," e seng "Ke ne ke le teng." E seng batho ba bararo kapa ba bane ba fapaneng, empa Molimo o lutseng ka mono o Ikhalmisetsa ho e 'ngoe le e 'ngoe ea likereke tseo. Ho sheba morao mona le ho bona seo ba se entseng (re sa tsoa haola le nalane), ba Mo halimisitse kamoo A neng a le kateng, kamoo A leng kateng, le kamoo A tlang ho ba kateng le mehla.

<sup>231</sup> "Ea neng a le teng . . ." Hang hoba Johanne a E habanye khetlo la pele, o itse, "Ea neng a le Teng, ea leng Teng, le Ea Tlang, Molimo o Matlaohle, popo ea Molimo, Alfa, Omega, Qalo

le Qetello.” Ke leo Leseli la ’nete le tlamehang ho halimisoa. Le a E bona na? Amen! Shuu!

<sup>232</sup> Ke kamorao ho hora ea leshome le metso e ’meli, ’me ke na le—ke na le... Mamelang, ha re potlakeng feela hore le tle le e kopitse. Ha ke batle ho le tšoarella halelele, empa ha ke tsebe mohla ke tla boela ke le bona. Le a bona? ’Me ke batla le fumane sena, metsoalle, bona ke Bophelo. Joale, shebang, ha ke bolele kahobane ke E bua. Haeba ke—haeba ke halimisa mokhalo oo oa... e tla ba ke... ha le—ha le utloisise pelo ea ka. Ha ke leke ho halimisa, “Oh, hona feela ho a... Ha u letho.” Ha ke leke ho etsa joalo. Haeba u eso amohele Leseli, ke leka ho u supisa ho e Mong mona. Ha se ea leng mona sefaleng sena, ke Ea leng mono Teroneng eo. ’Me Terone eo e tlameha ho ba ka pelong ea hau, ’me u tla bona eona ntho eo e halimisoa mona.

<sup>233</sup> Ntho *ena* e holimo mona ke’ng? E halimisa *Sena*. ’Me *sena* ke *Sena*, Lentsoe. Ho hlatsua ka metsi a Lentsoe, ka Lentsoe; ho hlatsua (ka metsi a likarohano) ho tloha linthong tsa lefatše—lefatše ka Lentsoe. Lentsoe le Mo tlaleha e le oa maobane le kamehla. Ha Le re, “Esale Oa mongoaha oa Pentekosta, morao ho barutuoa, ’me mongoaheng o latelang O ile a fetoha.” Che, O a tšoana! Le a bona? U ke ke oa Le buisa letho le sele. Re ka lula holim’ a e ’ngoe ea lintho tseo lihora, empa ke tšepa le E fumana joale. Ha Molimo a u bitsitse, u tla E fumana. Ke seo ke se lumelang. Ho lokile, monghali.

<sup>234</sup> Joale, ke eng? Tokafatso, khalaletso, kolobetso ea Moea o Halalelang; soule, ’mele, seperete; ka ho tšoana. Joale, lampi e halimisa Lentsoe. Lentsoe la ’nete le halimisa eng? Ebe lampi ena ho etsahalang, haeba e okha khanya ea eona ho Shekina ena? E ne e tla halimisa Khanya ea Shekina. Na ho joalo?

<sup>235</sup> Haeba u kene kahar’ a seminari, leseli la hau, u tla hlalimisa seminari. U e okhile seminaring ea Methodise, u tla halimisa Bomethodise. U a halimisa! Haeba u e okhile seminaring ea Pentekonta, u halimisa Bopentekosta. Empa haeba u E okhile Khanyeng ea Molimo, maloka le sehlahlala se tukang...

<sup>236</sup> Khele, mohla Moshe a ne a tsoa ka pel’ a Sefahleho sa Hae, a tlameha ho ikoahela ka selo sefahlehong, kahoo, batho ba sitiloe le ho mo shalima. Na ho joalo? O ne a tletse matla a Molimo.

<sup>237</sup> Setefane, monna ea tletseng Moea o Halalelang. Ho leka ho mo thiba, khele, eka ho leka ho tima ntlu mohla moea o pukang, mollong; ho tima mollo ho eona... ’me ntlu e chela mohla moea o pukang. Oh, ha ba—ha ba eketsa ho o fehla, o hakala le ho feta. Khele, u ka sitoa ho mo thibela. Ka kotloloho, eitseha ba mo hlahisa pel’ a Lekhotla la Sanhedrine, Bibele e itse, “A ema moo, e ka lengeloi.”

<sup>238</sup> Joale, ha ke hopole “lengeloi” le ne le bolela hoba e ne e le Boleng ba mofuta bo emeng mono; empa, lengeloi le tseba hantle seo le buang ka sona. Le lengeloi lefe le a itšoanelia, moromuoia oa

mongoaha oa Kereke, ha a tlameha ho hetla ho bona seo seminare e se nahananang. O tseba seo Molimo o se buileng Bibeleng ea Oona, le matla a halimisang ho paka hore esale Eena maobane, kajeno, le kamehla. Ha a tšabe, o bua hantle feela seo a se tsebang e le 'Nete. 'Me Molimo o eme hantle mono o Le tšehtsa ka mehlolo le meeka eoan eo, 'me le ka lona Lentsoe leo. Ke lengeloj leo!

<sup>239</sup> Setefane a ema mono, a re, "Ke tseba seo ke buang ka sona." Ho re, "Lona ba melala e thata le ba sa bollang pelo le litsebe, le hanelia Moea o Halalelang kamehla. Joalokaha bontata lona ba entse, le lona le joalo!" Ho re, "Ke ofe oa baporofeta eo bontata lona ba sa kang ba mo bolaea le ntoo ba hahela mabitla?"

<sup>240</sup> Lōna mekha ea malumeli, ke mang oa lona ea sa kang a etsa hona hoo? Le a bona? Ho haha lipaleisi tse takiloeng bosoeu le dimoshara le lintho tikolohong ena, le ntoo bua ka Molimo! Ke lona ba Mo kentseng moshareng, ke lona le Mo kentseng lebitleng. Ke eona ntho e ileng ea Mo kenya lebitleng morao koana, e ne e le kereke e kholo e takiloeng bosoeu, mokha oa bolumeli, Bafaris le Basadusia ba Mo kentseng ka mono ba ntoo leka ho haha sehopotso sa Eona.

<sup>241</sup> E reng ke le bolelle hobane Kreste ke Boleng bo phelang. Ha se ntho e shoeleng, Ke Ntho "e tsohileng ho *tsoa* bafung 'me e phela kamehla le mehla." Oh, moena! Ehlide! Ebe e etsang? Ebe E halimisa eng? E halimisa ho tloha *mona*, e ka ba eng? E ne e tla re-... Khalimiso ea Hae ea mannete ke efe? Ntho ea pele e tlang ho e halimisa, e tla ba Lebitso la Hae. Na ho joalo? E ne e tla halimisa Lebitso la Hae. Ntho e latelang ho halimisa, e ka ba matla a Hae. Na le bona seo ke se bolelang? E ne e tla halimisa sohle seo A leng sona.

<sup>242</sup> Ka hona haeba *sena* se halimisa ho mongoaha ona *mona*, sohle A kileng a ba sona, e tla ba esale Eena! Shuu, khanya! Khanya! Ke eng? Se Mo halimisa kamoo A neng a le kateng, kamoo A leng kateng, kamoo A tla ba kateng kamehla, hobane e *tsoa* ka kotloloho Teroneng ea Molimo; Jesu Kreste eena maobane, kajeno, le kamehla; oona Molimo oo, oona Matla ao, eona Khanya eo, eona ntho eo eohle. Esale Eena maobane, kajeno, le kamehla. Oh, moena!

<sup>243</sup> Ha re khatheng tema. Joale, ha re nkeng temana ena eohle e setseng ea 6 mona, ea khaolo ea 4. Ke ngotse litšoaelo tsa eona mona, 'me ke batla ho potlaka ka bokhoni ba ka. Joale, e-e tse ling tsohle, hoba u tlohele ena khao-... hoba re tlohe temaneng ena, empa e likoloha feela, ho bolela seo ba se entseng. Ha re boneng hore re ka feta mono na.

... *seipone* ... *leoatle* *la seipone* ... (Joale, re tseba seo  
le neng le le sona.) *bohareng* *ba terone*, ... *tse 'ne*  
*Libopua* *tse phelang*, *libata* ...

<sup>244</sup> Joale, joale, ba tšoereng phetolelo e ntlafalitoeng ea Bibele ba bakae? Phetolelong ea lona e ntlafalitsoeng, e re "Libopua

tse phelang.” Be, ke ipotsitse ke ha joang King James mona a itse tse phelang . . . e ne e le tse ‘ne “*libata*”? Be, ke iphumanela Segerike—Bukantsoe ea Segerike, ka khutlela bukantsoeng ea Bibele le ho fumana hoba e ne e bolelang. Joale, ke ena. Joale, elang hloko. Lentsoe le fetoletseng mona, joale u le tšoaee ho ichebela lona, le uena, ho netefatsa. Le a bona, ke batla le tšoaee seo ke se buang, ‘me . . . haeba u khona ‘me u batla joalo. Ho lokile, khatiso e ntlaufalitsoeng e re, “Libopua tse phelang,” ho eona. Joale, hlokamelang:

‘Me . . . mono . . . libata tse phelang tse tletseng mahlo  
kapela le kamorao.

<sup>245</sup> ‘Me e tsoelapele e hhalosa “libata,” etsoe re tla kena ho eona motsotsong. Joale, *sebata* mona se bapisitsoe. Na le tšoere molathoko Bibeleng tsa lona, mabapi—mabapi le *libata*? Haeba u e tšoere, fetela ho molathoko. Ha ke hlokamel Ngaka Scofield mona o e tšoailo ho ea hae. *Libata* li bolela, mona o ngotse, o re, “Libopua tse phelang.” Oh, khili! Joale, hlokamelang. Lentsoe la Segerike mono ke, “Z, habeli o, m” . . . kapa, “Z, habeli o, n” ke eona, “Z, habeli o, n.” Joale, ka—ka Segerike, e bitsoa Zoon e bolelang “Sebopua.”

<sup>246</sup> Joale, ha e joalo . . . ha u batla ho e bala joale. Ha re na nako. Ke ne ke tla e bala, empa ha ke e-so khone. Ngolang Tšenolo 11, 13 le 17. Jwale, mono ho *sebata*, likhaolong tsa Tšenolo 11, 13, le 17, ho thoe *libata* ka ho tšoana; empa *libata* mono, phetolelo ke “t-h-e-r-i-o-n,” therion. Lentsoe, lentsoe la Segerike *therion*, le bolela “sebata se hlaho, se sa thapeng.” *Therion*, e bolelang “sebata se hlaho, se sa thapeng.”

<sup>247</sup> Empa Zoon e bolela “Sebopua,” le a bona, “Tse ‘ne tse phelang (Zoon) Libopua.” E seng *libata* tse “hlaho,” *therion*; empa, “Zoon, Libopua tse phelang.”

<sup>248</sup> ‘Me *therion* ke “ba hlaho, ba sehlōhō ba sa thapeng.” Ka mantsoe a mang, haeba u ka sheba khaolo ea 11, “sebata sa Roma.” Khaolo ea 13, “United States.” Khaolo ea 17, “United States le Roma ‘moho,’ ea likereke tse hlophisisitsoeng tse kopaneng le Bokatolike li fetoha batho ba sa sokolohang, ba sa thapeng nqa Evangel. Khele! Ba sa thapeng!

<sup>249</sup> “Ho bokoe Modimo, re tsoa kerekeng e kholo ea Methodise, Baptise, Presbeteriene, mokhatlo oa Pentekosta. Re tseba seo re se buang! Ha ho motho ea etellang pele . . . ea tla re joetsa!” Ke moo. E sa thapang! E sa sokolohang! Ba se nang lerato la tlhaho! Ba se nang ho tšepeha! Ba etselletsang ba bang! Ba sa tsebeng ho itšoara! Ba hloeang ba molemo! Ba nang le libopeho tsa . . .

<sup>250</sup> [Sekheo lebanteng—Mong.] . . . fetela ho seo joale. ‘Me nka rata feela ho khabela ntho eo likotoana hona joale, empa ke . . . hore e tle e kene theiping ena, leha ho le joalo. Empa ha re na nako ea ho e etsa. Joale, le a utloisia. Ba utloisia sang ba ba kae?

E reng “Amen!” [Phutheho e re, “Amen!”—Mong.] Le a bona, tsena ke . . .

<sup>251</sup> Ebe ke eng *Zoon* (Z, habeli o, n)? Libopuoa tse Phelang. E ka ba e qapolisoa “Zoon,” Z, habeli o, n. Le ka e qapolisa joang, “Zoon”? “Zoon,” nka rialo.

<sup>252</sup> ‘Me *therion* ke t-h-e-r-i-o-n, “therion,” le a bona. Hoo ho bolela “libata tse sa thapeng, tse hlaha, tse harolang.” Ke sona seo libata tseo . . . U ka nka ntho ea hau . . . nka bukantsoe ea hau ea Segerike ‘me u khutle hantle le ho bona haeba e se lona lentsoe leo. U ka sheba ka mono ‘me ua e bona. Nka ea hau—nka thekesebuka ea hau ea Segerike, nka patlantsoe ea hau ea Emphatic Diaglott. Joale, fumana haeba e se ‘nete, hore seo ke ‘nete, hore le bolela “sebata se sa thapeng,” ho Tšenolo 11, 13 le—le 17.

<sup>253</sup> ‘Me mona ho Tshenolo 4, le bolela “Sebopuoa se phelang,” e seng *sebata*; empa se bitsoa “sebata” empa ha se sona. Ho a tšoana le ho Ezekiele 1:8, 1 ho isa ho 28, ke eona. Re ka fihla ho eona motsotsong.

Ho lokile, “Sebata se sa thapeng, se sa sokoloheng, se hlaha.” Se sa thapeng!

<sup>254</sup> Empa *tsena* ke “Libopuoa tse phelang.” Ke ling? Ha se Mangeloi. Ke tla le bolella, ha re baleng ho Tšenolo 5, mose ho leqephe hantle. Tšenolo 5, le temana ea 11:

*Ka talima, 'me...utloa mantsoe a mangeloi a mangata* (“mangeloi,” bongateng) *a teelang terone* (“Le” ke lekopanyi.) *le libata le...baholo:...*

<sup>255</sup> Le a bona, “le,” lekopanyi. Le a bona? E ne e se Mangeloi, hape e ne e se baholo, e ne e le “Libopuoa tse phelang” Teroneng. Oh, na ha le rate see? Libopuoa tse Phelang! Ha se Mangeloi, hobane mona hantle e a paka, le a bona:

. . . *Ka talima, 'me...utloa mantsoe a mangeloi a mangata a teelang terone le libata le baholo:...*

<sup>256</sup> Joale mona ho fumanoa mekhahlelo e meraro e fapaneng. Ke a tšepa bohle le fumana tsamaiso ena tlase mona joale. Joale, ke batla ho le bontša. Ho na le mekhahlelo e meraro e fapaneng ea eona, mefuta e meraro e fapaneng (Joale, shebang.) e teetseng Terone hare.

<sup>257</sup> Terone ke *ena*. Joale, ntho ea pele Teroneng ena ke Libopuoa tse ‘ne tse phelang. Kathoko ho mono ke mashopeli-nne (*joalo* feela) baholo ba lutse teroneng, holim’ a literone tsa bona—tsa bona, literonenyana katlase. ‘Me ka nqa tsohle ho sena, ke makhotla a maholo a Mangeloi a teetseng Terone. Le bona seo ke se bolelang? Li fapane tsohle, se seng ho se seng. Mangeloi ke *ao*; baholo ke *bana*; ‘me Libopuoa tse phelang ke *tsena*.

<sup>258</sup> Re se ke ra e tlohela motsotso. Ha re e tšoareng feela mono motsotso, “Libopuoa tse phelang.” Ke bomang haeba e se

Mangeloi, ha se banna ba lopolotsoeng? Ke bomang? Na le rata ho tseba? Tlhaloso ea ka ke ena. Ke t̄sepa e lokile; ke kholoa joalo. Ke balebeli ba Molimo ba Terone ea Oona. Joale, re tla hlakola sena nakoaneng feela. Joale, le a bona, bao ke—bao ha se Mangeloi kapa motho. Ha se libata tse hlaha. Ke Libopuo, “Libopuo tse phelang.”

<sup>259</sup> Joale, Terone ea Molimo ke *ena*. ‘Me bana ke balebedi ba Oona. Ha re baleng lethoana feela re fumane metsotsong e ’maloa. Le a bona, ke Mangeloi a Molimo kapa balebeli ba Molimo ba Terone ea Oona, ’me ba... Feel a ha re... feela—feel a motsotso hape, ha re khutleleng ho Ezekiele. Ke—ke ngotse lintho tsena mona, ’me ha ke batle ho li feta, kea tseba hore ena ke... [Sekheo lebanteng—Mong.] Ha re khutleleng ho Ezekiele khaolo ea 1, ’me re qale ka temana ea 12 ho isa ho ea 17, motsotso feela.

*Li ne li tsamaea se seng le se seng li lokile tsela:...*

<sup>260</sup> Joale, re tla sheba metsotsong e ’maloa... ’Me le hopole temana ena ea 7 mona, joale, le shebe kamoo li ne li le kateng mona temaneng ea 7 ea khaolo eona eo ea T̄senolo, “tse ’ne.”

*Sebata sa pele se ne se le joaloka tau,... sebata sa bobeli e le se t̄šoana le namane,... sebata sa boraro e le sefahleho... se na... sa monna, le libopuo tse ’ne li ne li t̄šoana... lintsu tse fofang... sebata sa bone... joaloka ntsu e fofang.*

<sup>261</sup> Joale, mohla Ezekiele a neng a bona Khanya ea Molimo, o bone sona seo Johanne a se boneng. Le sa hopola Sontaha se fetileng kamoo re ileng ra fumana “Khanya ea Molimo,” le ho nka setšoantšo moo A Se katlalitseng ’moho le rona? Le sa hopola seo? “Khanya ea Molimo,” sona se bonoeng ke Esekiele, sona se bonoeng ke Johanne, Ke sena mona kajeno. Ho fetola Jesu Kreste oa mehla ea Ezekiele, eona ntho eo e neng e le mona lefatšeng, oona Molimo o nang le rona mona kajeno; oa maobane, kajeno, le kamehla; Ea neng A le Teng, Ea Leng Teng, le Ea Tlang; khoro ea soule, ’mele le seperete; leoatle la borase (Lentsoe), Mohlatsoi oa soule ea rona, le Motlatsi ka Moea o Halalelang. Eona ntho eo, le a bona, ka ho t̄šoana feela!

<sup>262</sup> Joale, elang sena hloko. Ho lokile:

... le moea... hohle moo li eang teng;... joale... ho  
ea, li ne li ea; li ne li sa tsoelipane.

<sup>263</sup> Li ne li sa tsoelipane. Ha li leba nqa *ena*, li ea joaloka ka monna; ho leba nqa *ena*, li ea joaloka ntsu; ho ea ka nqa *ena*, li ne li ea joaloka pholo; ha li ea nqa *ena*, li ea joaloka tau. Li ke ke tsa khutlela morao! Li ne li tlameha ho ea pele hohle moo li eang, se seng le se seng sa libata tseo. Joale, ebe *sebata* se bolelang ka Bibeleng? Matla. Ho lokile, se bolela “matla.”

<sup>264</sup> Joale:

*Ha e le ponahalo ea libōpuoa tse phelang, le ponahalo ea tsona e ne e tšoana le mashala a tukang a mollo, le joaloka...ea...joaloka lirumula: ho ne ho tsamaea har'a libopuoa tse utloang; mollo o ne o benya, 'me mollong ho ne ho tsoa leseli.*

Eo ke Molimo. Mollong ho ne ho tsoa Leseli; ha se lesedi la k'hosmiki, joale, Leseli la Bosafeleng.

*'Me libopuoa tse utloang li ne li ea li matha li reteleha (Ha re boneng)...libopuoa tse phelang li ne li ea li matha li boea, 'me li ne li tšoana le tlali.*

*Eitseha ke talima libopuoa tsena tse utloang, ka bona lebili fatše pel'a libopuoa tse utloang, li na le lifahleho tse 'ne.*

*Ponahalo ea mabili...mokhoa oa oona e ne e le ponahalo... 'mala oa...bereile: bone ba oona a na le sebopoho se le seng: le ponahalo ea oona le mokhoa oa oona ho ne ho le joaloka...e le lebili le leng le kene kahare ho lebili.*

<sup>265</sup> “Papiso eo ke efe mona, Moena Branham? Ke eng?” E bolela hobane balebeli bana—balebeli bana e ne e le areka ea Molimo...Ba ne ba le leetong, ba phethoha ka mabili mohla Ezekiele a neng a ba bona; empa mohla Johanne a ba bonang, ba se ba eme malumong a bona a nepileng Leholimong. Areka ea Molimo e ne e le lefatšeng, e jeroe ka mabili, ba e tlosa sebakeng ho ea sebakeng, ho bolelang hore e ne e le leetong, ba e nyollela koana ea haola lehoatateng le ho ea kena koana tempeleng le joalo-joalo; empa joale e amohetsoe holimo hobane mongoaha oa Kereke o felile, ‘me e amohetsoe Khanyeng. Le a bona? Hona joale e phomotse, Leholimong, ‘me Mangeloi ‘ohle le lintho li e teetse hare. Re ba fumana kamora nakoana ba rola meqhaka ea bona ‘me ba itihela fatše ka lifahleho ‘me ba isa khanya ho Eena. Le a bona? E ne e le balebeli ba Molimo ba tempele, ba areka.

<sup>266</sup> Joale, hopolang balebeli ba Molimo ba areka, kapa setulo sa mohau. Joale, hopolang. Ba ba kae, bao Johanne a ba boneng, ba ba kae? Ba bane. Ebe—ebe o bone tse kae? O bone tse 'ne, le eena, Libopuoa tse 'ne tse phelang. Joale, le hlokomele, bobeli ba bone pono e le 'ngoe.

<sup>267</sup> ‘Me ‘ne ke palo ea lefatše. Na le tsebile taba eo? Ba ba kae ba tsebang joale pele re kena ho eona, *nne* ke palo ea lefatše? Ehlide! Joaloka Baheberu ba bane...Ke lefatš...Ke palo ea lefatše, ea “tokoloho, tokoloho.” Joale, le e boloke mohopolong oa lona, “tokoloko,” hoba ke tla e otla, motsotsong feela, ka matla ruri. Bonang, “Tokoloho!” Joale, bana ba bararo ba Baheberu ba kene seboping sa mollo, empa ha fihla oa Oa bone, e ne e le tokoloho. Lazaro o hlotse lebitleng matsatsi a mararo, empa labone ha le fihla a lokolloa. ‘Ne ke palo ea Molimo ea “tokollo,” ka hona ho

supiloe Libopua tse na li tlamehile li be li amana le lefatše ka ho hong.

<sup>268</sup> Ke a tšepa ha le a lapa haholo joale. Ke a tšepa takatso ea lona ea moea e batla e—e batla e phahametse tlhaho ea lona joale. Le a bona? Ho lokile.

<sup>269</sup> Joale, hlokamelang, “Li na le mahlo” (ho Ezekiele ka mona) “kapele le kamorao le kahare.” Ha re e baleng feela. Shebang mona, le a bona. Le a bona mona, ke kholoa mona ba buile ka, “libata,” lifahleho tse ‘ne, joaloka ntsu, le mapheo, li tletse mahlo kantle, kahare. Shebang mona:

‘Me libata tse ‘ne ‘me se seng le se seng sa tsona se e-na le mapheo a tšeletseng; . . .

<sup>270</sup> “Me tsa fofa,” joalo le joalo, “me li na le mahlo kantle, kahare, le kamorao.” Hoo ho buile ka bohlale ba tsona. Li tsebile se neng se le teng, se leng teng, le se tlang ho tla; hoba li ne li le Setulong hantle, li atametse hoo e batlang e se le batho. Balebeli ba tempele, kapa, e seng balebeli ba tempele (Balebeli ba tempele, likete tse lekholo le mashome a mane a metso e mene.), empa enoa ke molebeli oa setulo sa mohau, balebeli ba Terone, Terone, hantle pel’ a Modimo, “Libopua tse phelang,” ntho e latelang pel’ a Molimo, e emeng moo. Bohlale ba tsona, li tseba se neng se le teng, se leng teng, se tlang ho tla. Li ne li na le “mahlo kantle,” ho li supa li khonne ho bona, se neng se tla tla; “mahlo kahare,” ho tseba hohle ha joale; le “mahlo kamorao,” ho tseba se neng se le teng. Se neng se le teng, se leng teng, se tlang ho tla, ho halimisa ho haola le mengoaha ea kereke “Ea Neng A le Teng, Ea Leng Teng, le Ea Tlang; Jesu Kreste eena maobane, kajeno, le kamehla.”

<sup>271</sup> Le li tšoare joale. Re tla khokhethela ntho eo letlapeng metsotsong e ‘maloa. E shebeng. Joale, motsotsotso feela.

<sup>272</sup> Hoo ho senola bohlale ba tsona, ‘me li supiloe li tsebile, ho tseba. Li ne li tseba bokamoso bohole le tsa joale le tse fetileng, le tsohle tse amanang le eona!

<sup>273</sup> ‘Me tsa tsona . . . Li ne li sa khathale. Ha ho mohla li kileng tsa khathala. Li tlamehile li be li ne li sa amane le motho ka letho, eena o a khathala. Empa li ne li sa khathale, li ne li bina “Oa halalela, oa halalela, oa halalela! Oa halalela, oa halalela, oa halalela! Oa halalela, oa halalela, oa halalela, Morena Molimo o Matlaohle! Oa halalela, oa halalela, oa halalela!” motšehare ohle le bosiu bohole mongoaheng o mong le o mong. “Oa halalela!”

<sup>274</sup> Ha re khutleleng morao motsotsotso feela. Ha re khutleleng morao, ke hopotse Lengolo, Esaia 6, ka potlako ruri. Shebang! Esaia o bone ntho eona eo hantle feela.

<sup>275</sup> Pono e ‘ngoe le e ‘ngoe ea Morena . . . Ke sona seo ke se buang. Ekare ha lipono tseo tsa rona kajeno e se lipono tsa Bibele hantle, li tla be li fosahetse. Haeba li halimisa, kapa, tšenolo efe e

supang Molimo e le ntho efe haese seo A neng a le sona kamehla, ke tšenolo e fosahetseng. Kereke eohle e hahiloe holim'a eona, Mattheu 17.

<sup>276</sup> Ha re boneng, Esaia, khaolo ea 6. Moprefeta enoa e mocha esale a itšetlehile ka liphaka tsa khosi e molemo, a bile a mo reketse liaparo tsohle tse ntle tsa mefuta. 'Me e ne e le moperofeta, 'me o ne a khemisana kahohle... Empa ka tsatsi le leng khosi a shoa, ka hona a tlameha—a tlameha ho phikoloha. Ebile o theohela tempeleng ho rapela. Hobane a qala a tsoa tikolohong moo tulo ea khosi e neng e hlonnge teng, hape, ho tšoara... Khosi ea khale e molemo e ne e le monna ea lokileng ea halalelang. Empa a tsoa a bona kamoo batho ba neng ba phela kateng, ka hona a theohela fatše ka tempeleng. Joale, mamelang.

*Ka selemo sa ho shoa ha morena eo Osiase ka bona  
Morena a lutse teroneng, e phahameng, mophetho oa  
seaparo sa hae oa tlala tempele.*

<sup>277</sup> Khanya! Ebe ke'ng "Mophetho oa Hae"? Ke hoo, "Mangeloi, Libopiloeng," Mophetho o neng o Mo latetse. Mophetho ke ntho e tlang e latetse, le a bona?

*...mophetho oa seaparo sa hae oa tlala tempele.*

*'Me lirafime li ne li eme holimo ho eena, 'me ese sang  
le se seng se na le mapheo a tšeletseng a tsona; ka a  
mabeli li ne li itšireletsa sefahleho, ...ka a mabeli li ne  
li ikoahela maoto, ka a mabeli li ne li rura.*

*Tsa hoeletsana, tsa re: Oa halalela, oa halalela, oa  
halalela, MORENA oa makhotla: lefatše lohle le tletse...  
khanya.*

*Eaba teng metheo ea menyako ea sisinyeha ke lentsoe  
la mohoo oo, 'me ntlu ea tlala mosi.*

<sup>278</sup> Khele! Oh, khili! Hoo ho supa lipono tseo li tšoana hantle feela ho e mong le e mong oa banna bao. "Oa halalela, oa halalela, oa halalela!" Ha li khathale, bosiu le motšehare, "Oa halalela, oa halalela, oa halalela Morena!"

<sup>279</sup> Ha re khutleleng morao motsotsa feela joale, ho ikholisa hobane re thotse mathaka ana ka nepahalo hantle. Lekhetlo la pele ha balebeli bana ba boleloa, ke ho Genese. Joale, le hopole, sohle seo re se rerang se lokela ho tsoa ho Genese ho isa ho Tšenolo. Nako efe ha le batla ho botsa, tloong le mpotse. Le a bona? Eka khona e be Bibele eohle, e seng karolo ea eona feela, hobane Molimo ha o fetoh! Seo A neng a le sona ho Genese, O sa le sona kajeno, 'me O ne a le teng mongoaheng oa bohareng. O a tšoana le mehla! Le a bona? Joale, ho Genese, eitseha Likerubime tsena... Ke khonne ho li fumana joalo, Ka tlameha ho khutla ho ea fumana seo li neng li sona qalong.

<sup>280</sup> Ha re phetleng ho Genese 3:24, nakoana feela joale. Genese, khaolo ea 3 le temana ea 24. Le a E rata? [Phutheho e re,

“Amen!”—Mong.] Ho lokile. Joale, ha re qaleng nka re temaneng ea 22. Ke—ke rata Hona feela! Ena ke taba eo ke batlang ho e sunya mona feela, kekeletsonyana feela, empa e ka thusa haholo ka letsatsi le leng.

*Eaba MORENA . . . o re: Bonang, motho o fetohile a be . . .  
e mong oa rona, . . .*

<sup>281</sup> Joale, likhaitseli tsa ka tse theko e thata le tse ratehang (e reng ke e behe joalo), le se hopole hobane ke leka ho thunthetsa e—e botšepehi le lereli, le lehakoe la bohlokoa la bosali. Ke leka ho bontša mona seo mosali . . . Ka kopo hleng! ’Me lona ba teiping, lona basali ba tleng ho utloa teipi ena, ha ke leke ho le soma, Ke mpa ke le mohlanka oa Morena ho chabisa Leseli. Ntho e tlaase ka ho fetisisa le e nyehlileng boitšoaro le e litšila ka ho fetisisa lefatšeng ke mosali haeba a le khopo. ’Me lehakoe le theko e thata ho monna, kathoko ho pholoso ea hae, ke mosali ea khabane. ’Me ke bua le eo ea nyehlileng, ea hlephileng boitšoaro, ea tlotlolehileng. ’Me ke tla le bontša hantle mona re sa le ho eona, nka mpa ka le bontša seo ke . . . hore Bibele e ruta basali hore e se be baboleli, balisa, baruti, kapa ntho efe ka kerekeng. Joale, mame lang sena feela:

*Eaba MORENA . . . o re: Bonang, motho o fetohile . . . e  
mong oa rona, (Joale, ha A eso re mosali o fetohile e  
mong, “monna o fetohile e mong.”) . . . ’me o tseba botle  
le bobe: . . . (Mosali o ne a sa tsebe; o ile a thetsoa. Le a e  
bona?)*

<sup>282</sup> Joale, Pauluse o itse, “Ha ke lumelle mosali ho ruta kapa ho laola, empa . . . hoba Adama o bopiloe pele, ea ntoo ba Eva. ’Me ha se Adama ea thetsitsoeng, empa ke mosali ea thetsitsoeng.” Ha e a ba e mong oa Molimo. O ne a sa tsebe phapang, o thetsitsoe. Le a e fumana? Haeba le etsa, e reng “Amen,” le ’na . . . [Phutheho e re, “Amen!”—Mong.]

*. . . MORENA . . . a re, Bonang, motho o fetohile . . . e  
mong oa rona, o tseba botle le bobe: le ho tseba . . . ’me  
joale, esere a isa letsoho la hae, a nka le sefate sa  
bophelo, a ja, m’me a phela kamehla:*

*Ka hona MORENA . . . a mo leleka tšimong ea Edene, a  
tle a ee ho lema mobu oo a ntšitsoeng ho oona.*

*A leleka motho; ’me a bea Likerubime ka nqa  
bochabela ho tšimo ea Edene, le sabole e rurang . . .  
sabole e tukang malakabe e omang ka nqa tsohle,  
(Na le bona libata tse ’ne? Le ka ea linq’ a tse ’ne  
feela, le a bona: bochabela, leboea, bophirima le boroa.  
Likerubime tsena li ne li e-na le sabole e tukang  
monyako oa serapa . . . ) ho thiba tsela ea sefate sa  
bophelo.*

<sup>283</sup> Hoba ekare ha motho a nka Sefate sa Bophelo, o tla phela kamehla.

<sup>284</sup> 'Me Likerubime tsena, tse boletsoeng lekhetlo la pele, li ne li behiloe monyako o ka bochabela oa tšimo, li tsamaea ka litsela tse 'ne. Ke loketse ke be ke e fapantse hanyenyane le moo; Nke ke ka etsa toka nqa litaelo tsa Molimo le ka lintho tse joalo, ke mpa feela ke—ke mpa feela... hore le tle le tsebe seo ke se bolelang. Tšimo ea Edene ke *eo*. Ena ke khoro hantle *mona*, e buleha mona, e akhotseha e tsoa, 'me khorong ena ho ne ho eme Likerubime. Likerubime! 'Me, le hopole, ha e re "Kerubime," e itse "Likerubime." Likerubime li ne li beiloe moo ho lebela eng? Sefate sa Bophelo. Li ne li loketse ho lebela hoo, tsela ea Sefate sa Bophelo. Tsela, Tsela ke mang? [Moena o re, "Jesu."—Mong.] E halima ho tsoa kae? *Ena* ke nqalo e halalelang, *tsena* ke Likerubime.

<sup>285</sup> Joale, hlokromelang, ngolang sena sohle. *Ena* ke e halalelang—halalelang... Sehalalelisiso se fetisang, Sehalalelisiso; ena ke nqalo e halalelang; 'me leoatle ke *lena*; 'me likandelare tse tukang *ke tsena*, tse supileng tse halimisang Leseli ho tsoa *mona*, ka mona, ka mona, ka mona, ka mona, ka mona, ka mona. Le a bona? Li halimisa eng? Li lebetse 'me li halimisa ka mollo oa Molimo tsela e eang Sefateng sa Bophelo. Le a bona, e ke ke ea tsoa ka *mona* (seminari ea Presbeteriene kapa seminari ea Pentekosta), e tlameha ho tsoa *Mona*, ho halimisa Leseli. Ho lokile.

<sup>286</sup> Le a hlokromela, tsena—tsena Likerubime tsena tseo Johanne a li boneng mona li tlameha li be li ne li thahasella ho thiba Sefate sa Bophelo, kahoo li tlamehile li be li thahasella batho. Kapa balang Genese, ho khutlela ho Genese hape, "Li lisa Sefate sa Bophelo, li a Se sireletsia, tsela ea Bophelo." Tsela ea Bophelo! Tsela e joang? Jesu o itse, "Ke 'na Tsela eo. Ke 'na Bohobe bo tsoang ho Molimo Lehelimong. Mang ea jang Bohobe bona, o tla phela kamehla." Joale e teng tsela e khutlelang ho Sefate seo sa Bophelo. Le a e fumana na?

<sup>287</sup> Joale, ho sena, ke batla ho bontša joale le ho netefatsa sena: ke aletare. Joale, ena e ne e loketse e be e le aletare tšimong ea Edene. Ke tla le bolella hobaneng. Na le sa hopola Kaine le Abele ba nyolohetse koano mona ho rapela? Hoo ho bontša aletare ea Molimo e kile ea suthisoa ea beoa mona tšimong ea Edene, 'me mokhoa o le mong ho khutlela Edene ke ka aletare. Ke uena enoa hape, u a bona, ho khutlela Edene ka aletare. 'Me li ne li tlameha ho lisa tsela eo mono, ho e lebela, ba ke ke ba khutlela mono ho fihlela aletare ena e koahetsoe ka mali.

<sup>288</sup> (Oho Molimo, na batho ba ke ke ba e bona?) Le a bona, ha ho letho ha e se Mali! Pheko e tlameha ho ba teng, setulo sa mohau mono, aletare ena ea kahlolo e tšoanelo ho fetoha setulo sa mohau; 'me etlareha aletare ena, ha Mali a tlosoa, ho tla ema ka tsatsi leo la kahlolo mollo oa khalefo ea Molimo ho lebela Sefate seo hape. Ntho e le 'ngoe feela e tla kena monyako ona oa Edene hape, e tla ba ka Mali Jesu Kreste. Le a bona?

<sup>289</sup> Joale, hlokomelang. Yaa, joale Kaine . . . Oh, Kaine ke *enoa*; 'me Abele ke *enoa*, Abele. Ho lokile. Joale, bashanyana bobeli ba nyolohela khorong ena ho rapela. Na ho joalo? Kahoo e tlameha ebe e ne e le aletare ea Molimo. Na ho joalo? 'Me ka pel'a aletare ena ba haha phapanyetso, aletare e 'ngoe. Aletare ea sebele ea Molimo ke *ena*, e ka pelong ea motho. Aletare e 'ngoe e teng tlase *mona*, e neng e bapisa Sehalalelisiso ka nqalang e halalelang.

<sup>290</sup> Oh! Oh! Ekare nka bua ka lipuo. Oh, khili, Khanya ea . . . Na ha le bone hobane E phethahetse? Hlokomelang feela! Oh, lebaka leo ke itsalong, ha ke fumane mantsoe a lekaneng ka puo ea ka ea Senyesemane ho hhalosa maikutlo a ka. Le a bona, ntho e tlameha ho hhalosa.

<sup>291</sup> Joaloka Moena Rowe, moliplomate oa Mopresidente . . . oa Lipresidente li ka ba 'ne kapa hlano tse fapaneng, o itse, "Oh, Moena Branham, bosiu bo bong ke ile ka fihla kopanong." A re, "Ke sa tsebe seo nka se etseng," o itse, "Ka ema kantle moo." 'Me a re, "Oh," a re, "Esale ke ratile Morena bophelo bohole ba ka." A re, "Esale ke le" (Ke nahana) "Moepiscopaliane." A re, "Me ke ne ke nahana hore ke tsebile Morena." A re, "Me bosiu bo bong ka qamaka, ke sa tsebe hore ke etse'ng." Ho re, "Nke—nke ke ka kena lekhale, empa" ho re, "Ka utloa Lentsoe le hlaho. Oh, La qala la fihla." A re, "Ka qala ka ea holimo le tlase kantle ho tente, ho ea morao le pele," le ho re "ha ke a khona ho emela ho fihla monyako, Ka hahaba tlas'a eona ha ho mengoa aletare, le ho mathela aletareng ho itihela fatše, a re, 'Morena, ke moetsalibe!'" Le ho re, "Eaba O ntlatsa ka Moea o Halalelang oa Hae."

<sup>292</sup> Le ho re, "Ke bua lipuo tse robeli tse fapaneng," hobane ke modiplomate. Le a bona? Ke e . . . o kahara . . . ke—ke e—modiplomate oa Mopresidente, 'me . . . ho tloha koana Woodrow Wilson tlase. Ke modiplomate oa Mopresidente e mong le e mong oa rona, modiplomate oa linaha lisele, o khona ho bua puo efe ese. A re, "Ke hlile ke tseba puo e 'ngoe le e 'ngoe e ngotsoeng e tsebjoang lefatšeng." Empa ho re, "Ke ne ke tletse khanya hakaale ka ba ka sitoa ho sebelisa efe ea tsona ho Mo rorisa, ka hona Morena a mpha e ncha-ncha e tsoang Lehelimong ho Mo rorisa ka eona." Oh! Oh! Ke moo.

<sup>293</sup> "Ho lebela khoro ena." Kaine le Abele ba nyolohetse mona ho rapela. Kahoo e tlameha ebe e ne e le aletare eo li e lebelang. Na ho joalo, Likerubime tsena?

<sup>294</sup> Ntho e 'ngoe, hlokomelang bopaki bo bong ke bona. Kaine . . . Shebang Bibebe joale! Nka le kopa ho le phetla, empa e . . . ha ho lebaka, le e fumana ho Genese. Ho lokile, hlokomelang. Kaine o tsoile, Kaine a tloha ka pel'a Sefahleho sa Morena a tsoa khorong e serapeng. Ka hona Boteng ba Morena bo tlameha bo be bo ne bo le aletareng, 'me aletare e ne e le khorong. Khanya! Oh! Ho lokile. Ke nqalo ea bolulo ba Molimo, aletareng ea Oona. Joale, Kaine a tloha Boteng ba Morena, ho tloha tulong

ena. Ha le batla ho e ngola? Genese 4:16, haeba u batla ho e ngola. Joale, joale, le e fumane kaofela, ha ke re, le e ngotse?

<sup>295</sup> Joale, mona ke batla ho ngola lethoana ka motsotsa feela. Ke tšepa motho a sa cheloe ke linaoa, kapa ntho efe ea lona . . . Joale, hlokomelang . . . Li ka 'na tsa tlaboha, ho itoketse, li tla timela leha ho le joalo. Ha re—ha re nahaneng ka ntho ena, ena ke—ena ke ntho ea—ea mannete.

<sup>296</sup> Moshe o ile a hapeloa Leholimong, Moshe, a hloibiloa lefatšeng a nyolleloa Leholimong 'me o bone aletare ea Molimo. Na ho joalo? Mona ke leka ho kholisa taba ea ka. Le tseba seo ke lekang ho se etsa, ha ho joalo? Ho lokile. O ile a nyolohela ka pel'a Sefahleho sa Molimo. 'Me hoba a theohe a tsoa ka pel'a Sefahleho sa Molimo, o itse, Mo— . . . Molimo o boleletse Moshe, "Etsa tsohle lefatšeng u li bapise le Leholimo." Na ho joalo? Ho lokile.

<sup>297</sup> Joale, hoba a etse joalo, mohla a etsang Areka ea Selekan, a bea Likerubime tse peli ho lebela areka. Na le bona seo e leng sona? E ne e le tempele . . . e ne e le aletare, balebedi ba Terone. Likerubime tse peli, O itse "Li bōpe ka borase li amane ka lipheo tsa tsona ka mokhoa *ona*," hoba e le sona hantle seo a se boneng Leholimong.

<sup>298</sup> Ke hantle feela seo Johanne a se boneng Leholimong, Likerubime tsena tse 'ne mahlakoreng a mane a areka ea Terone Leholimong. E ne e le balebeli ba areka. Likerubime, balebeli setulong sa mohau.

<sup>299</sup> Haeba le batla ho bala Lengolo leo (ha re na nako ho ea ho lona), ngolang Exoda 25:10 ho isa ho 22.

<sup>300</sup> Joale, li lebela setulo sa mohau ha Molimo o le Khanyeng ea Oona ea Shekina. Khanya ea Shekina e ne e le kae? Setulong sa mohau. Na ho joalo? Li lebela Khanya eo ea Shekina. Hmm! Khele! Mamelang, metsoalle! Taba eo e supa molotsana ofe le ofe a ke ke a fihla mono a nka kabelo ho Seo. U tlameha ho hlophisoa pele u kena ka pel'a Sefahleho sa Oona.

<sup>301</sup> Shebang Aaron, ka papiso. Pele . . . Joale, hopolang, phutheho matsatsing ao e ne e sa khone le ho e atamela ho hang. Empa enereha Arone a kena . . . O ne a kena ho Eona makhetlo a makae? Hang ka selemo. O ne a tlameha joang ho . . . ? A tlameha ho apara liaparo tseikhethang, li entsoe ka matsoho a ikhethang, mofuta o ikhethang oa liaparo. A tlameha ho apesoa ka mokhoa o joalo. A tsoere garanate le mangene-ngene, nako le nako ha a tsamaea a letsa "Oa halalela, oa halalela, oa halalela Morena." O ne a atamela setulo sa mohau, ka mali.

<sup>302</sup> 'Me a tlameha ho tloloa ka oli e ikhethang, a nonetsoa ka senonetso sa mofuta se entsoeng ka rosa ea Sarone. 'Me Jesu e ne e le Rose ea Sarone. 'Me, hlokomelang, rosa e khabane, e fupile monkoane ho eona. Empa pele monko o ka tsoa, rosa e tlameha ho pshatloa, monko o ntoo hlotloa ho rosa. Jesu, bophelong ba Hae, e ne e le bophelo bo khabane ka ho fetisisa bo kileng ba

pheloa; empa A ke ke a itulela joalo, hoba O ile a tlameha ho tlotsa Kereke ea Hae (ho atamela Khalalelo ea Hae), ka hona bophelo ba Hae bo ile ba hlotloa. 'Me oona Moea o Halalelang o neng o lutse holim'a Hae o beiloe holim'a Kereke, 'me O Mo etsa eena maobane, le kajeno, le kamehla, Rosa ea Sarone, setlolo sa eona. Motha ea atamelang a kena Sehalalelisisong sena o tlameha ho tlotsa ka Moea o Halalelang o le mong. Ha a ntse a tsamaea, "Oa halalela, oa halalela, oa halalela, ho . . ." (E seng ka sikarete molomong oa hae.) "Oa halalela!" (E seng ka lepetu la molala oa hae le hetlileng.) "Oa halalela, oa halalela, oa halalela," ho apara khalalelo ea Jesu Kreste. Hmm! U babatseha hakakang! Oh!

<sup>303</sup> Joale, "setulo sa mohau." Joale, setulo sa mohau se ka pelong, setulong moo ho phatsimang Khanya ea Oona—Oona ho bana bohole ba Oona, Khanya ea Shekina ka pelong ea motho. Pelo ea motho ke *ena*. Na ho joalo? Na seo ke setulo sa mohau? Ebe u feta joang ho kena ho Eona ka mekhoa ena e fapaneng? Ka boithatelo, boithatelo. Ho kena ka *mona*, le ho feta *mono*, ho tsoa *eng*? Khanya ea Shekina. Ebe—ebe Khanya ea Shekina ke'ng? Ke Boteng ba Molimo. 'Me ha monna a tsamaea, kapa mosali, o ntse a halimisa Khanya ea Shekina. Ha a kene matsabaneng a ho mokola le—le ho tsoella joalo, le ho tsoa le ho latola Lentsoe. Ho sa tsotelehe seo batho ba se buang, o tsepamisitse pelo ea hae nthong e le 'ngoe: Molimo. 'Me haeba a bitsitsoe ke Molimo kannete Jesu Kreste o Ikhalmisa ka eena ka Khanya ea Shekina, ho etsa tsona lintho tseo A li entseng morao koana; ho bonahatsa Evangelii eona eo, ho rera Lentsoe lona leo, lona Lentsoe leo le bonahatsoa ka tekanyo e lekanang le ea mehla eo, ruri joalokaha e etsahetse Pentekosta kannete e khutletse ka tekano. Oh, khili!

<sup>304</sup> "Setulo sa mohau." Ezekiele le Johanne ba bone lintho tse tšoanang. Joale, hlokamelang, joale re se re tla qeta, nakoaneng feela. Joale, ke hona moo ke batlang hore le fumane lethoana. Oh, ka kopo hleng le se e fose! Joale, ba bakae ba tsebang hoba Likerubime tseo e ne e le *Libopuaa tse phelang* e seng libata? E ne e le . . . bolaoli bo phahameng.

<sup>305</sup> Joale, na Lengeloi le maemong holimo ho motho kapa na le maemong a tlase? Ho lokile, monghali. E moholo ke mang, mora oa Molimo kapa Lengeloi? Mora oa Molimo! Ke mang eo Molimo o mo utloang ho feta, Lengeloi le emeng mono pel'a Oona le qela ho hong, kapa e mong oa lona bohole ea kopang? E mong oa lona bohole! Le a bona, hobane le bara le baradi. Bona ke—bona ke bahlanka. Le a bona? Oona ke bahlanka, atthe lona le bara le barali. Kahoo na le bona matla a lona, re mpa re tšaba ho a sebelisa.

<sup>306</sup> Joale, ke rata ha le ka hlokomela mona, taba ena e ntle. Oh, khili! E reng ke fetele mona ke tšetheme lethoana ho theoha ho finyella sena. Nkang lipentšelesa tsa lona joale, ke sena seo ke batlang hoba le se take ruri. [Moena Branham o taka papiso

letlapeng—Mong.] Mohlomong nka e nyenyefatsa ho feta moo. Joale, Iseraele leetong la bona, enereha ba hloma liahelo, joale le ele hloko, ba hlomme liahelo: 'ngoe, peli, tharo, 'ne. (Che, ke a kholoa ke fositse.) 'Ngoe, peli, tharo; 'ngoe peli tharo; 'ngoe, peli, tharo; 'ngoe, peli, tharo; ba ne ba thakhisa liahelo ba teetse setulo sa mohau joalo. Joale, ke a tseba, bohle le a tseba, le kile la sheba la bala Testamente ea Khale.

<sup>307</sup> Joale, ka nqa ea bochabela, ka nqa bochabela, hantle *mona*, ke tla e ngola le tle le ikholise ho e tšoara. Bochabela, ka nqa bochabela kamehla e le Juda. Ena ke khoro, J-u-d-a, Juda. 'Moho le Juda... e ne e le hlooho ea merabe e meraro le folaga ea eona; meloko e meraro le folaga ea eona, folaga ea Juda. Le sa hopola... Ba ba kae ba boneng *Melao E Leshome*, *Melao E Leshome* ea Cecil DeMille? Ho lokile. Kapa, le e balile hantle mona Lengolong, Lengolong mono, ke rialo, Juda ke eo ka nqa bochabela. Ho lokile.

<sup>308</sup> Ka nqa bophirima, tlase *mona*, (Joale le e ngole, le e balile hantle... e ho Exoda, le a joalo, ha ba etsoa.) e ne e le Efraime, E-p-h. 'Me a e na merabe e meraro ka folaga ea bona. Ho lokile, Efraime.

<sup>309</sup> Joale, ka nqa ea boroa e ne e le Rubene, R-u-b, le meloko e meraro, le folaga ea bona.

<sup>310</sup> Ka nqa leboea e ne e le Dane, Dane le merabe e meraro, le merabe e meraro le folaga ea bona. Ho lokile.

<sup>311</sup> Joale, ba ne ba thakhisa liahelo joalo. Joale, le hopole, ha re baleng Lengolo joale re fumane taba ena hantle feela. Ke tla qala morao temaneng ea 7:

*'Me... sebata se ne se le joaloka tau, 'me sa bobeli... joaloka namane, (kapa pholoana) sebata sa boraro se le joaloka sefahleho sa motho, 'me sebata bone li le... 'me... sebata sa bone se ne se ka ntsu e fofang.*

*Libata tse 'ne, se seng le se seng se na se melile lipheo tse tšeletseng; 'me li ne li tletse mahlo kahare: 'me li ne li sa phetse bosiu le motšeuhare, ho re, O a halalela, o a halalela, ... Morena Molimo ea Matlaohle, ea neng a le teng, ea teng, le ea tla tla.*

*'Me libata tsena enereha li isa khanya le hlompho le liteboho ho ea lutseng teroneng, ea phelang kamehla le mehla,*

*Baholo ba mashome a mabeli a metso e mene ba ne ba e-oa ka mangole pel'a ea lutseng teroneng, 'me ba rapela ea phelang kamehla le mehla, mme ba ne ba akhela meqhaka ea bona—ba akhela meqhaka ea bona pel'a terone, ba re,*

*Oho Morena, u loketsoe, ke ho neoa khanya...  
hlompho...matla: hobane u hlolile lintho kaofela, 'me  
ke ka ho rata ha hau li leng teng...bōpiloe.*

<sup>312</sup> Joale, joale, hlokomelang. Ka nqa bochabela—nqa bochabela, o bone bona sefahleho se joang? Ha u ka hlokomela, e ne e le tau, t-a-u, e ne e le eona folaga. Ka tloaelo e ne e le e—e ne e le folaga ea Juda. Hobane O a...Jesu o tsoa ho...Ruri! 'Me Ke Tau ea leloko la Juda.

<sup>313</sup> Joale, ba bakae ba boneng zodiaka? Bongata ba lona le a e tseba: naleli. Le a bona? Ke Bibele ea Molimo ea pele eo. Joale, e qala ka eng, palo ea pele ho zodiaka, pontšo ea pele? Ke moroetsana! Na ho joalo? 'Me ea ho qetela ke'ng? Leo, tau. Ho Tla la ho Qala le ho Khutla ha Bobeli ha Kreste, hohle mono. Ba fumana mofetše o fapantsoeng...kapa mongoaha o fapantsoeng teng ke lihlapi tse fapantsoeng, e leng mongoaha oa mofetše, 'me re phela har'a ona hantle.

<sup>314</sup> 'Me le lemohe piramide mohla a e hahileng, mehleng ea Henoke, lejoe ka leng le fumanoe ka mono. Ba ne ba khona ho lekanya lintho tseo hantle feela 'me ba lepe lintoa le lintho. Tsohle li feletse haese Lejoe la Sehlooho. Hobane'ng? Le a lemoha holim'a dolara ea lona? E ntše u e shebe, ha e na hloro. Hobane'ng? Ha ho mohla e kileng ea rureloa. Kreste ke Lejoe la Sehlooho le latotsoeng, E ne e le Lejoe la Sehlooho le latotsoeng. O tla khutla haufinyane. Le shebe kamoo Kereke eo, morao koana mongoaheng oa Luthere, e pharalletse tlase motheong; e ntoo ba paloana, e etsetsa ho ba paloana, ho eketsa ho ba paloana hofihlela e theohela tlase hantle; hoba e furalle mongoaha oa Pentekosta, e theoha e finyella lejoe ka leng ho lekanang ho rurela hloro eo ka mono, Kereke e tla khutlisa Jesu eena maobane, kajeno, le kamehla. Ka phetheho e ka khonehang!

Joale, e ne e le Tau ea leloko la Juda.

<sup>315</sup> Joale, mang ea balang Bibele o tseba palo ea Dane, kapa seo—seo Dane... Oh, seo ke se bolelang, yaa, ebe Dane e ne e le eng? Ea hae, e ne e le ntsu. Ke hantle. E ne e le ntsu. Motho ea balileng Bibele. E ne e le ntsu.

<sup>316</sup> Joale, Rubene e ne e le monna. E ne e le oa pele, mofokoli ea fetisang sehlopheng. Na Jakobo ha a bolela ho—ho Genese 49? "Rubene, ke uena letsibolo la matla a ka; oa mpa oa hloella malao a ka, u joaloka metsi 'me u silafalitse malao a ka," o phetse le serethe sa ntatae. Le a bona, ao ke maitšoaro a mabe a motho. Le a bona? Phoofolo ha e na mekhoa e manyala, tau, ha ho le e 'ngoe ea tsena e etsang joalo; empa monna o a khona, o hloaela le mosali oa monna e mong le joalo le joalo. Joalo ka... Ho itšoanelia feela, ntho eohile e phethiloe.

<sup>317</sup> Joale, sena se tlase mona, *sena*, Dane e ne e le ntsu. 'Me, *sena*, Rubene e ne e le sefahleho sa monna. Efraime ke pholo. Joale, na

le fumana pontšo mono? Efraime... Ba ne ba thakhisa liahelo joalo, ka Bibeleng.

<sup>318</sup> Joale, ha le ka hlokomela, Dane ke hlooho ea merabe e meraro, Juda ke hlooho ea merabe e meraro, Rubene ke hlooho ea merabe e meraro, le Efraime ke hlooho ea merabe e meraro. Bo-nne ba bararo ke leshome le metso e 'meli, meloko e leshome le metso e 'meli ea Israele. Le a bona, e mong le e mong ka folaga ea bona; folaga ea Juda e ne e le tau; folaga ea Rubene, monna; folaga ea Efraime, poho; folaga ea—ea—oa Dane e ne e le ntsu.

<sup>319</sup> Joale, shebang morao mona seo Johanne a se boletseng, "Se seng se ne se na le sefahleho..." Ha re baleng mona joale, re bone haeba e se eona ntho e neng e tšoana le Leholidong:

...sebata sa pele se ne se tšoana le tau, (Juda)...  
sebata sa bobeli se ne se tšoana le namane, (ke pholoana) ...sebata sa boraro e ne e le sefahleho sa motho, 'me sebata sa bone e le...ntsu e fofang.

<sup>320</sup> Hantle feela kamoo meloko ea Israele e neng e teela liahelo, ho lebela, ke balebeli ba lefatše ba tokelo e eang ho areka. Oh, Alleluia! Ha le e bone na?

<sup>321</sup> Mona! Mohau, m-o-ha-u- s-e-t-u-l-o, "setulo sa mohau." Ho ne ho se letho ho atamela nqa efe le sa fete merabe eo. Ho parola eng? Tau; ho parola monna, bohlale ba monna; le ho parola pelesa ea mosebetsi, joaloka poho; kapa ho parola ntsu, lebelo la eona. Le a bona? Leholido, lefatše, bohareng, le ka mathoko; le a bona, e ne e le balebeli. 'Me kaholido eona e le Topallo ea Mollo. Moena, ho ne ho se letho ho ama setulo seo sa mohau kantle ho katamelo...

<sup>322</sup> Ntho feela e neng e ka se atamela e le ka mali. Aarone o kene ka mono ka mali hang selemong. Joale le a e bona na? Joale, elang hloko. Hlooho ka 'ngoe ea merabe e meraro e lisang setulo sa mohau, setulo sa mohau sa Testamente ea Khale. Joale, na le e ngotse, e mong le e mong? Joale, e ncha-ncha ke ena, moena. Mamela sena, joale re ntoo ikela. Joale, hopolang, bao e ne e le balebeli ba Testamente ea Khale. Ba bakae ba balileng Bibeleng, le a tseba haeba e lokile? Le a bona, bao ke balebeli ba Testamente ea Khale.

<sup>323</sup> Joale re phela mongoaheng o mong. Khanya! Oh, ke rata mongoaha ona! Lona ha le etse? Joale, Molimo o na le setulo sa mohau kajeno ho lebeloa. Na le lumela seo? Setulo sa mohau se fumanoa kae? Ka pelong ea motho. E kene kae pelong ea motho? Ka tsatsi la Pentakonta ha Moea o Halalelang (e leng Molimo) o kenang pelong ea motho. Na ho joalo? Joale, ha re tšoae sena tlase mona, 'me le itokisetse ho se taka ha le rata. Pentekosta, P-e-n-t, ke tla Bea Pentekosta. Sena ke setulo sa mohau, Moea o Halalelang. Ho beha mona... Ke tla le bolella, hore e hlakisa ho feta, ha re beheng mona "Leeba" le bolelang... nonyana, le a bona. Ho lokile, ho lebela setulo sa mohau, na joale Molimo

o na le balebeli ba setulo sa mohau kajeno? Joale seo . . . Joale, le shebe kamoo e takiloeng ka bokhabane.

<sup>324</sup> Ke ne ke lutse tsatsi le leng eaba ke bona sena, ka tlola ka matha ke potoloha ke potoloha ke potoloha setulo, ho re, “Khanya! Khanya! Khanya! Khanya!” ho potoloha, ho potoloha. Charlie, ke tla itšoara hampe ho feta merung ka mohla o mong. Khaitseli Nellie, ha nka itšoara joalo, u ka nteleka tlung ea hau ka potlako. Huh? Oh, ke ne ke itahile monyakeng feela. Joale, le hlokomele seo e neng e le sona, seo Morena a se entseng.

<sup>325</sup> Joale, Pentekosta, kamora Pentekosta, ho ngotsoe Buka ea (Eng?) Liketso tsa Moea o Halalelang, L-i-k-e-t-s-o. Na ho joalo? Liketso li qala ka eng, ntho ea pele ho kena pholosong? Liketso 2:38. Ea ho qetela ke ena, kathoko. Na ho joalo? “Bohle ba tlala Moea o Halalelang ‘me ba qala ba bua ka lipuo lisele. Eaba Petrose o ema a ba rerela therero. Ba re, ‘Re ka etsa’ng? Re tla kena joang nthong eo?’ O itse, Liketso 2:38, ‘Bakang, ‘me e mong le e mong oa lona a kolobetsoe, Lebitso la Jesu Kreste.’”

<sup>326</sup> Joale, hopolang, Molimo o beile balebeli ba itseng bakeng sa seo—bakeng sa setulo seo sa mohau. Ba lisitse setulo sefe sa mohau? Ho lokile. M-a-t-h, Mattheu, ka nqa bochabela; Luka, Luka; Mareka; le Johanne. Lievangeli tsohle tsa bona tse ‘ne netefatsa Buka ea Liketso e tlang, li e lebela hohle moo le batlang ho e sheba.

<sup>327</sup> Ha re nkeng le le leng feela, le le leng feela, ha re na nako. Ke ngotse a mashome a mabeli kapa ho feta mona, empa ha re nkeng le le leng ka temana ena ea pholoso. Na re tla fumana nako ea ho rapela? Che, ke hora ea pele, kahoo ke kholoa re sa tl’o e fumana haese ha lona bohole le batla ho rapella bakuli. Joale, ke na le . . . Ke na le nako e ngata. Le a bona? [Moena o re, “Nka letsatsi lohle.”—Mong.] Ho lokile.

<sup>328</sup> Joale, hlokamelang sena! Mattheu, Mareka, Luka, le Johanne, e ne e le eng? Palo ea lefatše, ea Lievangeli, tse ‘ne. Ho lokile, hlokamelang.

<sup>329</sup> Joale, Mattheu 28:19. 28, joale, ke hona moo lona baena ba boraro-bo-bong le eang teng, 28:19. Ho lokile. Mattheu, sekoto sa ho qetela sa khaolo, ho itsoe, “E-eang ke hona, le rute lichaba tsohle, le ba kolobetse ka Lebitso la Ntate, Mora, Moea o Halalelang”; empa mona ho fihla Pentekosta, ‘me Petrose o itse “Bakang, ‘me le kolobetsoe ka Lebitso la Jesu.”

<sup>330</sup> Phoso e teng mono. “Mattheu, na ke uena molebeli oa khoro ka nqa bochabela?”

<sup>331</sup> Khoro e joang? Khoro ke’ng? Jesu. Jesu o itse, “Khoro e patisane.” Na ho joalo? Na e ngotsoe . . . E ngotsoe joang, s-t-r-a-i-t kapa s-t-r-a-i-g-h-t? S-t-r-a-i-t e bolelang “metsi,” “metsi ke khoro.” U kena joang? “Bakang, e mong le e mong oa lona ‘me le kolobetsoe ka Lebitso la Jesu Kreste,” e notlolla likhoro. Ee! Shuu!

<sup>332</sup> “Oh, empa, Moena Branham, u na le Mattheu 28:19 tlase mono.” Ho joalo hantle. “Empa, Mattheu, na u molebeli oa eona?”

“Ehlile, ke ’na molebeli ea felletseng.”

<sup>333</sup> Joale nkang Mattheu 1:18 ’me le bone seo e se buang, ho bona haeba e lebela—lebela sena. Ho bona haeba Mattheu 1:18 e lebetse Mattheu 1...28 le Liketso 2:38. Ho bona haeba e lebela sena!

*Ho tsoaloa ha Jesu Kreste ho tlide ka mokhoa ona:...*

“Molimo Ntate ke enoa, Molimo Mora, Molimo Moea o Halalelang,” ba leka ho rialo.

...*tsoalo ea Jesu Kreste e tlide ka mokhoa ona: Ha...  
Maria ’mae a lebelelitsoe ke Josefa, ba e-so ho kopane, a  
tšoha a emolisitsoe ngoana ke Moea o Halalelang.*

Ke ofe? Hoo ho etsa ba babeli a le Mong!

’Me hoo...hlahile,...hore...’Me bonang,...

*Joale Josefa monna oa hae, kaha e ne e le monna ea  
lokileng,...a sa batle ho mo hobosa, a hopola ho mo  
lahla ka mokhoa ona.*

...*bonang, lengeloi la Morena, la theoha, la mo fihlela  
(Le a tseba.) ho re, Josefa, mora Davida, u se ke oa tšaba  
ho inkela Maria, mosali oa hau: hobane se emotsoeng ke  
eena ke sa Moea o Halalelang. (Le a bona?)*

’Me o tla tsoala mora,...ba tla mo rea lebitso la  
JESU:...

Ho ne...hohle...hlahile, hore ho etsahale...ka  
moprofeta,...

*Etsoe, moroetsana a tla emola...(Esaia 9:6)...  
moroetsana o tla emola, ’me...tsoala mora, ’me ba  
tla mo rea lebitso...[Phutheho e re, “Emmanuele.”—  
Mong.]*

<sup>334</sup> Na o a e lebela? “Ntate, Mora le Moea o Halalelang,” Ntate, Mora, le Moea o Halalelang, sena feela: litlotla tsa Lebitso le le leng leo. Kahoo molebeli o ema mono hantle ho e tšehtsa. Le a e fumana na? Oh, khili! Joale, ba bakae ba tsebang seo? Ke ena! Ke molebeli.

<sup>335</sup> Joale, feela ha re...Ke tšoere sehlopha se seng sa pholoso, ho qotsa a mang ana. Empa haeba re tla kena moleng oa thapelo motsotsong feela, ha re lèkeng ka motsotso feela lethoana mona la metsotso e ka bang leshome feela. Ha re nkeng Mangolo a mang joale. Ebe see ke se ngotse kae? Ke ana mona. Ho lokile.

<sup>336</sup> Joale ha re nkeng re bone haeba Mattheu holimo mona a tla lebela pholiso e Halalelang. Le nkile lipentšelesa tsa lona le lintho joale, le tle le ngole taba ena? Ho lokile. Ho bona haeba Mattheu a arola...a tla e lebela. Ha re nkeng Mattheu 10:1.

<sup>337</sup> Ha re nkeng re bone haeba Johanne . . . le le leng feela kapa a mabeli, ha re nkeng a mabeli, kapa le le leng kapa a mabeli mabapi le sena, Johanne 14:12, le 15:7.

<sup>338</sup> Ho bona haeba ba lebetse pholiso ea Khalalelo ba teetse Terone ea Molimo! Mareka 16, Mareka 11:21 le 22.

Luka 10:1 ho ea ho 12, le Luka 11:29 ho isa ho 31. Ha re harolleng a 'maloa a oona, ho bona haeba a lebela, ho bona haeba a lebela tokelo ea pholiso e Halalelang joalokaha ba lebela khoro ea kolobetso ea Lebitso la Jesu. Re ka e lohanya ho le leng le le leng la oona. Ke hantle.

<sup>339</sup> Joale ha re khutleng re bone Mattheu 10:1. Khutlelang morao joale re tle re . . . re ntoo koala joale metsotso e meng e batlileng e le mehlano, e leshome, boholo, ha Morena a ratile. Ho lokile, ha re nkeng Mattheu 10, re bone haeba Mattheu a lebetse Liketso tsa baapostola.

<sup>340</sup> Na u kile oa nahana hore—hore Molimo ha o hlome molebeli ea teetseng Lentsoe la Oona? Ho bona haeba pholo eo, tau, monna, ntsu li sa ntse li lutse likhorong tseo hantle mona lefatšeng hona joale? Lievangeli ke tsena, Lievangeli tse 'ne. Le a bona? 'Me, le hlokomele, hohle moo li eang li tsamaea li lokile tsela. Ha li thulane, li a tšehtsana. Le a bona? E mong o qatsoha ka masene a motho; e mong o qatsoha ka lebelo la ntsu; e mong ke molisa . . . E mong ke moevangeli, ho fofa joaloka moevangeli, le a bona; e mong ke molisa; e mong o shahlile; e mong o masene. Le a bona, ho lebela ka nqa tsohle, Molimo o lebela Evangelii ena ea Moea o Halalelang! E lumele, moena! Ho lokile.

<sup>341</sup> Joale ha re nkeng Mattheu 10:1.

*Eaba o bitsa barutuo ba hae ba leshome le metso e  
'meli, a ba nea matla . . . (Hmm!)*

Ba ne ba bokane phaposing e kaholimo,  
Bohle ba rapela ka lebitso la Hae,  
Ba kolobetsoa ka Moea o Halalelang,  
Eaba ho fihla matla a tšebebetso;  
Seo A ba etselitseng tsatsing leo  
O tla u etsetsa sona le uena,  
Ha se le thabo hore ke e mong oa bona.

<sup>342</sup> Oh, ak'o sunye ngoana sethetsa motsotso feela joale. Mamelang feela, mamelang ka hloko:

. . . 'me a ba nea matla ho loanša meea e litšila, . . .

<sup>343</sup> Balisa ba bangata ba lesa meea e litšila ho boba hantle kerekeng ea hae; liaparo tsa basali, liketso, mekete ea likarete, lipapali tsa bunco, metjeko, lilallo tsa bosiu, sohle . . . Oh, mohau!

. . . khahlano le meea e litšila, ho e leleka, le ho folisa maloetse 'ohle le mefuta eohle ea mafu.

<sup>344</sup> Na le bona molebeli eo ea lutseng mono khorong? Molebeli oa Evangelii ho tšehtsa buka eo ea Liketso e ngotsoeng!

<sup>345</sup> Joale, ha se khale ha ke utloa mosuoe e moholo, ho thoe, eona...e mong...monna e moholo, monna ea khabane, o kopane le eena, ho mo tsukutla letsoho, moena ea lokileng. A re, "Empa Liketso tsa Baapostola e ne e le moraloo feela bakeng sa Kereke." Huh! Ka mantsoe a mang, o ne a beile moraloo kantle *mona*, le a bona. Athe, Liketso tsa baapostola li ne li le kahare, 'me Lievangeli tsena ke moraloo ho E matahanya le ho E sireletsa. Na le bona kamoo e—e—e kelello ea motho e ka etsang ntho efe. Nka be ke nahanne joalo holane e se ka baka la Hae. Le a bona?

<sup>346</sup> Moraloo, Pentekosta e ne e se moraloo oa Evangelii. Lievangeli tse 'ne ke moraloo o tšehtsang Pentekosta! Eitse hobane ba hlophise moraloo ona, Pentekosta ea qala ea hlaha. Na ho joalo? Ho ngotsoe efe pele, Buka ea Liketso kapa ea—kapa baapostola? Baapostola. Jesu o ile hohle a etsa mesebetsi a bolela tse tlango ho hlaha, 'me Mattheu, Mareka, Luka le Johanne, balebeli bao ba bane ba tlide 'me ba ngola sohle seo ba se boneng se etsahala, ho e bua kamoo e leng kateng, kamoo se neng se tla etsahala, se neng se tla hlaha. Eaba hang-hang ba etsa moraloo ho E teela hare, 'me ke ena E fihla! Amen! Mattheu, Mareka, Luka, le Johanne, ke moraloo, kapa mosebetsi o lisang o sirenletsang tempele ea sehlooho, Terone, Lehlohonolo la Pentekosta.

<sup>347</sup> E seng mokhatlo oa Pentekosta, moena, khaitseli, ba motšeoo koana kantle ho ntho eohle, uh-hum, morao ho feta likereke tse ling. Ba hole le ho feta Maluthere mohlang oo. Maluthere a sebelitse hantlenyana le ho ba feta, 'me ho joalo, le joalo ho feta moo. Hantle feela ka nepo, Gene, hobane, joale, ha ke a bona Jesu kantle ho kereke ea Luthere, ho leka ho kena, empa ho leka... Hobane ke hopola A ne a e-so be kahare le ho galeng. Empa O—O ne a le ka kerekeng ea Pentekosta 'me a tebeloa kantle. Ke hantle.

Joale, Mattheu 10:1.

<sup>348</sup> Joale ha re phetleng mona ho Johanne 14:12 le ho bona haeba—haeba—haeba Johanne a tla tšehtsa le ho lebela lintho tse boholokoa tsa Pentekosta. Ho Johanne, khaolo ea 14 le temana ea 12, Jesu o a bua:

*Kannete, nete, ke re ho lona, Ea lumelang ho 'na,  
mesebetsi eo ke e etsang, o tla e etsa le eena; o tla etsa le  
mesebetsi e meholo ho ena; hoba ke ea ho Ntate.*

<sup>349</sup> Oh, moena, khoro eo mono, moo ntsu e neng e lutse teng hantle mono hoba eo ke eona tšebeletso ea boevangeli, le a tseba, ho fofa joaloka ntsu. Lebelo, ho nyolohela koana lefatšeng la boprefeta holimo mane, le a bona, e bona lintho tse tlango ho bolela lintho tse neng li le teng, tse leng teng le tse tlango ho tla. Le a bona? Ho lula hantle mono ho e lebela, ho re, "Mesebetsi eo Ke e etsang!" Elang ntsu eo hloko, le a bona.

<sup>350</sup> Tau ke *ena*, mohlanka. Jesu o ba file matla. 'Me O a E sireletsa, O sireletsa Liketso 2:38. O e tšehetsha hantle holimo mono, tau eo.

<sup>351</sup> Mona ho fihla lebelo leo la Evangeli, ka ntsu ena, e reng, "Mesebetsi ena eo Ke e etsang le tla e etsa le lona. Le tla etsa le e mengata ho feta ena," ho fofa bophareng ba lefatše ka Eona! Joaloka leeba leo molekane oa lona a ponngoeng hlooho, le ho tšolleloa, mali afafatsa lefatše, ho hooa, "Oa halalela, oa halalela, oa halalela, Morena," hloekisa molepera. Yaa.

<sup>352</sup> Joale, ke tšoere le leng mono, Johanne 15:7. Ha re phetleng hantle koana khaolong ea 15, temana ea 7:

*Ekare ha le lula ho 'na, joale, le mantsoe a ka . . . (e seng lentsoe la seminari) . . . mantsoe a ka a lula ho lona, le ka kopa seo le se batlang, 'me le tla se neoa.*

<sup>353</sup> Ke hantle? Ha ho le joalo Evangeli eo e lisitsoe hantle mona. Lehlohonolo lena la Pentekonta le lebeloa ke Johanne le Evangeli ea hae; Le lebetsoe ke Mattheu, Evangeli ea hae.

<sup>354</sup> Joale, ha re theoheleng ho Evangeli e latelang, Mareka, khaolo ea 16, ho bona haeba Mareka a lebetse Lehlohonolo lena la Pentekosta. Mareka, khaolo ea 16. Joale, ha re qaleng mona mabapi le . . . kamora . . . e bua ka tsoho. Joale, ha re theoheng re be re nka re ho—ho temana ea 14 ea Mareka 16:

*Hoba a itlhahise ho ba leshome le motso o mong ba lutse lijong, a ba nyatsetsa ho se lumele ha bona le bothata ba lipelo tsa bona, kahobane ba sa ka ba lumela ba 'moneng a tsohile.*

<sup>355</sup> Ha baa lumela ba lekileng ho ba bolella molaetsa. Le a bona, le kajeno ho joalo. Batho ba tšoereng bopaki ba Moea o Halalelang; batho ba re, "Bosaoana, ke mphi ea bathethehi ba halalelang." 'Me A ba nyatsetsa bothata ba lipelo tsa bona, le a bona, le ho se lumele ha bona; ba neng ba Mo tsebile tsohong ea Hae.

*'Me a re ho bona, E-eang ka lefatše lohle, le bolelle 'mopuo a e mong evangeli.*

<sup>356</sup> Eng? Ho bolela . . . sena . . . Evangeli e 'ngoe feela; balebeli ba bane. "Le bolelle sebopuo a se sang le se sang Evangeli ena!" Joale, hopolang, O li nka bobeli, balebeli bohole ba bane (Mattheu, Mareka, Luka, le Johanne), le a bona, "Le bolelle 'mopuo a e mong le e mong Evangeli!"

*Ea lumelang 'me a kolobetsoa o tla bolokeha; ea sa lumeleng o tla tsuo a. (Le a bona, u tlameha ho kena kolobetsong ena mona.)*

*Ea lumelang 'me a kolobetsoa o tla bolokeha; . . . ea sa lumeleng o tla tsuo a. (Oh, moena, lumela, hle!)*

*'Me . . . (Lehokanyi, le tlamang lipolelo tsohle 'moho.) . . . 'Me mehlolo e tla tsamaea le ba lumelang ke eona ena; . . .*

<sup>357</sup> Be, joale, ha re boneng, Mamethodise a reng? "Ha u hooeletsa, ho phela bophelo bo khabane." Mabaptiste a re, "Lumela feela 'me u kolobetsoe." Ma-Episcopaliane ba re, "Ema joaloka Moepiscopaliane, joalo, u iname ha pina e binoa." Mokatolike o re, "E re 'Ahe, Maria." Pentekosta e re, "Ingolise le mokhatlo oa rona. Kolobetsoa ka Lebitso la 'Ntate, Mora le Moea o Halalelang." Ke moo. Le a bona?

*. . . mehlolo e tla tsamaea le ba lumelang ke eona ena;  
Ka lebitso la ka . . . (Hmm. Che "Ntate, Mora, Moea o Halalelang" tabeng eo.) . . . Ka lebitso la ka ba tla leleka batemona; ba tla bua lipuo tse ncha;*

*Ba tla tšoara linoha; . . . leha ba noele ntho e ka ba bolaeang, ha e ka ke ea ba etsa letho; ba tla bea bakuli matsoho a bona, 'me ba tla fola. (Amen! Oh, moena!)*

<sup>358</sup> Joale khutlelang hantle ho ea 11, joale re se re tla koala. Mattheu 11, 'me ke tšoere 20 le 21, Jesu o a bua. Ana ohle ke Jesu ea buang, joale, ha ho le leng la oona haese Jesu ea buang, le leng le leng.

*'Me hosane, eareha ha ba . . . atamela Bethania, a lapa:*

*'Me a bonela sefate sa feiga . . .*

<sup>359</sup> Ke mohla A rohakang sefate (ke Mattheu 21). Ke tšoere . . . :12, le tšoarele hleng. Mareka 11:21 le 22:

*Eaba Petrose o elelloa a re ho eena: Moruti, bona, sefate sa feiga seo u se rohakileng tseleng . . .*

*'Me Jesu a araba a re ho ena: E-ba le tumelo ho Molimo. (Le a bona?)*

*Hobane kannete ke re ho uena, (ka hona, ke kahare) . . . re ho uena, Ha u ka re ho thaba ena: Tloha, u itihele leoatleng; 'me a sa belaele pelong ea hae, empa . . . lumela lintho tseo a li buang 'hoba li tla etsahala; a ka ba fumana . . . o tla fuoa seo a se buang.*

<sup>360</sup> Moshanyana, khoro ea boroa e lebetsoe ke poho. Khoro ea leboea e lebetsoe ke tau, khoro ea leboea . . . Ke bolela khoro ea bochabela. 'Me khoro ea leboea e lebetsoe ke ntsu e fofang, Johanne, moevangeli. E ntoo ba ngaka ka nqa ena, Luka, monna.

<sup>361</sup> Joale, ha re boneng seo Luka a se buang. Nkang Luka, 1 khao- . . . Kea khlooa re fumane Luka 10: 1 ho isa ho 12, ke e- ke thomo. Bohle le tseba seo e leng sona, empa . . . Luka, khaolo ea 10, le 1 ho isa ho 12. Ho lokile, re ka tsoella ra e bala eohle, empa re ke ke fumana nako eo. "Tsamaeang . . ." Ke tla qala ka temana ea 3:

*Tsamaeang: bonang, ke le roma joaloka likonyana hara liphiri.*

*Le se ke la nka mokotlana oa chelete, leha e le mofaho, . . .*

<sup>362</sup> Le a bona, “Le se ke la kena ka lebitso la bolumeli ba mofuta. Le ee kamoo Ke le romang. Le a bona? U se ke oa ea ka tiisetso e reng u tla neheloa didolara tse likeete tse lekholo tsa tsoseletso ena; haeba u sa e fumane, ha u ee. U a bona. Ho hlophisa matšolo a hau.” O itse, “E-eang moo Ke le romang teng.” Le a bona.

*Le se ke la nka mokotlana oa chelete, kapa mofaho, kapa lieta: . . . se ke la lumelisa motho tseleng.*

<sup>363</sup> “U se ke oa fapohela oa re, ‘Ke tla re khalo ke bone kamoo . . . bana ba phetse joang . . . kamoo bana . . .’ Le ee hantle moo Ke le romang teng. Le se ke la tsotella mang.”

*Leha e le ho ntlu efe le efe eo u kenang ho eona, . . . le re: Khotso ebe le ntlo ena.*

*. . . ha mora oa khotso a le teng mono, khotso ea lona e tla khutla . . . e lula ho eona: ha ho se joalo, e tla khutlela ho lona hape.*

*Le lule ka hora eo, le lule ntlung (ke rialo) eo, le ntse le ejaa le noa se ntšoang ke bona: (Joale, nyee ena eohle ea “ho ila nama, le joalo-joalo.” Khele, thusang hleng! Le a bona?) hobane ea sebetsang o lokeloa ke moputso oa hae. Le se ke la kena ntlu le ntlu.*

<sup>364</sup> Ho ipapais le ba-Jones kajeno, tinareng, le ho nkana le e—e para e latelang tsatsing le latelang, le para e latelang khetlo le latelang. “U lula hantle mono!”

Ke mohla ke kenang kopanong, le a tseba, lebaka leo ke lulang hoteleng, le ho lula mono hantle, ke hona hantle moo ke fumanang khotso. Le a bona? Le se ke la kena ntlu le ntlu!

*Empa ho motse ofe le ofe oo le tla kenang, teng ha ba le amohele, le je tsee beiloeng ka pel'a lona:*

*'Me le folise ba kulang—folise ba kulang ba teng, 'me le ba bolellele: 'Muso ke . . . Molimo o atametse ho lona.*

<sup>365</sup> Empa joale, be, e reng ke bale temana e latelang:

*Empa motseng ofe kapa ofe oo u kenang ho oona, 'me ba sa le amohele, le tlohe le tsoe . . . motseng ka . . . ka lona . . . letsatsi, . . .*

*Esita le lerôle la oona motse, le khomarelang ho—ho rona, re . . . (Ha re boneng ha joale). . . Esita le . . . 'Me . . . Esita le lerôle la motse oa heno, le khomarelang a rona, re le hloholorela ho lona: leha ho le joalo le tsebe hobane, 'muso oa Molimo o atametse ho lona.*

*Ke a le bolella, motse oo o tla fihleloa ke bothata bo fetisang ba Sodoma, ka letsatsi la kahlolo.*

<sup>366</sup> Oh, moena, kholiso e bokoang eo! Ekare ha ba sa bone, ho le amohela, le tlohe, le re feela, "Be, haeba le sa mpatle, ke tla hlohlora lerôle feela, le la lieta tsa ka, ke tla itsoela hantle." Ka mantsoe a mang, ho re, "Ha ke a nka letho; ha nka ja letho, ke tla le lefa, 'me ha re ikeleng." A re, "Kannete . . ." 'Me ofe oa metse eo ba e etetseng 'me ba sa amoheloa, eohle e hohlometse 'me e timetse kajeno. Le motse ofe—motse ofe o ba amohetseng, o sa eme le kajeno. Ke moo.

<sup>367</sup> Joale, le leng hape, re ntoo koala. Ha re boneng, re tšoere 10. 11:29 ho isa ho 31, Luka 11:29 ho isa ho 31, re ntoo koala. Oh, ke rata Sena!

*Eitseha ha bongata bo se bo petahana . . .*

<sup>368</sup> Ha re boneng, na ke tšoere . . . Na eo ke Luka, Luka 11:29? E, ke kholoa e tla be e le eona. Ee:

*Eitseha bongata bo petahana, a qala ho re, Moloko ona ke o lonya: o qela mohlolo; 'me ha o ka . . . oa . . . neoa mohlolo . . . oa letho, haese mohlolo oa Jona moporofeta.*

*Hobane joalokaha Jona e bile mohlolo ho Ninive, ho joalo . . . le Mor'a motho le eena o tla ba joalo ho moloko ona.*

*Mofumahali oa boroa o tla ema . . . kahlolong le . . . ba moloko oona, 'me o tla o tsoe: mohl Lang oo o ne a tlohe pheletsong tsa lefatše ho tla mamela bohlale ba Salomone; 'me, bonang, e moholo ho Salomone o teng mona.*

*Banna ba Ninive ba tla ema kahlolong le moloko ona, 'me . . . o tsoe: hobane ba kile ba baka ka mokhosi oa Jonase; kanthe, bonang, e moholo ho Jonase o teng mona.*

<sup>369</sup> Ke reng joale? Ho koaleng, ke tla tlameha ho tlohela tse ling tsohle. Empa, ho koaleng, ke batla ho bua sena hobane ke le bolokile halelele. Ebe mono O reng? "Ho tla letsatsi la moloko o khopo, o mofebi," (Joale hopolang!) "o tla batla pontšo. Ona ke moloko o khopo le o mofebi." 'Me O itse, "Moloko oo o tla fuoa pontšo." Shebang kamoo e khemisanang le Bibele eohle, pontšo ea Jonase. "Jonase o hlotse mpeng ea lerusuarua matsatsi a mararo le masiu; le Mora motho o loketse ho lula maleng a—a lefatše matsatsi a mararo le masiu." E tla ba eng? Pontšo ea tsoho. Le a bona? Pontšo ea tsoho e tla hlahisetsoa moloko o khopo le o mofebi, 'me e ne e etsoe Bukeng ea Liketso. Jesu o tsophile bafung, a kena ho Petrose, Jakobo, le Johanne, le baapostola, 'me ba entse Buka ena ea Liketso (e ne e se liketso tsa baapostola), e ne e le liketso tsa Moea o Halalelang o sebetsang ka *ho* baapostola.

<sup>370</sup> Ha se motho kajeno; ke Moea o Halalelang o sebetsang ka motho, kapa banna, le a bona, o etsang mosebetsi. Ha se motho;

monna ke lefiso feela, le a bona, empa Moea o Halalelang ke Oli e kahar'a lefiso leo. Le a bona?

<sup>371</sup> 'Me le shebe seo ba se entseng, shebang meeka eo ba e entseng ea Jesu. Ba ne ba tlameha ho ba ela hloko... Ba—ba ne ba sa bala, ba sa ruteha, Petrose le Johanne. Empa ba lemohile hoba, ba tsamaile le Jesu! Ba entse lintho tseo A li entseng. Ka hona, le a bona, Buka ka 'ngoe ka Bibeleng, eohle... Libuka tse 'ne, Lievangeli tse 'ne li lebela Lehlohonolo la Pentekonta ka Lengolo ka leng ho tšehtsa hantle se ba se boletseng. 'Me joale Liketso tsa baapostola li netefatsa kajeno ka Evangelii tse 'ne hore Jesu Kreste esale oa maobane, kajeno, le kamehla. Le a Mo rata na?

Ba ne ba phuthehile phaposing e kaholimo,  
Bohle ba rapela ka Lebitso la hae,  
Ba kolobetsoa ka Moea o Halalelang,  
Eaba ho fihla matla a tšebebetso;  
Seo A ba etselitseng mohlang oo  
A ka u etsetsa hona hoo le uena,  
Ha se le thabo hore ke e mong oa bona.

<sup>372</sup> E reng ke se bine:

Ba ne ba phuthehile phaposing e kaholimo,  
Bohle ba rapela ka lebitsong la Hae,  
Ba kolobetsoa ka Moea o Halalelang,  
'Me ha fihla matla a tšebebetso; (Re hloka hoo  
kajeno.)  
Seo A ba etselitseng mohlang oo  
A ka u etsetsa hona hoo le uena,  
Ha se le thabo hore ke e mong oa bona.

Batho bana ha ba ruteha, (Che... Se sa  
Petrose, Jakobo le Johanne.)  
Kapa ho ithorisa ka botumo ba lefatše,  
Bohle ba amohetse Pentekosta ea bona,  
Ho kolobetsoa ka Lebitso la Jesu;  
Joale ba bolela, haufi le hole,  
Matla a Hae esale ona, (Joaloka mehleng.)  
Ha se le thabo hore ke e mong oa bona.

Ke e mong oa bona, ke e mong oa bona,  
Ha se le thabo hore ke e mong oa bona;  
E mong oa bona, ke e mong oa bona,  
Oh, hase le thabo hore ke e mong oa bona.

Oh, tloong, baena ba ka, batlang leseho lena  
Le tla hlatsoa pelō ea hau sebeng,  
Le tla letsang mangene-ngene a thabo  
Le tla tukisa relakabe la moea oa hao;  
Oh, le tuka joale pelong ea ka,  
Oh, ho bokoe Lebitso la Hae,  
Ha se le thabo hore ke e mong oa bona.

E mong oa bona, e mong oa bona,  
 Ha se le thabo hore ke e mong oa bona; Allelua!  
 E mong oa bona, ke e mong oa bona,  
 Ha se le thabo hore ke e mong oa bona.

<sup>373</sup> [Sekheo lebanteng—Mong.] E thetsa batho ba bangata. Na... Batho ba bangata mona seterateng ba kenang kereke, ke litho tsa likereke, ba thetsitsoe joaloka Eva qalong. Ha ba tsebe phapang ea letho.

<sup>374</sup> Oh, tloo u nke Sefate sa Bophelo! Joale, sebakeng sa hore Likerubime... Joale, ke batla ho bua taba. Sebakeng sa hore Likerubime tseo li lebele Terone ena, li kantle mona li a tsoma, ho leka ho qhoba batho, ho ba alosetsa Teroneng, ho leka ho ba fetisa khorong, ho khutlela Sefateng sa Bophelo hape hore ba nke Sena. Jesu o itse, “Ke ’na Bohobe ba Bophelo bo tsoang ho Molimo Leholidmong. Ea jang nama ea Ka ’me a noa Mali a Ka o na le Bophelo Bosafeleng ’me Ke tla mo tsosa letsatsing la bofelo.” Ke hantle. Oh, ke thabile haholo!

<sup>375</sup> Bakuli ba ba bakae ka phaposing? Ha re boneng matsoho a lona, phahamisang matsoho lona. Ho lokile. Ba bakae ba nkileng... Na ho joalo... Na—na ke utloisisitse Billy? O ho kae? Na o ntšite litlankana tsa thapelo? Na lona...? [Sekheo lebanteng—Mong.] Ho lokile, ke mang ea nkileng...[Sekheo lebanteng.]

<sup>376</sup> Joale, shebang nqa ena, lona bohole. Joale, e its’oanela feela leha e kena tlas’ a Khanya mona, le a bona. Le a bona? Le a bona? Le a fihla... Ke Leseli ka mona. U ntse u tsamaea mona, u a bona. Joale, shebang, ke feela—ke khalimiso feela, khalimiso feela, ke hore, le a bona. Ha se Leseli. Leseli ke lena le leketlile hantle mona, le a bona, hantle mona pel’ a mosali enoa. Ke tsoatsoile ka Le qhautsa ’me ka Le hopola le le holim’ a motho e mong.

<sup>377</sup> Joale, lona le bona le le leng athe ’na ke bona a mabeli. Le leng ke la tlhaho, athe le Leng ke la Mohlolo. Ho na le monna ea lutseng kantle ka mona, moleng ona a shebile nqa Leseli leo. Le mo otlike. O tsoa Seymour, Indiana, ’me o na le... o ile a tšoaroa ke setorouku. Ha u ka lumela, monghali, Molimo o tla u folisa setorouku seo. Amen! Lumela joale!

<sup>378</sup> Na u lumela ka pelō eohle ea hao? Joale ha Morena Molimo, ’Mopi oa maholimo le lefatše, a ka ntumella ho le etsetsa lethoana ho le pakela hoba ke Molimo, joale na u tla lumela ka pelo ea hau? Maemo a hau—a hau ke maemo a methapo a bakiloeng ke e—e—e ho ilela khoeli. Na u a lumela Molimo o tla u folisa? Le uena ha u tsoe mona.

<sup>379</sup> [Sekheo lebanteng—Mong]... bothata ba hau? ’Me, ka ho etsa joalo, hore O tla u folisa? [Sekheo lebanteng]... a ka u folisa, hobane ha se uena ea batlang ho fola, ke mora oa hau. U a bona? O koana Virginia. Na u a lumela nka u bolella bothata ba

hae, ka thuso ea Molimo? O jeoa ke dialsa. Ke hantle. 'Me bothata bo bong bo teng ka eena, ha a bolokeha. 'Me u ntse u mo rapella. Joale, Mof. Baker, u ka khutlela Somerset 'me u lumele ka pelo ea hau eohle, Jesu Kreste o tla mo folisa. [Sekheo lebanteng.] . . .? . . .ho u phekola, na u Mo amohela e le Mofolisi oa hau? Haeba u ka khona . . .[Sekheo lebanteng.] . . .mofolisi. Pauluse o boletse ka mohla . . .[Sekheo lebanteng.]

<sup>380</sup> Mokhupi ona oa batho esale ba mamela ka thahasello hofihlela joale nakong ea letsatsi, Morena, joale, Morena Molimo, ke rapella mehauhelo ea Hau le molemo ho lula holim'a bona.

<sup>381</sup> Satane, ke u qholotsa ka Lebitso la Jesu Kreste, tsoa bathong bana! Ba ile ba sala ho mamela Evangel. U ka se hhole u ba tšoara hape. Matla a diabolosi esale a holehile batho bana, a tlohe!



*TšENOLO, KHAOLO 'NE KAROLO III* SST61-0108

(Revelation, Chapter Four Part III)

TERO LETOTO TSHENOLO EA JESU KRESTE

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Pherekong 8, 1961, mane Branham Tabernakel, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)